

WANTOK

Niuspepa bilong Papua Niugini stret

- 25 yia nau

40 pes

Namba 1104

Wik i stat long Fonde, Ogas 24, 1995

50 toea

Manki dai, 52 haus i paia long Hoskins

STEVEN KADIKO na
YAKAM KELO i raitim

WANPELA manki bilong ples Galilo i bin dai na 52 haus long ples Karapi i go daun long paia insait long wanpela pait long las wik Sarere. Dispela paiti kamap long ples Malalia long Hoskins, Wes Nu Briten provins long taim olgeta lain i bung long George Brown Singing Festival.

Dispela singsing festival i save kamap olgeta yia long Wes Nu Briten provins.

Plis ripot i tok dispela pait i kamap namel long ol sampela spak manki bilong ples Galilo na Karapi long dispela taim. Provinsal Plis Komanda Sief Inspekta Patrick Semi i tokaut long dispela hevi na i tok ol plisman i wok klostu long daunim dispela belhat namel long tupela lain ya.

Mista Semi i tok bikpela belhat na kros i stap yet namel long tupela lain ya. Olsem na pait i ken kirap gen. Ripot long Kimbe Haus Sik i tok long Trinde moning (aste), planti lain long ples galilo i bin kamap long haus sik wantaim ol bagarap long skin long kisim marasin. Haus ripot i tokaut tu olsem wanpela bilong ol Galilo i bin dai long birua ya na bodi bilong em i go long Kimbe haus sik long Sande moning. Tasol i gat wanpela man tu long Karapi i stap nau long Waloka haus sik wantaim bikpela bagarap. Haus sik ripot i tok planti lain i no go long haus sik long kisim marasin bikos ol i mas pret long ol yet.

Arapela ripot i tok ol lain bilong ples Galilo i stap wantaim bikpela belhevi yet long dai bilong yangpela boi ya. Olsem na ol i ting long kisim bodi ya i go long ples na bekim bek dispela indai.

Ol i tok pait i bin stat long Sarere i go inap taim ol plisman i go kamap long Mande. Long dispela taim, Gavana bilong Wes Nu Briten provins, Lucas Waka i singaut long tupela lain ples ya long lusim kain bikhet pasin olsem go bung wantaim long pinisim hevi ya. Em i askim ol long lusim ol samting bilong pait na kamapim gutpela tingting bilong stretim hevi ya. Mista Waka i tok ol pipel bilong Nakanai i gutpela lain tru na i no save mekim trabel. Dispela hevi i mekim olgeta lain i kirap nogut tru. Mista Wata i tok sori tru long yangpela manki husat i dai ya na ol haus we i go daun long paia. Em i askim olgeta lain long lusim samting bilong pait na bung wantaim na stretim hevi ya. Em i askim tupela ples ya long wok bung wantaim ol plisman long ol iken mekim wok bilong ol na larim lo yet i stretim hevi ya.

BRA "hit skwat" statim trabel gen long Bogenvil

VERONICA HATUTASI i raitim

WANPELA BRA "hit skwat" i wok long raun nau na kamapim ol trabel na bagarapim ol gavman na pravit propeti long sentrel na not Bogenvil.

Dispela em ripot we Not Solomons edministresen opis long Buka i tokaut bihainim ol trabel na indai bilong tupela soldia na wanpela plisman long dispela wik long Arawa insait long sentrel Bogenvil, Tinputz, Soroken na Kunua long not is Bogenvil, stat long las wiken i kam inap long nau.

Ripot i tok olsem Ismael Toroama i go pas long dispela strongpela lain BRA bilong sentrel Bogenvil, husat i karim ol samting bilong pait na wokim ol bagarap na sutim dai ol birua bilong ol.

Long dispela wik Mande, dispela ol hit skwat lain ya i bin go insait long Soroken gavman stesin long not wes Bogenvil long 3 klok apinun. Na kukim distrik opis, ambalens na na tupela tred stoa bilong ol pipel long hap.

Ol bin kukim tu wanpela weahaus we i bin gat moa long 1,300 beg kakao em ol smokim pinis na redi long salim.

Wes Kos Holdings kampani i papa long dispela kakao weahaus.

Ol ripot i tok dispela hit

skwat em i wankain lain we i bin kilim indai plisman long Tinputzlong las wik Tunde. Na wankain lain nau i wok-abaut i go olsem long Soroken na kamapim ol bagarap long hap.

Bihain long ol trabel long Soroken, ol lain i kisim autbot moto na go olsem long Kunua na Torokina. I nogat stretpela ripot nau sapos ol i kamapim sampela moa bagarap long hap.

Bikos Wantok i no bin inap long kisim moa ripot bipo long ol i prinim.


Soroken distrik opis i bin kos K900,000 long sanapim insait long restoresen program long Bogenvil.

Na nau paia i kukim olgeta wantaim olgeta samting insait long en.

Ripot i tok dispela hit skwat lain i bin yusim ambulens bilong Hantoa sab distrik senta klostu long Buka pasis.

Dispela em bihain long ol i hensapim draiva long ples Tsunpets long 2 klok apinun.

Birua i kamap bihain long draiva na tupela boskru i lusim sampela sikman meri long haus sik.



● Sue Darby (lephan) i katim betde kek bilong em long amamasim betde bilong em i bin kamap long Ka Klab long Mosbi las wik. Sue save go pas long ogenaisim Mis PNG resis bilong Red Cross. Foto: Joe Ivaharia.

DIFENS VS TARANGAU LONG MOSBI LIG GREN FAINEL
- STORI LONG 8 PES RAGBI LIG NIUS

DABOLKABIN

YUNO INAP WINIM

TOYOTA HILUX 4x4 DABOLKABIN

Sapos yu painim hat long igo, go wantaim Toyota Hilux 4x4 tasol. nau long Ela Motors.

TOYOTA

Oh! Em Gutpela Tru!

Ela Motors

OLGETANAP

EM6068

Plis RIPOT



LAE:

Las wiken ol man nogut i bagarapim tupelafamili long ten Siti long Lae PTC Koles. Plis ripot i tok long Sande nait, wanpela waitman na meri bilong em i bin slip i stap taim sampela man nogut i brukim haus bilong tupela na go insait. Dispela ol man nogut i bin karim ol gan we ol yet i bin wokim.

Bos bilong ol plisman long Lae siti, Tony Wagambie i tok ol man nogut i bin katim sekyuriti banis waia ausait long haus na go insait long eria. Bihain ol i yusim ol hap ain long brukim dua bilong haus. Na go insait na hensapim waitman na meri bilong em. Ol i stilim ol samting we i kos moa long K800. Na taim ol i lusim haus, ol i brukim glas bilong tupela ka i stap ausait long haus, na ranawe.

Long wankain taim tu, 5-pela man nogut i bin hensapim wanpela Papua Niugini famili na stilim ol samting bilong ol. Na stilim televisen bilong ol. Famili ya i stap long wankain hap olsem waitman na meri bilong em. Na ol plisman i painimaut yet long ol dispela stilpasin.

HAGEN :

Hagen Distrik Kot i givim sans long wanpela sinia plis opisa. Long 6-pela mun, dispela plis opisa i noken mekim wanpela asua. Sapos em i brukim wanpela lo, kot bai no inap givim moa sans long em. Plis i givim nem bilong dispela plis opisa olsem Ludwig Kembu, olpela Provinsal Plis Komanda bilong Westen Hailans. Kot i painimaut olsem Mista Kembu i bin paitim wanpela meri nating, we i nogat gupela as long en.

Plis i givim nem bilong meri Mista Kembu i paitim olsem Lina Kobo. Dispela samting i bin kamap long Me 4, 1995. Kot i tokim Mista Kembu long baim K200 we em bai kisim bek bihain long 6-pela mun sapos em i no mekim wanpela trabel. Mista Kembu bai sanap gen long kot long narapela sas. Plis ripot i tok hauskot bai sasim Mista Kembu wantaim arapela 4-pela plis opisa long traimit stapim kot long kotim em (mista Kembu). Plis ripot i givim nem bilong 4-pela arapela plis opisa olsem Sief Inspekta Raphael Huafolo, Stesin Komanda bilong Hagen Plis Stesin, Sief Inspekta Leo Kapilo, na tupela arapela sinia plis opisa.

MOSBI :

Wanpela Papua Niugini studen long Australia bai go kalabus inap long 18 mun long Australia yet. Dispela em bihain long Noten Teritori Distrik Kot i painimaut olsem studen ya i bagarapim wanpela meri husat i gat 14 krismas. Plis rpot i tokaut long nem bilong dispela studen olsem Kindo Numbole bilong Goroka. Numbole i gat 19 krismas. Na em i stap skul long Australia aninit long Australia gavman stadi skolasip long Brisbane.

Plis ripot i tok yangpela Numbole i bin tokaut long kot olsem em bagarapim dispela meri. Bihainim dispela Jas Martin, husat i go pas long harim dispela kot i tok dispela em i wanpela bikpela samting tru.

Praim minista odaim wok painimaut long indai bilong Enga studen long UPNG

ELIZABETH LENY i raitim

TOKTOK long indai bilong wanpela Enga studen long Yunivesiti bilong Papua Niugini (UPNG) long Waigani, Mosbi long Sarere Ogas 19 i wok long go het yet, bihainim ol wok painimaut ol plisman i karimaut.

Plis i ripot olsem dispela studen i bin dai taim plis na soldia i sut antap long skai long pre-tim wanpela grup long lukautim ol yet. Praim Minista Sir Julius Chan i odaim pinis wok painimaut long dispela birua.

Plis i givim nem bilong dispela studen olsem Win Paguk Tumu. Em i wokim namba tri yia bilong em long yunivesiti olsem wanpela sosel woka studen. Mista Tumu i gat 27 krismas. Na em i bilong ples Pina long Wapenamanda eria.

Bihainim dispela, ol studen lida nau i sutim tok long gavman. Na ol i bilip strong olsem ol plisman na soldia i sutim indai dispela studen. Ol i tok ol i no inap lus tingting long wanem samting ol soldia na plisman i mekim. Minista bilong Edukesen, Joseph Onguglo i tok gavman noken

lukluk long ol soldia long helpim plis. Long wanem em i tok ol soldia i trening long sutim na kilim indai man. Na i no long lukautim lo na oda.

Mista Onguglo i mekim dispela toktok taim em toktok long wanpela bung bilong ol yunivesiti studen long dispela wik Mande. Gavana bilong Nesenel Kapitel Distrik, Bill Skate i askim ol studen long stap isi. Na larim lo yet i mekim wok long bringim ol trabelman i go long kot kalabus.

Plis minista, Castan Maibawa i tok i gat gupela wok painimaut i wok long go

het. Na ol man nating husat i no bin stap taim studen i bin dai i noken go givim toktok long dispela indai. Em i tok em i no amamas long NCDC Gavana wantaim wanpela Palamen Oposisen memba, Masket langalio long kamap long dispela bung bilong ol studen. Na givim sampela gupela toktok long ol studen.

Tasol em i tok dispela tupela memba i no bin stap taim birua ya i kamap. Olsem na tupela noken sutim tok nating. Bikos kain pasin i no inap helpim wok painimaut em i go het nau.

Kot odaim brata na susa long noken brukim lo long tupela yia

PETER MAIME i raitim

WAIGANI Nesenel Kot i bin odaim wanpela twin brata na susa bilong em long noken brukim wanpela lo long tupela yia. Sapos tupela i brukim wanpela lo, bai tupela go kalabus stret. Bikos kot i painimaut olsem tupela i wokim pasin nogut o pren.

Kot i painimaut olsem dispela kain pasin i no save kamap olgeta taim. Olsem na kot i no salim tupela i go long kalabus. Tasol i tokim tupela long noken brukim wanpela lo long tupela yia.

Bihainim dispela, kot i givim tokorait olsem tupela i ken lukautim tupela yet. Bikos tupela i gat wankain krismas tasol. Na tu long sait bilong famili, kot i painimaut olsem tupela i no bin bagarapim tupela yet. Na

tupela i wokim dispela pasin long wanpela taim tasol.

Kot i painimaut tu olsem dispela tupela twins i no bin stap wantaim taim tupela i bin liklik yet. Bikos tupela arapela famili i bin kisim tupela na lukautim taim tupela i stap liklik yet.

Susa marit na i gat tripela pikinini. Kot i painimaut tu olsem brata na susa i no bin plenim long prenim tupela yet. Dispela samting i bin kamap long haus bilong susa bilong man, taim tupela i laik save gut long tupela yet. Na man bilong susa i bin painimaut. Na kisim tupela i go long kot.

Jastis Doherty i tok dispela kain pasin i nogut tru long olgeta komyuniti insait long dispela graun. Na em i olsem sik kensa.

Man na meri go pilai kas na kendel kukim K7,486 haus

MAN na meri go pilai kas na kendel i lait i go daun na kukim olgeta haus bilong tupela, we i kos K7,486.

Dispela birua i bin kamap long 11 mail, Lae long dispela wik, Tunde Ogas 22. Haus ya i gat 5-pela rum bilong slip. Papa bilong haus em Gamuso Ereka. Na em i bilong Goroka long Isten Hailans provins. Mista Ereka i tok em i bin lusim wanpela kendel i stap long rum bilong slip. Na em wanpela meri i go pilai kas wantaim ol wantok long narapela haus. Na kendel paia i go daun na kukim haus.

Mista Ereka i tok em i lusim tu 55 liklik kakaruk we i bin lukautim. Long dispela ol kakaruk, em inap long K330 sapos em i salim. Na tu em i lusim tupela pik we sapos em i salim, em inap kisim K800. Em i tok olgeta hatwok bilong em i go lus nating nau.

Nau yet Mista Ereka wantaim famili bilong em i nogat haus bilong stap. Tasol em i tok, em wantaim meri i ken wokim wanpela nupela haus gen. Bikos Mista Ereka em i wanpela kapenta.

Ol raskol long Okuk Haiwe bai kisim strongpela mekimsave

SAPE METTA i raitim

PLIS long hailans i tokaut long ol bai lukluk long kirapim strongpela wok egen-sim trabel i wok long kamap long Okuk Haiwe. Na bai no inap isi long ol man nogut husat i save yusim haiwe long bagarapim ol gupela manmeri nating.

Rijonal komanda bilong plis long Hailans, wantaim ol provinsal plis komanda long Simbu na Goroka i mekim dispela toktok bihain long plis i bin go insait long Watabung arere long Okuk Haiwe. Na painim wanpela gan. Plis i bin go insait long sekim dispela ples long wanem sampela raskol i bin holimpasim wan-

pela plisman. Na kisim K2,000 bilong em. Dispela plisman i bin stap long hailans na draiv i go long Madang wantaim famili bilong em, na i bungim dispela birua.

Plis i givim pinis wanpela de long ol raskol ya i kisim mani i go bek long plis stesin ol i stap klostu long en.

Bihainim dispela birua, plis i bin kisim wanpela ka na sasim 5-pela man husat ol i bilip i bin holim dispela plisman wantaim famili bilong em.

Nau yet wanpela biknem bisnisman long hailans, Sir Danny Leahy i tok gavman i mas kamap wantaim wanpela

we long baim ol bisnisman husat i wok long lusim ol samting bilong ol long ol raskol.

Bikos em i bilip stilpasin i kamap long astingting bilong sampela lain, na i no bilong ol raskol yet.

Em i tok tu olsem ol lida long hailans i mas lukluk tu long stapim ol lain bilong ol long mekim ol dispela kain pasin.

Sir Danny i tok moa olsem kampani bilong em, Collins & Leahy i lusim pinis moa long K1 milien. Dispela em long ol samting ol raskol i stilim o bagarapim.

Man Asaro kamap long kot long bagarapim mama pik

WANPELA man i bin kamap long hauskot long Goroka, Isten Hailans long sas mekim pasin nogut wantaim wanpela mama pik. Dispela man i bilong Asaro distrik long Isten Hailans provins yet.

Plis ripot i tok dispela man i bin yusim rop long pasim pik long wanpela pandanus diwai. Na bagarapim pik.

Kot i painimaut olsem dispela pasin i bin kamap planti taim pinis. Na papa bilong pik i painimaut long Julai 19, na ripot long plis.

Long narapela ripot, plis i holimpasim na sasim pinis wanpela man long bagarapim 6-pela liklik meri, husat em krismas bilong ol i daubilo long 14 yia. Man ya i bilong Sauten Hailans provins.

Plis ripot i tok man ya i bin grisim ol liklik meri long draivim ol raun long ka. Tasol bihain em kisim ol i go long wanpela hap kona na bagarapim ol wanwan long ai bilong ol.

Plis i askim nau ol yangpela meri long noken kalap nating long ka em ol i no save.

WANTOK

All departments. Phone: 325 2500 - Fax: 325 2579
P.O. Box 1982, Boroko, NCD, Papua New Guinea

Published Weekly, Thursday, for

Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Company Secretary: Ian Fry.

Group Editor in Chief: Anna Solomon.

Editor of Wantok: Leo Watiwa

Advertising Manager: James DeLisle

Advertising Deadlines
Display bookings and
Camera ready copy: Tuesday mid-day
Classified advertising: Wednesday 2pm.

Regional Office:
Suite Haus Tisa, Second Street Lae, P.O. Box 1726, Lae, Morobe Province, Phone/Fax 42 0618, Phone: 42 1562

Regional Manager: Alphonse Pu.

Papers distributed by air throughout PNG.

Available by airmail subscription within Papua New Guinea and overseas.

Australia & New Zealand Representatives:
Tonkin Media Pty Ltd, P.O. Box 101, Avoca Beach NSW, 2251 Australia. Sydney, James Tokin, (043) 851746. Melbourne, Glen Smith, (03) 8072311.

Word Publishing Co. Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of Word Publishing Company Pty. Ltd. and are set out in full on the reverse side of its official Display Advertising Booking Form.

Plis holim man Oro long kilim man Nu Silan

YAKAM KELO i raitim

PLIS long Popondeta, Oro provins i holim pinis wanpela man husat i bin wanpela long ol lain i kilim man Nu Silan long dispela mun.

Plis ripot i kam long Popondeta i tok wok painimaut bilong plis i holim pinis wanpela yangpela man bilong Oro provins yet. Plis i painimaut bihain long ol i askim

man ya olsem i gat narapela man Oro yet i bin stap insait long dispela birua.

Plis ripot i tok ol i save olsem birua ya em tupela man i mekim.

Man Nu Silan husat i dai em wanpela enjinia wantaim Provinsal Woks Dipatmen.

Na em i bin raun i go long Ongo rot long Kokoda rot yet long sekim wanpela nupela rot em Woks i bin wokim na bungim dispela birua.

Man ya em Stan Rosewar bilong Oklen, Nu Silan na i gat wanpela pikinini. Plis ripot i tok ol i wok long mekim wok painimaut long narapela man husat i stap hait yet. Narapela i stap long kalabus na wetim kot bilong em i stap.

Plis ripot i no laik tokaut long nem bilong man ya bikos long wok painimaut we i stap yet.

9-pela de kalabus bilong ol soldia

PETER MAIME i raitim

Kot i kalabusim pinis faivpela solida boi bilong Lae igam bareks husait i mekim trabel long Jackson ples balus long mun Septemba las ya.

Kot i no tokaut long ol i bai stap yet long difens fos o bai ol i pinis. Em samting bilong ol bos bilong ami. Wantok Niuspepa i bin traim long kisim tingting bilong ol bos long asde apinun tasol i nogat.

Wanpela ofisa i tok, olgeta ofisa bilong Murray bareks i go long haus kra i bilong wanpela wanwok husait i bin dai long Bougenvil.

Nem bilong ol solida kot i kalabusim em, Litunen. John Lepus, Privet. Melchoir Sitnangu, Pt.

Nelson Inei, Pt. Albie Teno na Pt. Mutu Ogunabim. Olgeta i bilong Lae Enginerin Yunet.

Tasol ol bai ino kalabus longpela taim. Bai ol istap lokap 9-pela de tasol long Murray bareks long Mosbi.

Kot i painim aut olsem ol i brukim lo long mekim kibung, brukim ol samting na paitim ol wok manmeri bilong Air Niugini long domestik diparta teminal.

Distrik Marsal Kot i skelim gut wanem samting i kamap long dispela birua na ol toktok bilong difens kaunsel and prosekuta na kamapim dispela disisin.

Kot i givim 3-mun long kibung bilong ol i no bihainim lo, 4-pela mun long ol i brukim ol samting and 4-pela mun long paitim ol wok manmeri bilong Air Niugini.

Bikos ol dispela sas i kamap long wankain taim na sem ples, olgeta solida i kisim wankain mekim save. Ol dispela mun, bai ol i sevim wantaim.

Dispela i min olsem wanpela sas i gat bikpela mun bai ol i kisim. Olsem na bai ol i kisim 4-pela mun.

Tasol dispela 4-pela mun is lus nating long taim ol boi ya i stap long wet kot. Olsem na bai ol i kalabus long sotpela taim.

Ol soldia ya i mekim birua pasin taim ol i kam bek long opresen bihainim long foapela mun olgeta long bus bilong Bougenvil.

Ol i tokim kot olsem ol i belhat na kirapim dispela hevi bikos ol bos bilong ol i no stretim kwik rot bilong ol long go long Lae.

Difens Kaunsel, Kaptin Frazer Pitpit, i sapotim na tok, plait bilong

ol i go long Lae i paul liklik. Em i tok, ol i sapos long go long Lae stret tasol, ol i kam hangamap nating long Mosbi long 3-pela wik olgeta. Long dispela taim ol i no kisim pe bilong ol na tu ol i sot long kaikai.

Long dispela taim wanpela wanwok bilong ol i dai long taim em stap duti long Bougenvil na ol i kisim i kam na i bin stap long Mosbi hausik.

Laik bilong ol, em ol laik kisim dispela bodi wantaim i go kamap long Lae tasol ol i surikim plait bilong ol. Ol i tok, ol bos biong ol i givim hat taim long ol.

Prosekuta, Kapten Malaki Unagui, i tok ol samting ol solida i mekim i no gutpela tumas. Kain pasin olsem long pablik ples balus i pretim ol manmeri na ol pikinini


taim ol i stap long yunifom na wantaim ol gan.

Magistret Richard Cherake bipo long em i givim disisen i tok, kot i no wanbel long dispela trabel bilong ol. Pasin ol i mekim long ples balus i olsem ol i stap yet long Bougenvil. Em i tok ol i kikim sia, bangim tabol, singaut, pairap na bikmaus i pretim olgeta lain husait i stap long dispela hap.

Mista Cherake i tok moa, ami i kisim trening long kilim man. Ol tu i tren long lukautim ol yet, ol wanwok, lukautim kantri na pipel bilong em.

Tasol em tok, ol mas bihainim lo bilong kantri, na tu lo and kastom bilong difens fos. Em i tok, " mipela i no laikim ol man husait i laik hambak and pretim ol manmeri."

Nalau i no amamas long indai bilong plisman



Jerry Nalau

MORobe Gavana, Jerry Nalau i no wanbel tru long indai bilong yangpela Morobe plisman long Bogenvil Ailan long las wik.

Em i tok dispela indai i no gutpela na nogat as tru.

Mista Nalau i askim Praim Minista na ol lida bilong Bogenvil long hariap stretim toktok na pinisim dispela hevi long Bogenvil.

Bikcs planti lain bai indai yet na planti manmeri long ailan bai bungim moa hevi yet long sindaun bilong ol.

Mista Nalau i tok Sir Julius Chan na ol Not Solomon lida i mas wok bung wantaim long painim gutpela sindaun gen long Bogenvil.

Morobe Gavana i mekim dispela toktok bihain long raiot skwat

plisman bilong kisim bagarap. Nem Finsafen, Morobe bilong manki Finsafen provins i bin dai taim ol i paitman bilong BRA i bungim ol na kirapim pait long Pitpit Wara. Tripela arapela i bin

indai bilong yangpela plisman ya. Em i salim wari na tok sori bilong em i go long papamama na famili memba bilong Kuma Maula.

indai bilong yangpela plisman ya.

Em i salim wari na tok sori bilong em i go long papamama na famili memba bilong Kuma Maula.

Pogat askim Pokawin long risain

PROVINSAL minista bilong Distrik Sevis na Lokel Gavman long nupela Manus Provinsal Gavman, Roy Pogat i askim Diputi Gavana, Stephen Pokawin long risain long wok bilong em.

Mista Pogat i mekim dispela toktok bihain long 5-man tasol i bin kamap long mekim tok promis long kisim wok insait long nupela Provinsal na Lokel Level Gavman sistem long namba wik bilong dispela mun.

Arapela 12 memba insait long Manus Provinsal Gavman i no bin kamap. Olpela primia, Stephen Pokawin tu i no bin kamap.

Nupela minista ya i tok nau em taim bilong senis na olgeta memba i mas wok bung wantaim long karim aut wok

insait long dispela nupela sistem.

Em i tok sapos Stephen Pokawin i bin strong yet long i no inap lusim opis bilong em, moabeta em i ken risain long wok bilong em.

Bikos Martin Thompson em nupela gavana bilong provins.

Tasol Deputi Gavana na olpela primia, Stephen Pokawin i tok em i redi long lusim opis bilong em na Martin Thompson i ken go insait.

Tasol em i laik bai olgeta samting bilong pinisim olpela sistem na kisim nupela sistem i mas kamap na bihain olgeta memba i ken mekim rot long welkamim nupela sistem.

Mista Pokawin i tok em i lukim olsem ol senis ya i hariap tumas na sampela memba bilong em i go stap long konstutensi bilong ol.

Olsem na ol i laik singautim olgeta i kam bek bung gut orait ol ken go het na tokaut long nupela senis na ol memba i ken i promis long kisim wok.

Nupela gavman bilong Manus i bin kamap long 11 Ogas we olgeta memba i bin kamap na ol i tokaut long ol memba bilong ranim Manus provins.

Dispela em insait long nupela sistem aninit long Gavana, Martin Thompson na Deputi Gavana, Stephen Pokawin.

DR. WONG'S MARASIN SOP

SULPHUR SOAP
DR. WONG'S MEDICINAL SULPHUR SOAP
 GERMICIDE - FUNGICIDE PARASITICIDE

Sop bilong rausim

- Kaskas
- Jems
- Skab's skin soa
- Skin soa

Yusim olgeta de

Askim stoa klostu long yu

Wholesalers: CBChae, Cheong Supermarket, City Pharm, Daru Tdg, Garamut, Hokit, Johnston Pharm, Morobe Pharm, PB Cheung, Price Rite, Rabtrad, SCS Tdg, S & N Tdg, Tangmow, Tropicana, TST.

For Wholesale savings

TORO

TORO WOK LONG MOBIL SEVIS STESIN OLSEM BAUSA BOI... (MAN BILONG PULUMAPIM PETROL LONG OL KAR.)

EM SANAP ISTAP NA WANPELA KAR IKAM... HOLIM!

MANGI SAG

PULUMAPIM LONG K2.00 TASOL !! OKE DOKI !!

TORO I TING "PULUMAPIM" NA EM PULAPIM TENK... EM NAU!... PULAP STRET!

TORO KIRAP NOGUT OLSEM DRAIVA I GIVIM K2-TASOL NA "IEK-OFF" !! MI TOK PULUMAPIM LONG K2! INO PUL-TENK... SORI YU YET PEIM!

MOBIL CI LONG SEM-DE TASOL BOS I PAIARIM TORO... SACKED!

WANTOK

NIUSPEPA BILONG OL PAPUA NIUGINI STRET

Amnesti givim moa pawa long BRA

Moa trabel i kamap gen nau long Bogenvil. Ripot i tok "hit skwat" bilong Bogenvil Revolusinari Ami (BRA) i wok long kamapim moa trabel long not Bogenvil eria.

Ripot i tok i gat bilip olsem dispela sem grup bilong ol BRA paitman i sutim indai tupela PNG Difens Fos soldia, na wanpela plisman. Bihain long Praim Minista Sir Julius Chan i bin givim amnesti na padon long ol rebel paitman wantaim sekyuriti fos memba. I gat bikpela bilip olsem dispela i givim sans long BRA long strongim gen pait.

Tasol bikpela samting em ol lida bilong kantri wantaim ol pipel noken sutim tok long gavman. Mipela olgeta mas wokbung na lukluk long grisim ol dispela lain BRA i kam bung wantaim gavmar. Na painimaut long wanem kain wari bilong ol long ol senis em i wok long kamap nau long ailan.

Askim i go tu long ol dispela lain BRA long joinim ol gutpela brata bilong ol husat i lusim pinis samting bilong pait, bihainim amnesti na padon em gavman i givim. Ol dispela gutpela lain BRA i wokbung nau wantaim ol pipel long bringim gutpela sindaun na amamas gen long ailan. Mausman bilong BRA long Honiari, Martin Miriori noken kirapim bel bilong ol rebel paitman long ailan.] long kamapim moa trabel. Em mas save olsem em i amamasim gutpela laip na sindaun long Honiara, na ol trangu manmeri na pikinini, wantaim ol rebel paitman long ailan i painim taim.

Em i noken tingting long giaman makim maus bilong BRA long interes bilong em yet.

Oposisen lida tok amnesti givim bek strong long BRA

VERONICA HATUTASI i raitim

OPOSISEN lida na Memba bilong Pangia lalibu, Roy Yaki i sutim tok long Praim Minista Sir Julius Chan na gavman bilong em long ol hevi i kamap gen long Bogenvil.

Em i tok Sir Julius i ting ol samting long Bogenvil i go gut na i no givim bikpela tingting long ol bikpela wok i kamap

long ples na olsem asua i kamap.

Dispela, em i tok, yumi ken lukim long pasin we gavman i senisim ol rot bilong bihainim long stretim Bogenvil na kamapim gutpela sindaun bek long ol pipel.

Em i tok taim Rijonal Memba bilong Westen Hailans na olpela praim minista Paias Wingti i go pas long stretim hevi long Bogenvil, ol ami

long klostu kisim bek Panguna. Tasol pasin we Sir Julius i bihainim long sindaun kaikai buai na toktok wantaim ol rebel paitman na givim amnesti na padon i go long ol BRA i givim bek strong long ol long pait gen. "Samting i kamap long Bogenvil i laikim sampela gutpela politik wok long kamap. Mipela ino inap long rausim ol samting bilong pait long ol ami bilong yumi na

lukim ol BRA paitman i kilim ol indai," em i tok.

Mista Yaki i laikim ami long lukautim sait bilong militeri long dispela pait long Bogenvil na larim politikel sait bilong bringim gutpela sindaun long han bilong gavman. Mista Yaki i salim bikpela tok sore bilong em i go long ol famili bilong tupela soldia na wanpela plisman husat i bin dai long Bogenvil las wik.

Difens Minista egensim BRA long kilim indai tupela soldia na wanpela plisman

DIFENS Minista Mathias Ijape i tok egensim pasin we ol lain BRA i mekim long kilim indai tupela PNG Difens Fos soldia, na wanpela plisman long Bogenvil las wik. Na em i askim strong ol BRA paitman long sindaun na toktok gut wantaim nesenel gavman bilong autimwari na hevi bilong ol.

Plisman, Kuma Maola wantaim 21 krismas bilong Finsafen i bin dai bihain long sampela BRA lain i sutim em indai long Tinputs eria long las wik Tunde. Na narapela tupela em ol soldia husat ol BRA i sutim long Arawa long las wik, Fraide Ogas 18. Mista Ijape i tok pasin we ol paitman i mekim em i pasin bilong ol man i gat sik long het. Bikos sapos ol i orait, ol inap luksave pinis nau long wok gavman i mekim long bringim bek gutpela sindaun i go long ol pipel long ailan husat i bungim taim nogut tru insait long las 6-pela yia bilong pait na hevi long Bogenvil. Givim amnesti na padon tu i bilong larim ol pipel yet long Bogenvil i stretim ol kros na belhevi ol i gat namel loing ol yet, tasol i luk olsem sampela paitman i no harim ol dispela singaut, Mista Ijape i tok.

Em i tok tu olsem dispela ol BRA lida husat i hait bihain long pait bilong independens bilong Bogenvil i mas stapim ol hait hait pilai bilong ol. Em i tok ol ami long ailan i wok long bihainim sis paia agrimen na helpim ol pipel i go bek sindaun long ol wan wan ples bilong ol na sindaun gut. Na ol ino laik bungim gen ol wankain hevi na sindaun nogut bilong laspela sikspela yia, Mista Ijape i tok. "Long dispela tasol na planti pipel long Bogenvil i laikim bai ol BRA i stapim pait na ol bai sindaun isi long kamapim bek gutpela sindaun long ples," Mista Ijape i tok.

Em i tok kilim dai ol ami na plisman long Bogenvil i no inap kamapim wanpela gutpela samting we i sut long samting we ol lain BRA i wok long pait long en. Ol ami i stap long ailan long helpim ol pipel bilong Bogenvil we i karamapim tu ol BRA long painim gutpela sindaun, Mista Ijape i tok.

Miriori tok ol trabel soim olsem ol pipel no amamas long gavman

MAUSMAN bilong ol BRA paitman long Honiara, biktaun bilong Solomon Ailan, Martin Miriori i tok ol bagarap na sindaun nogut we i kamap nau na go het long Bogenvil i soim long ples klia olsem ol Bogenvil pipel i no wankain long pasin we nesenel gavman i yusim gavman bilong Bogenvil, em long Bogenvil Trengsenel Gavman (BTG), long kisim ol samting we em i laikim.

Em i tok ol pipel i nogat bilip moa long Primia Theodore Miriung na BTG. Bikos ol i no mekim wanpela samting long painimaut sapos PNG bai larim Bogenvil i kisim independens o nogat. Na em i sanap strong long toktok bilong em olsem sapos nesenel gavman i wok long abrusim ol BRA/BIG lida long toktok bilong stretim Bogenvil na kamapim gutpela sindaun, ol hevi bai ino inap pinis tru. Bikos em i tok BRA na BIG i hap long dispela pait na hevi long Bogenvil na long stretim dispela, ol (BRA) imas stap tu insait long ol toktok, Mista Miriori i tok.

Em i tok strong olsem sapos gavman ino larim ol lida bilong Bogenvil Trengsenel Gavman na ol BRA lida i toktok wantaim, antap long nesenel gavman i go het long abrusim ol long ol bikpela toktok long stretim Bogenvil na ol PNG difens fos i no raus long Bogenvil ol bagarap, kilim dai na sindaun nogut long ailan bai i go het yet. "Mipela ol lain Bogenvil lida i laik toktok na painim rot long pinism ol hevi. Mipela yet inap pinisim ol hevi long ailan. Tasol PNG gavman ino laik larim mipela i toktok na em i kamapim dispela divaid na rul trik (divide and rule tactic) long kamapim bruk na birua namel long ol pipel yet bilong Bogenvil," Mista Miriori i tok. Em i strong long dispela bung namel long Primia Miriung wan-

taim ol arapela Bogenvil lida na ol BRA/BIG lida i mas kamap yet tasol dispela i mas kamap ausait long Bogenvil. Em i tok sapos PNG gavman i garantim long larim ol Bogenvil lida long sindaun long toktok wantaim ol BRA/BIG lida, ol (Miriori na ol sapota bilong em) i redi long painim mani long go hetim na lukautim ol lida na bung ya.

Long wankain taim tu, wanpela mausman long Bogenvil husat ino laikim Wantok Niuspepa long autim nem bilong em, i tok Mista Miriori i ken tok smat tasol em ino stap long Bogenvil long witnessim ol taim nogut we ol pipel i bungim bikos long (stubbornness) pasin bilong het strong man olsem em husat ino laik fesim ol (realities) samting we i kamap long graun. Mausman ya i tok em i gutpela moa sapos ol pait long sait bilong politiks i stap long han bilong BTG nesenel gavman na ol BRA/BIG lida husat i gat nem long dispela samting. Na maski long bagarapim ol sevis na ol samting we ol pipel i wok hat long sanapim long traim painim gutpela sindaun long stretim laip na sindaun bilong ol.

Mausman ya ino amamas long pasin we sampela ami long Buka i mekim long wokim nabaut long ol man nating bihainim dai bilong tupela soldia na plisman long Arawa las wiken. Na em i askim strong ol soldia long Bogenvil long stapim dispela pasin bikos dispela bai i kamapim tasol moa hevi. "Ol pipel em i holim pawa na ino gutpela long bagarapim gutpela wokbung we i gat namel long ol pipel na ol sekyuriti fos. Bikos sapos dispela i bagarap, ami bai i lusim sapot na samting long ailan we yumi wokhat long stretim bai go nogut olgeta. Em i tok BTG nau i lukluk long stretim ol dispela samting.

Kefiu kamap nau long not Bogenvil

KEFIU o taim tambu i stap nau long not Bogenvil. Bikos ol BRA paitman i strongim gen ol wok bilong ol na kamapim bagarap long laip na sindaun bilong ol pipel long dispela hap.

Stat long dispela wik Mande, ol sekyuriti fos long Bogenvil i putim taim tambu long sampela hap bilong not Bogenvil. Na tambu i stat long 6 klok apinun i go inap long 6 klok moning long narapela de. Dispela i min olsem ol man i no nap wokabaut namel long dispela ol taim we ol i makim. Orait, ol hap ples we taim tambu i stap long ol em Kokopau, Tsiroge, Tarlena, Chabai na ol ples i stap long nambis bilong not wes i go inap long Soroken na Hantoa long is kos. Na long ol liklik ailan olsem Madehas, Sohano na Kote, wantaim tu ol ples olsem Novah namba 1 na 2, Saina taun, Buka pasis, leta, Kubu, Hahela na Hutjena. Ol ples i go olsem long Lonahan i stap aninit long taim tambu tu.

Ol ripot i kam long Buka i tok ol lain ami nau i sekim wokabaut bilong ol pipel husat i go i kam long Buka pasis. Sekpoin bilong sekim ol man i

stap long Kokopau na Buka Ailan. Ripot i tok bihainim dispela ol trabel, ol i tambuim ol pipel long holim ol sosel ektiviti olsem danis, ol pilai spots, dring hombru, painim pis na kapul, holim ol publik miting, wok sip na raun bilong ol pipel namel long ol taim we ol i makim kefiu long kamap.

Tasol ol wok long karimaut ol imejensi sevis bai stap yet. Dispela em long kisim ol sik manmeri i go long hau. Ol wokman meri bilong helt diputmen olsem ol nes bai kisim tokorait pastaim long muvim opis long Buka bipo long ol i go long wok ples bilong ol. Ripot i tok as long putim taim tambu long not Bogenvil em long stap lukaut bikos ol lain BRA nau i wok long kamapim moa trabel. Na ol i tagetim long bagarapim ol sevis na gutpela sindaun we i stap pinis long bikples Bogenvil.

Bogenvil Trengsenel Gavman na ol ami long ailan i askim ol komuniti long not Bogenvil long luksave long taim tambu na wok gut wantaim ol atoriti long lukim olsem ol samting i go gut tasol.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00



Kot bilong Aitape taun bai kamap

FELIX RAMRAM i raitim

OL pipel bilong Tumleo Allan na Pultalum insait long Aitape, Sandaun provins bai sanap gen long kot nesanel kot egens Nesanel Lens Komisn long pemen bilong Aitape taunsiip.

Nesanel Lens Komisn i askim ol long redim ol kot pepa bilong ol long dispela taim bikos kot ya bai i kamap long painimaut amamas mani tru gavman bai baim ol asples long graun long Aitape taun.

Opis bilong Nesanel Lens Komisn long Mosbi nau i wok long redim ol pepa wok bilong em. Dispela em long rejistaim graun em Aitape traunsiip i stap long en olsem graun bilong gavman aninit long Nesanel Lens Rejistresen Ekt.

Ol ripot i tokaut olsem Nesanel Lens Komisn bai kamap sampela taim long dispela yia yet. Dispela em taim gavman i givim sampela mani i go long komisn long kamap long provins na karim aut dispela wok.

Wantok i kisim sampela ripoti kam long Aitape olsem ol pipel bilong Tumleo Ailan i no amamas long disisen bilong Lokel na Distrik Lens Kot. Na ol i redim ol yet nau long salensim disisen bilong Lokel na Distrik Lens kot insait long nesanel kot. Poro Risetelmen Skim em narapela hap graun tu long Aitape bai komisn i lukluk tu long en.

Opis bilong Nesanel Lens Komisn i kisim pinis olgeta ripot pepa ol Provinsal Atoriti bilong Lens na provins i salim long en.

Na i wok long, kisim longpela taim bikos ol loya bilong gavman tu i westim taim long lukluk na skelim pepa bilong ol papagraun bilong Poro em Risetelmen Skim i stap long en.

Komisn i tokaut olsem ol i no inap mekim wanpela samting yet inap ol loya bilong gavman i mekim sampela toktok long bekim ol toktok i stap long sabmisen namba 002-007-0096.

Em Provinsal menesa bilong dipatmen bilong Lens long Vanimo i bin salim i go long Waigani long Mosbi.

Obura pipel wokim ples balus

SAPE METTA i raitim

OL pipel bilong Obura long Not Is Kainantu long Isten Hailans provins i opim nupela ples balus bilong ol bihain long rot bilong ka i bin bagarap.

Ol manmeri i wet 6-pela mun olgeta tasol ol Woks i no stretim rot bilong ol olsem na ol pipel i go bek na wok long olpela ples balus we ol i bin yusim 30 krismas i go pinis.

Dispela Obura ples balus projek em Obura Lokel Gavman Kaunsil na Evenjelikel Brotherhood sios i bin bung wantaim long wokim. Tupela i saplaim ol samting bilong wok

wantaim na ol arapela samting moa long ol manmeri i yusim long stretim gen dispela ples balus.

Isten Hailans Deputi Edministreta, Yuntuvi Bao i bin go opim dispela ples balus. Na em i tok dispela em tru pasin bilong helpim mipela yet. Em i apim tru ol pipel bilong Obura long dispela komyuniti spirit bilong helpim ol yet.

Mista Bao i tok long dispela taim nau we i gat hevi bilong mani long kantri, pasin nau ol pipel bilong Obura i mekim i mas kamap olsem piksa long olgeta manmeri long mekim

samting long helpim ol yet. Na ol i no ken wetim gavman long i go pas long ol.

Bai ol Sivel Eviesen Inspekta i go sekim dispela ples balus pastaim long ol liklik balus i ken ron na pundaun long en.

Rot bilong Obura i bin bagarap long dispela yia taim bikpela ren i bagarapim rot na brukim bris we i kos moa long K80,000 long stretim gen.

Dispela em wanpela rot tasol we i save bringim ol manmeri i go long Kainantu, Lae na Goroka inap bikpela ren i bagarapim.

Olpela Sandaun PG memba i no kisim pe

FELIX RAMRAM i raitim

OL olpela memba na nupela memba bilong Sandaun Provinsal Gavman i no amamas long ektim Edministreta, Vimuru lagata long stopim potnait pe bilong ol long las wik i kam.

Ol memba ya i salim wanpela petisen komplem i go pinis long ektim Edministreta long tokaut long watpo na Fainens opis i no wokim pe bilong ol long las wik i kam.

Long wanpela miting ol i bin toktok wantaim Mista lagata, dispela

miting i bin mekim kamap moa bel kros bikos Gavana bilong Sandaun provins i no bin salim wanpela tok-save i go long dispela samting.

Ol olpela memba ya i tok pasin Mista lagata i mekim i no gutpela bikos ol tu em ol lida we ol pipel i makim.

Na ol pipel i no rausim ol yet. Ol tu i gat ol tingting na save bilong bungim na stretim hevi na mekim wok.

Ol memba ya i tok nesanel gavman taim em i kamapim nupela lo

bilong senisim olpela provinsal gavman sistem, em i givim olgeta memba 90 de long stap.

Dispela i min olsem 90 de ya i no pinis yet na ol i gat rait long kisim ol potnait pe na ol kain sapot pe bilong ol inap 90 de ya i pinis.

Nau yet ol i salim dispela petisen pas bilong ol i go long Mosbi long minista bilong Provinsal na Lokel Level Gavman.

Bikos Mistalagat i no bin kisim pas bilong ol wantaim em taim em i laik go long Mosbi.

Promis bilong Wanjik pulim Pangu komiti

EDDIE SAUNDERS i raitim

WANPELA komiti grup bilong Pangu Pati long Wasara Gawi iletolet long Is Sepik provins i go stap long Mosbi 6-pela mun nau. Dispela grup ya i go long lukim memba bilong Wasara Gawi na minista bilong Koreksenel Sevisis, Paul Wanjik.

Ol dispela lain komiti i go long lukim memba ya bikos ol i laik kisim mani bilong ol long mekim wok kempen long taim bilong nesanel ileksen long 1992. Bikos memba yet i bin promisim ol olsem em bai baim ol long dispela hatwok bilong ol. Na tu em bai givim sampela samting bilong mekim bisnis wantaim. Paul Wanjik i bin sanap olsem Pangu man.

Tasol nau yet Mista Wanjik i no gat taim yet long lukim ol lain lapun ya.

Long las yia tasol, Paul Wanjik i senisim pati na joinim Blek Eksen Pati we memba bilong Simbu, Joseph Onguglo i papa long en. Dispela senis i mekim ol bikman ya i wari nogut tru bikos memba i no lukim ol.

Planti manmeri long Wasara i no save olsem Mista Wanjik i senisim pati. Ol i ting em i stap yet long tiket bilong Pangu.

Ol lain ya i stap longpela taim nau long Mosbi wantaim ol wantok bilong ol. Na ol i tok taim ol i go long lukim memba long palamen, em i save gat planti wok long mekim. Olsem na em i save tokim ol long kam tumoro. Olgeta de ol i go, bai Mista Wanjik i

tokim ol long kam tumoro, ol tok.

Ol i tok longpela taim nau ol stap long Mosbi na ol i luksave olsem laip long Mosbi i hat tru. Prais bilong ol samting long stua i dia tumas. Na ol i sot nau long mani long baim ol samting.

Ol i luksave olsem dispela kain hevi bilong go long lukim memba long palamen i no long ol tasol. Planti lain long Papua Niugini tu i save go long lukim memba na ol i save wet longpela taim tru na sampela taim ol i save les na go bek.

Tasol ol lain bilong Wasara Gawi ya i tok ol i no inap go yet inap Mista Wanjik i lukim ol na givim ol samting we em i bin promisim ol long en.



• Rot i op ... Lapun Sir Michael Somare katim wanpela han bilong diwai long makim ol rot bilong Makami go Buang i op. Foto: Zeph Aigal.

Ol skul long Fatima sori long tisa

FATIMA top ap nesanel hai skul, vokesensel senta na ol komyuniti skul i bin bung long soim wari bilong ol long tisa Samuel Kaman husat i bin kisim birua long ka long Fraide wik i go pinis.


Het masta bilokng hai skul na menesa bilong Vokesensel Senta i tok orait long stapim olgeta klas long dispela wik Mande. Dispela em i bilong soim rispek long Samuel Kaman.

Mista Kaman i bin wok olsem wanpela hai skul tisa moa long 10-pela krismas. Na long dispela taim Mista Kaman i skulim planti studen tru bilong dispela hap. Olsem na olgeta i sori nogut tru.

Mista Kaman i bin indai long Fraide nait taim ka bilong Pita Mants i bin bamim em.

Em i go long Kudjip hau ssik na i dai long Sarere moning.

Husat i asua em nogat man i save yet na ol plisman i wok long painim yet.



Mambu Klap em nupelaol Telikom woka long Mosbi.

Rot blok stapim planti lain long lukim Hagen So

MICHEAL MONDA i raitim

BIKPELA So bilong Hagen i bin kamap gut tasol planti manmeri bilong Sauten Hailans provins i no bin kamap bikos i gat rot blok namel long Hagen na Mendi. Dispela rot blok i bin kamap bikos ol lain long Kulga na Palga i gat kros long ol lain bilong Tali long baim kompensesen.

Dispela Hagen so i bin stat long Sarere na pinis long Mande we planti manmeri tru i bin kamap na lukim. Sampela lain long Sauten Hailans i bin go pas tupela na tripela wik long

Hagen na redim ol yet long taim bilong so.

Long nau yet planti man tru bilong tupela sait i wok long indai olsem na tupela Kulga na Palaga i wok long pait strong wantaim gen long Waipup. Olsem na ol man bilong Sauten Hailans i pret pinis long yusim rot. Planti ol lain manmeri i no go lukim Hagen So bikos Okuk Haiwe i bin blok.

Dispela hevi tu i kamap long bikpela ragbi gem long Hagen we planti lain i no go lukim bikos long dispela rot blok.

TU MINIT TINGTING

Resis namel long ol man na meri

SAMPELA lapun husat i gat planti eksperiens i bin tok olsem: "Man i no inap sindaun longwe long meri: na em i no inap sindaun gut wantaim meri."

Olsem wanem? Wanem as bilong dispela wari? I gat wanpela naispela stori i kam long kantri India inap long skulim yumi liklik long dispela. Stori i go olsem:


Long taim God Papa i bin wokim bodi bilong man, em i bin yusim olkain strongpela samting. Olsem na nau ol malumalu samting tasol i lep bilong wokim bodi bilong meri. Orait, nau God i bungim olkain naispela, raupela, switpela, malumalu samting na i wokim meri. Wokim pinis, nau em i givim meri long man. Na man i amamas.

Bihain long wanpela wik, man i kam bek long God na em i komplem olsem: "God Papa, dispela meri yu bin givim long mi, em i paulim laip bilong mi olgeta. Em i no malolo liklik long toktok. Em i

laikim mi long wari na sori long em oltaim. Em i no inap mekim strongpela wok. Olsem na mi les long em; na mi bringim em i kam bek long yu nau." God i tok, "Oke," na em i kisim bek meri.

Bihain long wanpela wik gen, man ya i kam bek na i tok, "God Papa, stat long taim mi givim bek dispela meri long yu, laip bilong mi i emti. Olgeta de mi save tingting long dispela meri tasol. Mi tingim danis bilong em, lukluk bilong em, singsing bilong em na lap bilong em. Mi tingim taim em i holim mi, na mi pilim olgeta bodi bilong em i malumalu. Maski! Mi laikim em i kam bek." Orait, God i givim meri go bek long man.

Bihain long tripela de tasol, dispela man i kam bek gen na i komplem. Em i tok, "God Papa, mi longlong nau. I tru, dispela meri i komplem. Em i tok "God Papa, i tru, dispela meri i save givim amamas long mi. Tasol em i save givim mi planti trabel na wari moa. Ating moabeta em i go bek olgeta long yu. Mi no inap sindaun gut



FRANK MIHALIC i raitim

wantaim em." "Tasol yu no inap sindaun wanpis tu," God Papa i tok. Olsem na God i larim meri i stap wantaim man; em i no kisim em bek. Nau man i paitim poret bilong em na i tok, "Bai mi mekim wanem nau? Long taim meri i stap, mi no hepi. Na long taim meri i no stap, mi no hepi tu. Olabo! Mi lus pnis nau."

Inap long tude yumi ol man i gat dispela sem wari: yumi no inap stap wantaim meri, na yumi no inap stap longwe long meri. Wanem samting em i as bilong planti pait namel ol man na ol meri? Em hia: Ol man i save liklik long bodi bilong meri; tasol ol i no save olgeta long sol na spirit na insait na tingting tru bilong meri. Na ol meri i gat dispela sem wari: ol i save liklik tumas long tingting bilong man.

Man na meri i narakain long tingting na laik bilong tupela. Man em i laik stap lida; em i laik bosim ol samting na givim oda. Meri i laik bihainim gutpela lida, na stap aninit long em, na wok long helpim em. Meri i laik bai man i mas nidim em. Man i no kea long dispela. Man i laik stap kepten bilong tim na meri i laik stap pilai. Em i no sikirap long kamap kepten.

Man i laik sindaun long planti miting, na wokim ol kain bikpela plen. Meri i no gat interes long ol dispela. Meri i laikim ol liklik samting i stap nabaut long em. Meri i

laik luk nais na smel nais, na pasim naispela klos, na groim ol plawa nabaut na bilasim ples.

Man i save taitim bun long wokim wanpela kain wok tasol: wok draiva o wok mekenik o wok kuskus o wok tisa o wok bisnisman. Meri em i save mekim planti kain wok wantaim: em i lukautim famili, na kukim kaikai, na wasim klos, na wokim gaden, na wasim ol plet, na klinim haus, na mekim wok nes, na salim ol kaikai long maket.

Yesa, man i gat wok bilong em; na meri i gat wok bilong em stret. Tupela i no resis; wanpela i no winim narapela. Nogat. Man i nidim meri na meri i nidim man. Man na meri i olsem tupela sap bilong sisis. Bilong katim samting, sisis i mas i gat tupela sap. Wanpela tasol em i no inap katim wanpela samting.

Olsem tasol na man na meri, tupela i bilong wanpela tim. Tuepela i mas wok wantaim bilong win. Wanpela i no antap long narapela. Nogat. Tupela wantaim i skel. Olsem na tupela i mas sindaun wok gut wantaim.

Kibung bilong ol Katolik meri askim gavman long sasim strong ol man long lusim meri pikinini

ARI HABA i raitim

MOA long 500 Katolik meri bilong Momase rijon i bin bung long ples Lido long Vanimo. Dispela em long bikpela bung bilong ol em i bin kamap las wik long Ogas 7-11.


Insait long dispela bikpela bung, ol meri i serim laip bilong ol, singim kankain kwaia singsing, pilai drama, soim tumbuna singsing, kisim skul bilong Buk Baibel na Famili Laip Apostolik, na helt o gutpela sindaun bilong mama na pikinini.

Bikpela samting ol mama i paitim toktok long en long kibung em ol kain hevi ol i save bungim insait long wanwan komyuniti na kantri long 20 yia i go pinis stat long taim kantri i kisim independens long Septemba 16, 1975. Ol i toktok tu long wanem kain wok na hevi bai kamap long ol long narapela 20 yia, bihainim ol plen bilong nesenel gavman.

Ol meri bilong rijon i kam long ol Katolik asdaiosis olsem Aitape, Sisano, Laitre na Vanimo long Sandaun provins, na Wewak long ls Sepik provins.

Namba wan kodineta bilong ol Katolik meri long Momase rijon, Truddy Nambi Kowinkre wantaim NIP kodineta bilong Wewak Katolik daiosis, Herman Kabae i mekim sampela toktok tu long kibung. Tupela i autim tingting bilong tupela long rait bilong ol meri insait long kantri. Na givim askim olsem, ol meri i stap we nau?

Ol meri i paitim toktok insait long wanwan



Misis Kowinkre ... ol meri em ol as bilong wok developmen insait long Papua Niugini.

grup. Na painimaut olsem planti hevi, bagarap na wari i wok long kamap yet long laip bilong ol meri. Wanpela bilong ol dispela hevi em pasin bilong man i rausim meri. Mekim na meri tasol save wokhat long lukautim olgeta pikinini. Dispela ol meri i painimaut i kamap olsem wanpela bikpela hevi tude.

Na narapela bikpela samting ol meri i painimaut em pasin bilong gavman na ol bikman bilong kantri long givim baksait long ol meri. Dispela em long i no laik harim tingting bilong ol meri long gutpela rot bilong ronim kantri.

Ol meri bilip olsem ol kain hevi bai go yet. Bikos ol gavman dipatmen, wantaim ol marimari wokman meri bilong misin i no kam na helpim.

Misis Kowinkre i tok long 20 yia i go pinis, ol



Misis Wunum tenkim ol Katolik sios meri na yut long mekim dispela kibung bilong ol meri i kamap gut.

meri i stap nating. Ol i nogat namba. Em i tok olgeta taim ol i laik autim tingting bilong ol long ol developmen wok i kamap long kantri, gavman i save kisim na tromoi i go long baksait. Em i tok ol meri i save olsem kantri bai bungim hevi, bikos long kain wansait pasin.

Em i givim tok piksa long ol hevi kantri i bungim nau olsem mani i sot na gavman i laik mekim tenis olsem bilong graun na olpela provinsal gavman sistem, bai Wol Beng na Intanesenel Moniteri Fan (IMF) i ken givim dinaw mani long kantri.

Kibung bilong ol meri i kamap long tripela tingting long helpim daunim sampela bilong ol dispela hevi:

1. Spirituel Developmen

Ol Katolik meri i tok mas i gat spirituel developmen i gro o kamap insait long wanwan famili. Na papamama i



Bisop Sisa Boniuemtor ... mi sapotim tru wok bilong ol meri insait long sios, famili na komyuniti.

pikinini tu bai krungut. Olsem na papamama mas was gut long ol yet, bai ol pikinini i bihainim gutpela pasin bioong ol.

3. Rait bilong ol Meri

Ol Katolik meri i tok olsem ol mama na ol yangpela meri noken ting olsem ol meri i stap aninit olgeta taim long ol man olsem ol haus meri o meri nating tasol.

Ol i tok tude olgeta wok developmen i kamap wantaim strong bilong ol meri tu. Bikos ol meri i mas stap insait long disisen bilong gavman na wok politik. Olsem na ol meri i mas stap wankain olsem ol man tude.

4. Pasin bilong man lusim meri pikinini

Plantim taim ol man i save rausim ol meri pikinini, taim em i bungim nupela meri. Dispela i mekim laip bilong mama i hat tru long lukautim ol pikinini. Ol meri i tok dispela kain hevi i kamap bikpela nau long kantri. Olsem na ol i askim

PPC glasim sindaun na laip bilong pipel

JASTIS, Pis na Developmen opis bilong Pasifik Komprens bilong ol Sios (PPC) i wok long holim ol semina long lukluk long ol bikpela samting we i karamapim kantri na pipel. Dispela em ol samting we i karamapim sindaun na laip bilong ol pipel yet.

Long ol ripot, ol toktok i bin kamap long opis bilong Jastis na Pis Komisen wantaim PPC, na Kaunsil bilong ol Sios long Fiji long kamapim dispela program. Namba wan kibung i bin kamap long mun Epril, 1995. Na i bin sut long ol ikonimi plen bilong developim kantri na sindaun bilong pipel. Dispela semina i bilong paitim toktok long ol ikonimik plen we Fiji i gat long dispela taim long redim ol yet long wanpela bung bilong gavman, em bai kamap long glasim wok mani bilong kantri.

Orait, long sait bilong ol sios, semina i bin kamap long skelim na glasim kibek bilong plen wantaim laip na sindaun bilong ol pipel na envoironmen. Ol sios i askim tu sapos sapos dispela em i wanpela rot tasol long bihainim o sapos i gat sampela arapela rot i stap we i no inap bagarapim gutpela sindaun, pasin tumbuna na gutpela rot long pasin kristen. Wanem ol sios i laikim em long lukautim ol pipel i kam wantaim na givim tingting long dispela samting. Na tu bilong lukim olsem ol atoriti i harim nek na tingting bilong ol pipel.

Bisop sapotim ol meri

Bisop Sisa Boniuemtor i bin go pas long bikpela lotu bilong opim dispela kibung long stat bilong las wik. Insait long lotu em i tok em i sapotim wok bilong ol meri insait long kantri. Na i sapotim kain bung bilong ol meri long kamap.

Na bos bilong ol Katolik meri long Vanimo, Patricia Wunum i tenkim olgeta sios meri long Sandaun, wantaim ol yangpela manmeri na ol arapela manmeri long sapotim dispela kibung, we em i tok i kamap gut tru.



Maria Kwin Vokesinel senta amamasim 20 krismas

MICHAEL MONDA i raitim

LAS-wik long Ogas 18, 19, 20, Maria Kwin Vokesinel Senta long Westen Hailans provins i amamasim tupela bikpela samting. Dispela em 20 krismas bilong em wantaim kalsarel o tumbuna de.

Astingting bilong dispela bugn wanataim na amamas em long amamasim ol Notredam Sista, husat i save saplaim mani bilong dispela senta. Na senta i bin ron

gut tru moa long 20 krismas. Na tu long narapela sait em long promotim tumbuna pasin bilong Papua Niugini.

Planti yangpela meri i bin pinisim skul bilong ol long senta. Dispela em long taim senta i stat long 1975 i kam inap nau.

Na i lainim ol samting olsem bilong samapim klos laplap, kukim gutpela kaikai bilong famili i kamap gut, na mani plen bilong famili. Siaman bilong senta, Mark Wom i

tok planti taim ol yangpela manmeri i no luksave long gutpela sait bilong ol vokesinel senta.

Tasol i gat ol gutpela samting bilong lain long kain senta olsem, em i tok. Em i tok moa olsem wanem samting ol yangpela meri i lainim long senta, ol i ken yusim dispela save long ples o haus bilong ol long bihain taim.

Hetmistres bilong senta, Sista Maria Stress i tok senta i givim gutpela helpim stret long planti meri

kam inap tude. Olsem na em i amamas long dispela.

Bikos tude em i lukim planti meri husat i bin skul long senta i kamap ol gutpela mama long ples wantaim man na famili bilong ol. Bikos kain skul ol i kisim long senta i helpim ol long sindaun gut wantaim man na famli, em i tok.

Long soim tumbuna pasin bilong Papua Niugini, planti manmeri na pikinini i bin pulap kapsait. Na lukim bilas bilong ol yangpela man bilong Fatima Vokesinel Senta,

husat i bin go pas long tumbuna we stret wantaim susa bilong ol long Maria Kwin senta.

Ol yangpela i danis narakain stret na holimpasim ai bilong ol manmeri, husta i bin kamap long dispela bikpela de. Ol bikman husat i bin kamap na stap insait long dispela amamas em Kiap bilong Bans, Nalan Kawa, Katolik

Edukesen Seketeri bilong Westen Hailans Provins, Pita Suri, na Menasa bilong Fatima Vokesinel Senta, Tony Weldon.

Ol Awisawa mama givim basket presen long ol Buawa mama

REUBEN TISAM i raitim

OL mama bilong Evanjelikel Luteran Sios bilong Papua Niugini (ELC-PNG) na ol arapela sios tu i gat planti kainkain wok bilong mekim. Long mun Julai long namba 22 na 23 de, ol mama bilong Awisawa grup long Bukoc kompaun long Lae siti i bin bung wantaim ol mama bilong Buawa long Kaparkona peris long Bukawa, Morobe provins.

Ol bin senisim basket na presen wantaim K540 mani i go long ol mama bilong Buawa mama kongrigesen long bikples Bukawa. Ol i tok dispela kain pasin bilong ol mama i gutpela long bungim ol mama bilong wanwan kongrigesen i bung wantaim. Na ol i ken senisim ol presen, autim na tilim tingting long mekim gut wok bilong ol, na wokbung wantaim long strongim wok bilong sios insait long wanwan kongrigesen.

Hetmeri bilong Awisawa mama grup bilong Bukoc kompaun, Kisi Timon i tok ol i mekim dispela pasin long soim wokbung bilong ol mama long go het. Na presen wantaim mani ol i givim i bilong helpim ol mama bilong Kaparkona peris long strongim wok bilong ol. Mausmeri bilong Buawa kongrigesen, Urusula Reuben i tok em i amamas tru long dispela pasin ol mama bilong Awisawa i kam mekim long ol. Em i tok moa olsem dispela i soim wanpela piksa bilong wokbung wantaim.

Moa long 50 mama bilong Awisawa i bin go long dispela raun bilong senisim basket. Mausmeri bilong ol Awisawa mama i tok ol i mekim wankain pasin pinis long sampela haplong Bukawa olsem long ples Yambo, na tu long Lae siti yet. Na i gat tingting long givim wankain helpim long sampela ples tu long bihain taim.



Ol Evanjelis lainim wok tisa long Madang ...

• Poto i soim 16 memba bilong Evanjelikel Luteran Sios bilong Papua Niugini (ELC-PNG). Ol i kamap long wanpela insevis kos long Amron Evenjelis Trening Senta long Madang. Kos i bin kamap long Julai 17-28.

Insait long dispela kos, ol i lainim moa save long tisim ol Rilijis Instraksen na Konfemesen Klas.


MT HAGEN COFFEE TAIM SPESEL!

BIKPELA BODI V116R-LWB

4 PELA NAU ISTAP!

PRAIS BILONG RONIM TASOL!

K29,250



LOAD RUNNERS REDIUSIM BILONG RAOSIM

K18,990

TASOL!

PRAIS BILONG RONIM TASOL!




DAIHATSU LONG WIL BAIS OL FLAT TRAILA

V99R-HY LWB FLAT TRAILA

K28,900

PRAIS BILONG RONIM TASOL!

HARIAP...OL DIPELA STOK TASOL!



EM5195



Ela Motors

BPT (PNG) LTD.

RINIM 522379 JOHN Van CAMPENHOUT-BRANS MENESA • RINIM 521203 JOHN COOK-SELS MENESA
RINIM 521888 or 521885 • FEX 521937 • PO BOX 93 MT HAGEN • WESTERN HIGHLANDS PROVINCE.

Oposisen lida stretim hevi bilong pipel

MICHAEL MONDA i raitim

OPOSISEN lida na memba bilong lalibu, Roy Yaki i givim moa long K7,000 na 31 pik long stretim hevi namel ol pipel bilong em long Nemela Lepongai na ol lain Perai. Dispela em long baim ol lain bilong Perai long Westen Hailans provins long indai bilong wangepa yangpela manki bilong ol husat i save wok sekyuriti long boda bilong Sauten na Westen Hailans provins.

Mista Yaki wantaim ol lain bilong em long lalibu komyuniti i givim dispela mani na pik long rausim nem nogut na pasin birua long larim rot i op gen long ol manmeri i ken i go i kam long tupela sait provins wantaim.

Ol pipel bilong Perai i bin blokim stret Kagul bris long taim yangpela boi ya, Perai Wama i bin dai long birua bilong ka taim em i laik sekim ka bilong lalibu long sek poin.

Dispela rot blok i bin pasim tu ol manmeri long lalibu na Pangia long i go lukim bikpela so long Hagen long las wiken.

Mista Yaki i tok ol plisman yet bai painimaut husat tru i kilim Perai Wama. Tasol em i tok dispela ol samting ol i givim em bilong rausim nem bilong em na ol lain bilong em. Na tu em i tok dispela i no kompens-

esen. Man husat tru i kilim Wama bai mekim kompensesen.

Long dispela taim, Mista Yaki i tok em i no amamas long pasin bilong ol Gavana bilong provins. Em i tok, long bungim na stretim kain hevi olsem Gavana i mas go pas long kisim wari bilong man indai. Bikos man ya i bin wok olsem sekyuriti long sek poin. Dispela em wok provinsal gavman i kamapiin na nau em i pinis, Gavana i mas stretim dispela wari.

Mista Yaki i tok ol lida bilong nesenel na provinsal i no ken pasim maus na sindaun isi long kain hevi olsem. Bikos man ya i dai long wok bilong sevim komyuniti, ol lida i mas go pas long soim olsem ol i amamas long kain wok na sevis bilong man ya long komyuniti.

Lida bilong ol Perai pipel na prinsipal bilong Dauli Tisa Koles, Korowa Pokia i tok amamas long Oposisen lida long bungim ol lain bilong em na kamap wantaim dispela samting.

Em i askim ol pipel bilong tupela sait wantaim long wangepa taim ol i mas makim na amamasim dispela wok em Roy Yaki i kisim olsem lida bilong Oposisen long nesenel palamen.

Planti arapela lida na bikman husat i bin kamap long lukim dispela pis seremoni em, Eking Edministreta Petric Rama, ol Provinsal MP na ol planti arapela tu.

Pogera skul kisim K4,000 long PJV

PRESIDEN bilong Pogera Lokel Gavman kaunsil long Enga, Jonathan Paraia i tok ol pasin bilong kukim nabaut ol skul wantaim haus sik na ol sevis i save mekim laip bilong man i hat tumas.

Mista Paraia i tok i mekim dispela tok taim em i givim wangepa K4,000 sek mani bilong Pogera Join Vensa i go long Pogera Komyuniti Skul long Fraide, tupela wik i go pinis.

Em i tokim ol skul pikinini na tisa olsem planti manmeri i gutpela

long lukautim kain sevis na helpim bilong gavman. Tasol arapela i no gutpela long lukautim ol kain sevis olsem.

Mista Paraia i tok tu olsem dispela K4,000 bilong Pogera Join Vensa i las moni ol i gat long givim dispela skul. Olsem na em i askim ol long yusim gut long mekim wok bilong skul.

Hetmasta bilong Pogera Komyuniti Skul, Thomas Rai taim em i kisim moni ya, em i bekim tok olsem olgeta taim em i save amamas long Pogera Join Vensa

bikos long, helpim bilong em olgeta ya.

Mista Rai i tok em bai yusim dispela moni long baim ol buk na arapela samting bilong skul. Em i tok long nau yet ol buk bilong bipo i bruk na bagarap pinis. Sampela pes tu i lus nabaut.

Em i tok Papua Niugini i sot long moni. Tasol em i save ranim skul gut olgeta ya bikos long helpim Pogera Join Vensa i save givim long olgeta ya.



• Dispela em piksa bilong flak bai olgeta manmeri long PNG i lukim long neks mum long 16 Septemba. Dispela flak bai soim 20 yia bilong Independens long Papua Niugini. Poto: Steven Kadiko.

Ol lida i no bihainim tok



OL senis long provinsal gavman i kamap pinis. Olgeta provins i gat ol gavana nau. Na olgeta gavana em ol memba bilong palamen. Tasol tupelaman husati brukim het stretlongkamapim disela senis i no stap insait long ol dispela senis. Bilong wanem ol nesenel memba bilong Nu Ailan i no kisim wok olsem gavana bilong Nu Ailan?. Memba bilong Kavieng, Ben Micah i bin go pas long ol wok bilong kamapim ol dispela senis na em i bin siaman bilong Konstitusenel Riviu Komiti. Sir Julius Chan, memba bilong Namatanai em Praim Minista. I luk olsem ol i no laik holim pikinini em tupela i bin hatwok long karim. Ating ol pipel bilong Nu Ailan yet i ken tokaut long tingting bilong ol long dispela.

Las wik mi toktok long lo bilong putim mak long kompensesen em ol bikpela maining kampani i ken peim long ol asples. I gat planti tok i sut i go i kam long dispela toktok. Mipela harim olsem gavman i wetim tasol palamen long oraitim dispela lo. Dispela lo i kisim pinis tok orait bilong Gavana Jenerel na ol loya bilong gavman. Dispela lo bai bosim olgeta wok maining i kamap

nau long Ok Tedi. Inap gavman i tokim olgeta pipel bilong Papua Niugini. Wanem samting tru i stap insait long dispela lo em ol i tingting long kamapim?.

Mi harim tok win olsem dispela lo mi toktok long en bai i gat moa pawa long arapela lo i stap insait long kantri. Mi harim tu olsem dispela nupela lo bai winim mama lo bilong dispela kantri. Mi ting olsem olgeta lo long dispela kantri i mas bihainim mama lo bilong dispela kantri. Na sapos tok win em mi harim i tru, i luk olsem dispela nupela lo em gavman wantaim Ok Tedi kampani i laik kamapim i brukim mama lo bilong dispela kantri. Na ol lain husat i kamapim dispela lo i mas sanap long ai bilong kot.

Wangepa seksen bilong mama lo bilong kantri em i tok olsem ol pipel bilong dispela kantri i gat rait long askim long kompensesen sapos narapela i bagarapim sindaun bilong em. Dispela nupela lo em gavman i laik kamapim wantaim Ok Tedi maining kampani i no bihainim dispela seksen bilong mama lo.



Gavman i mas tokaut klia tu. Sapos palamen i oraitim dispela nupela lo, bai i gat wankain lo i kamap long ol arapela bikpela wok main i kamap long kantri tu o nogat?. Olsem long Pogera, Misima na Lihir. Sapos palamen i oraitim dispela nupela lo, mi ting em bai isi tru long ol arapela main i askim long wankain agrimen. Gavman i noken hariap long dispela hap lo. Ol i mas tok klia gut long ol asples. Nesenel Kot tu i mas tokaut sapos dispela nupela lo i bihainim mama lo o nogat? Mipela i laik save. Bilong wanem na ol loya bilong gavman i givim tok orait long dispela lo, taim planti tingting insait long lo i no bihainim mama lo? Tok save long mipela.

D A N G E R

I T A M B U T A R A V A T U

OL SAMPELA SAMTING YU NO INAP KARIM LONG BALUS!

CORROSIVES / OXIDISING MATERIAL



N O K E N K A R I M O S A L I M O L S A M T I N G I T A M B U T A R A V A T U

I N S A I T L O N G H A N B E K O O L S E M K A K O L O N G B A L U S . L O N G K A R I M O S A L I M O L K A I N S A M T I N G O L S E M I N S A I T L O N G B A L U S , I M A S I G A T S P E S O L S E I F T I L U K A U T . L O N G B A L U S , I M A S I G A T S P E S O L S E I F T I L U K A U T . L O N G B A L U S , I M A S I G A T S P E S O L S E I F T I L U K A U T . S A P O S Y U N O K L I A G U T , P A I N I M A U T M O A L O N G O L B A L U S L A I N O O L K A K O L A I N .



OL WANSOLWARA NIUS

**Vanuatu i laik stretim
Bislama tokples**

VANUATU: Wapela bung bai kamap long Vanuatu brens bilong Yunivesiti ov Saut Pasifik long lukluk long sampela rot bilong stretim nesanel tokples bilong Vanuatu, Bislama.

Kodineta bilong Vanuatu Literesi Asosiesen Wilson Kulaut i tok 20 grup we i gat long em Nesanel Kaunsil bilong ol Sief na Nesanel Kaunsil bilong ol Meri long Vanuatu, bai stap tu long bung bilong stretim Bislama.

Mista Kulaut i tok long dispela taim i nogat wapela rot tasol i stap we ol pipel i yusim long taim ol i rait long Bislama. Ol wanwan grup husat i kam long ol kainkain ailan long Vanuatu i bihainim kain we ol i toktok long rait long Bislama.

Em i tok tu olsem bung ya bai redim wapela pepa long kirapim wapela bod bilong lukautim ol 113 tokples na 126 liklik han bilong ol tokples we ol pipel insait long Vanuatu i save yusim. Ol bai givim pepa ya i go long gavman bilong lukim na givim tingting long en.

**Fiji laik memba gen
long Komonwel**

FIJI: Ol toktok long Fiji i laik kamap wapela memba gen long Komonwel i go het long kabinet bilong Fiji long dispela wik.

Ol ripot i tok Foren Afeas Minista bilong Fiji, Seneta Filipe Bole, bai givim wapela ripot long dispela samting.

Fiji i aplai pinis long kamap memba gen bilong Komonwel. Dispela em bihain long ami i bin tekova long Fiji gavman long 1987. Bikos long dispela, i no kamap memba long Komonwel.

Orait, bung bilong ol bikman long ol Komonwel kantri we bai kamap long Nu Silan long mun Oktoba bai lukluk na glasim askim bilong Fiji. Na tokaut sapos ol i kisim bek Fiji olsem memba bilong Komonwel o nogat.

Mista Bole i tok sapos wapela kantri tasol i egensim Fiji, Fiji i no inap kamap memba.

Na India em i wapela kantri husat i toktok egensim Fiji. Long wanem mama lo bilong em (Fiji) i wansait long ol asples pipel bilong Fiji. Na i no wok long

lukautim laik na interes bilong ol India pipel, husat i stap nau long Fiji.

**Australia tok Frans
noken testim bom**

AUSTRALIA: Australia i tokaut strong olsem ol mas wokim wapela wok paini-mauy long Moruroa Atol bipo long Frans i testim gen ol bom long hap long neks mun.

Environmen Minista John Faulkner i

tok long kliaim wari bilong planti kantri long Saut Pasifik na wol. Em i tok moa-beta sapos Frans i larim dispela wok sekap long go het nau. Na i no bihain long taim ol i testim pinis bom.

Mista Faulkner i tok em i no gutpela long Frans i tok ol tes ya i no inap kamapim bagarap long ol Saut Pasifik pipel na environmen bilong ol.


Ol environmen minista bilong Saut Pasifik bai bung long Brisbane, Australia. Na toktok moa long dispela samting.



Nius ripota long Wait Haus amamasim 75 krismas.

● Presiden bilong Yunaited Stet ov Amerika (USA), Bill Clinton i helpim long blowim indai ol kandel long betde bilong lapun nius ripota bilong Wait haus, Helen Thomas, husat i amamasim 75 krismas. Em i save wok olsem niusmeri bilong Wait Haus, opis na haus bilong President Clinton na famili bilong em.

NEW AXION LEMON GREASE STRIPPER




**ISI WE LONG
KLINIM OL DIS
NA SOSPEN
BILONG YU!**



Raskol grup long Jemani amamas ... Dispela em wanpela raskol grup bilong kantri Jemani. Na ol i wok long amamasim wanpela de ol i kolim long tok Inglis "Chaos Day". Long Tok Pisin dispela i min olsem de bilong bagarapim ol samting. Poto ya i soim ol plisman i holim pasim ol dispela man.



Ol Kroesia go long rejistaim nem ... Sampela ol lain Kroesia, tasol ol i bilong Sebia husat i stap bek long hap em ol ami bilong Kroesia i holim ol. Na karim ol i go long plis stesin long kisim nem bilong ol. Bikpela pait i stap yet namel long ol Sebia na Kroesia.



Painim bodi bilong ol daiman...

Ol Otodoks Jews i painim ol hap mit bilong ol man em bom i kilim taim ol lain bilong Palestain Liberel Ogenaisesen (PLO) i planim long Tel Aviv, biktaun bilong kantri Isrel long July 24, 1995. Bom ya i kilim planti manmeri na pikinini stret. PLO em grup husat i pait strong long ol Palestain pipel i mas lusim Isrel na kisim independens.



Amamas nau ...

Wanpela sista bilong Zagreb long Bosnia i amamasim wanpela soldia bilong Kroesia husat i mekim gutpela wok long banisim ol Sebia na kisim bek Krajina rijon.

Wok bilong salim ol samting na sevis

TOKTOK BISNIS

wanntaim

BOB WHEELER na
EDGAR O'NEILL

LAS wik mipela i toktok long holim gutpela rekot. Dispela wik bai mipela i toktok long salim ol guds na sevis bilong yu (marketing).

Planti man i save paul long maketing na salim. Ol i ting tupela i wankain. I tru olsem salim em hap wok bilong maketing. Tasol maket em narakain olgeta long salim. Maketing em wanem samting? Maketing em; mekim ol manmeri long laikim ol samting bilong yu, salim ol, kisim i go long ol kastoma na kisim pe long en. Maketing em kamap smat long planti rot bilong apim sels bilong yu. Maketing i save go wantaim ol dispela samting.

- Painim wanem samting em ol kastoma i laikim
- Makim ol sevis na guds ol kastoma i laikim
- Putim edvetismen o soim aut olsem ol samting ya i stap na i gutpela
- Putim prais long ol guds na sevis bilong yu long strongim profit
- Paket yu pulapim ol samting long en i mas gutpela
- Salim na bringim ol guds bilong yu.

Sapos yu mekim na bihainim ol samting long antap, bai bisnis bilong yu i wokim gut profit.

Yu laik salim long husat?

Long luksave long wanem samting em ol kastoma i laikim, yu mas save long husat em kastoma bilong yu. Long Papua Niugini, maket i pulap long planti kainkain manmeri husat i gat kain kain laipstail. Ol manmeri bilong ples tu i gat stail bilong ples na isi laip. I gat bikpela namba bilong ol skul manmeri na bisnis manmeri husat i stap long ol taun. I gat ol manmeri bilong ovasis long planti hap kantri long wol.

Ol ovasis lain i gat sampela samting we i wankain na arapela we i narakain long narapela. (tok piksa long kaikai). Insait long Mosbi Intanesenel Hai Skul, i gat ol pikinini i kam long 40 grup long wol. Bai yu salim ol samting bilong yu long olgeta studen ya o long sampela lain studen tasol- ol pikinini bilong ol bisnisman o ol pikinini i kam trangu famili o ol bikpela studen tasol. Yu ken tingim long saplain ol guds bilong yu i go long arapela bisnis- olsem ol kumu na frut long hotel. Sapos yu save sevim planti hap bilong Papua Niugini, yu mas putim edvetismen long niuspepa, radio o televisen. Yu ken putim long edvetismen long radio bikos em i go hariap long ol manmeri. Traim na putim tu long tok pisin bai i ken helpim sels bilong yu.

Wanem taim ol kastoma i save kam planti long yu? Ol i save kam long olgeta yia o wanwan taim long wanpela yia? Long hap bilong hailans, planti manmeri i save baim ol samting long stua long taim bilong kopi i redi na ol i gat mani long poket.

Maket rises

Yu mas save long wanem kain samting na sevis ol kastoma bilong yu i laikim. Tok piksa; wanem kain sain, kala, sais na ol planti moa. Luksave long amas samting ol kastoma i laikim, Inap ol i baim? Painim ansa long ol dispela kain askim em ol i kolim painim maket (maket rises) Yu ken luk-

save long planti samting we ol kastoma bilong yu i laikim long:

- Kastoma husat i yusim ol guds na sevis bilong yu
- Ol stua o bisnis yu ken salim samting i go long en
- Bikpela bakstua o bisnis yu save go baim long en
- Ol selsman bilong yu na arapela sels lain
- Oda buk bilong yu yet
- Ol guds we arapela bisnis i salim

Yu ken karimaut maket rises o painim maket long isi rot. Yu ken go toktok wantaim ol kastoma bilong yu. Askim ol wanem samting ol i laik baim na wanem samting ol i no laikim. Maket rises i mas kamap pastaim long bisnis i laik givim nupela sevis o salim nupela guds.

Sels Promosen

Sels promosen em wanpela rot bilong pulim kastoma long baim ol guds bilong yu o yusim sevis bilong yu.

Rot bilong promotim o pusim sels bilong yu;

- Givim fri piksa bilong ol guds o sevis
- Putim ol samting long gutpela hap bilong stua. Sapos yu save saplai long ol stua, tokim ol long mekim olsem
- Givim spesel diskaun long sampela samting
- Givim diskaun long olupela kastoma husat i kam wantaim risit
- Ol prais i mas resis
- Edvetaisim guds na sevis bilong yu long klia rot

Sponsasip

Wanpela gutpela rot bilong promosen em long givim sponsa long spot. Sapotim ol gutpela wok. Putim ol piksa bilong ol guds na sevis bilong yu long yufom bilong ol tim. Dispela em yu wok long soim piksa bilong bisnis bilong yu i go aut long kastoma. Dispela tu i givim gutpela sapot long ol lain insait long klap long piksa bilong ol samting bilong yu.

Pinisim toktok

Long longpela taim bihain, gutpela prodak na gutpela sevis bai bringim bek kastoma long baim ol samting bilong yu. Tasol yu mas go het yet long wokim maket rises na sels promosen. Dispela bai apim sels na profit bilong yu. Dispela bai helpim tu long holim bisnisi go yet inap wanem senis yu laik kamapim bihainim ol senis kastoma i laikim. Tasol tingim, gutpela sevis long kastoma em bikpela samting. Pasin bilong givim gutpela sevis long kastoma, em i no nem bilong wok bisnis. Pasin bilong givim gutpela nambawan sevis em i bisnis

IPA bai givim moa helpim long ol wok bisnis

Invesmen Promosenol Atoriti nau i wok long lukluk long wok klostu wantaim wanpela kantri, Brasels. Ol i bai wok aninit wantaim wanpela grup ol i kolim long Developmen bilong Industri(CDI). Dispela tingting i bin kamap bihain long wanpela prosek opisa, Peter Aling husait i go pas long Pasifik divisin i bin kam long Papua Niugini.

CDI em wanpela institusen we Yuropien Yunion(EU) i save go pas long em aninit long Lom Konvensen. Lom Konvensen i save helpim ol kantri olsem Afrika, Kerebien na ol kantri insait long Pasifik. Dispela institusen i save givim tingting na mani long helpim ol prosek long go het. Ol kain prosek olsem agro-indastri.

Gutpela sans bilong wok agrikalsa

Bihainim dispela, ol Fama insait long Papua Niugini nau i gat gutpela sans bilong investim mani bilong ol long ol masin bilong wokim wok agrikalsa. Wanpela kampani nau i stap wok insait long PNG i gat dispela ol masin. Dispela ol masin em ol masin olsem masin bilong wokim kopi, wel, bilong brukim suga go liklik, na bilong wokim pinat bata. I gat 20 kainkain masin i stap we i save wokim kain kain wok.

Dispela kampani i save salim tu ol man i gat save long dispela ol masin, taim wanpela man i baim masin na i laik stat wok nambawan taim tru. Husait man i laik kisim toktok o baim dispela ol masin i ken ringim promosen divisin bilong IPA long telepon 3217311.

Bisnisman long PNG bai go long Kwinslen long wokim wok luksave long ol projek insait long PNG

Ilevenpela bisnisman husait i stap wok insait long Papua Niugini bai go long Kwinslen long Australia long 10 i go inap long 16 Septemba long dispela yia. Ol i bai go wokim ol wok luksave long wanem kain projek i stap insait long PNG. Long kirapim tingting bilong ol kampani long baim ol prodak bilong PNG. Long dispela wei PNG bai salim moa prodak bilong ol i go long Australia.

Dispela ol prosek em ol prosek olsem wei bilong wokim bot, wei

bilong wokim timba na planti ol arapela prosek. Sapos husait i laik save moa long dispela, em i ken ringim Daniel Johns o Lunar Puele long telepon 3217311.

Taiwan i gat bikpela laik long invest insait long PNG

Wanpela grup lida bilong bisnis insait long Taiwan i bin kam raun long PNG i no longtaim tumas. Na ol i bin soim bikpela laik tru long invest insait long PNG. Ol i bin soim bikpela laik tru long ol industri olsem turis, tuna fishing na forestri developmen.

Man i go pas long ol, Dokta Ko-Wang Mei i tok tu olsem ol i gat bikpela laik tru long joinim ol bisnis insait long PNG. Em i tok dispela grup i bin hamams tru long dispela raun ol i wokim. Long wanem ol i painimaut planti samting long wanem kain bisnis i stap insait long PNG. Na wanem kain lo i save bosim dispela ol bisnis.

Niupela grup bilong ol lain husait i ken helpim long givim tingting long kirapim ol liklik bisnis.

Tupela grup ol lain husait i save givim help na tingting long ol lain husait i laik kirapim ol liklik bisnis, nau i kamap pinis na i stap long Mosbi. Nem bilong dispela tupela husait i go pas long dispela tupela grup em Margaret Loko na Samuel Tam.

Mis Loko bai givim helpim long sait bilong wokim wok luksave long ol bisnis, lukluk long kirapim ol projek na arapel wok bihainim bisnis. Na Mista Tam bai givim help long sait bilong luksave long wanem samting i ken wokim ol bisnis long pundaun na i ken wokim bisnis i go het. Na tu givim ol gutpela save long wanem samting em bisnis. Long wanem planti ol bisnis manmeri insait long PNG i no save wanem samting em bisnis. Olsem na planti bisnis bilong ol i save pundaun.

Husait i laik toktok wantaim Mis Loko i ken yusim dispela adres: Ms Margaret Loko, PO Box 119, Boroko NCD, PNG, Telepon 3232154. Na Mr Samuel Tam, PO Box 7184, Port Moresby, PNG, Telepon 3232100.

Malenki laikim bingo haus mas op gen long Wewak

Olgeta bingo insait long Wewak i nogat moa pilai bingo nau bihain long gavman i tambuim ol. Tasol i gat bikpela singaut long ol i mas opim ol gen. Gavman bilong Is sepik i bin putim stop long olgeta bingo haus insait long provins long noken karim aut ol pilai moa. Dispela i bin kamapim hevi namel long ol bingo haus na gavman.

Man husait i stap baksait long ol papa bilong ol bingo haus, Michael Malenki i tok em i laik lukim olsem gavman bilong gavana Somare i mas rausim oda bilong olupela gavman bilong Primia Alex Anisi na larim ol bingo haus long statim bingo pilai gen.

Mista Malenki i tok dispela samting em wanpela sosel ektiviti na ol pipel yet i ken ske-

lim long pilai bingo o nogat. Em i tok tu olsem sampela papa bilong bingo i save kisim bikpela win mani na i no save putim planti mani i go long ol manmeri husait i save pilai long winim.

Mista Malenki i tok dispela em i wok bilong ol gavman opisa husait i lukautim dispela kain ol pilai long wokim wok bilong ol.

Long painim aut long dispela kain hevi na stretim na noken larim ol politison long makim nating long tingting bilong ol. Na pasim ol bingo haus.

Em i tok ol bingo haus i mas op gen na ol gavman opisa husait i lukautim dispela kain ol pilai i mas wokim wok sekap long olgeta bingo haus we i nogat tok orait.

We're here to help you!

Travel Centres
Port Moresby, Boroko
and all regional
Travel Centres are open

Mon - Fri
8.00am - 4.30pm
Sat 8.00am - 12.00pm
except Waigani

Air Nugini
Airport Sales
Sales Open
7 days a week
6.00am - 6.00pm

Arrivals/Departure
Information
Telephone:
327 3480

Telephone Sales
Open
7 days a week
7.00am - 6.00pm

Telephone:
327 3444

Cargo Enquiries
Open from
8.00am - 4.30pm
Mon - Fri

Telephone:
327 3456


Other Enquiries
All other Enquiries
and Departments
Mon - Fri

Telephone:
325 9000


Craft Works
3426



• Praim Minista Sir Julius Chan i sindaun redi na traim long draivim dispela bikpela masin bilong dikim graun long las wik. Dispela em long opim wok bilong wokim bikpela Poreporena Friwe stat long Konedibu i kam i go brukim Burns Peak maunten, na i go bungim Jacksons ples balus. *Poto: Ivan Bayagau.*



• Yu no inap paul long dispela tupela man. Em tupela graunman bilong Asaro long Isten Hailans. Ol i soim liklik tumbuna pasin long opim bikpela ragbi lig gem namel long Fiji Bati na PNG Presiden 13 tim las Sande long Lloyd Robson oval, Mosbi. Fiji i win 19-10.



• Ol Katolik yut long Boregaina i danis long givim pawa olsem bilong nupela lida i go long Katolik yut siaman, Daniel Mona. Dispela i bin kamap long kalsarel de long Gerehu, Mosbi long tupela wik i go pinis. Mista Mona bai go daun long Gerehu we bihain bai ol kilim pik na danis long dispela.



• Ol yangpela meri Meke long Bereina Komyuniti skul long Sentrel provins i welkamim nupela dikon, Brata Martin Potkau long Bereina las wik. Em i bin kamap dikon taim Bisop Lucas Maitera bin blesim em long lotu we moa long 1,000 pipel i bin kamap. *Poto: Daniel Mona.*



• Long lephan i go long rait em Mista Singh Ram (Yunaited Nesen Developmen Projek ripresentativ), Mista Moffit Yamara (Wina long resis bilong ketim pis i holim Hailans Fisaris Promosen Sil), Mista Tatek Buraik, Asisten Deputi Seketeri bilong Dipatmen bilong Fisaris na Marin Risoses (sanap baksait long Mista Moffit), na Mista Avussi Tanao (Mempa bilong Kainantu Open long Nesenel Palamen). Dispela em long resis bilong ketsim pis em i bin kamap long Yonki, Isten Hailans provins long stat bilong dispela yia. Resis ya i save kamap long olgeta yia. Na ol wokman meri bilong Yonki haidro pawa stesin, wantaim ol pipel bilong ples arere i save stap insait long resis ya.

PNG LAIPSTAIL

Frans strong yet long testim bom

De bilong testim bom i kam klostu nau

TAIM bilong Frans long karimaut ol nuklia tes o testim ol bikpela bom nogut long tupela liklik ailan bilong Frans Polinesia insait long Saut Pasifik solwara i kam klostu nau.

Neks mun tasol long Septemba, Frans bai testim ol bom i gat ol marasin nogut insait long Moruru na Fangataufa ailan klostu long Tahiti.

Planti grasrut manmeri i no klia long wanem samting tru em dispela ol samting we ol i kolim long nuklia tes.

Ol nuklia wepon (pait samting olsem bom) em ol strongpela samting bilong pait.

Na Frans wantaim ol arapela bikpela pawa kantri long wol olsem Saina, Yunaited Stets ov Amerika (USA), Yunaited Kingdom na kantri long olpela Rasia i save karimaut ol program long traime (testim) ol bom bilong pait.

Dispela em long traime strong o pawa bilong ol bom long painimaut olsem ol i fit long yusim long taim bilong pait.

Ol bikpawa kantri i bin mekim wanpela tokorait long stapim pasin bilong testim ol bom.

Long dispela taim, ol bin ting olsem long neks yia (1996), ol bai pinis olgeta long wok bilong testim ol bom.

Tasol pasin we presiden bilong Frans, Jacques Chirac i mekim long mun Jun, 1995, taim em i kisim nupela wok tasol long tokaut long kirapim bek wok bilong testim ol bom long Moruroa i kirapim nogut ol Pasifik Ailan kantri, na ol arapela kantri wantaim sampela pipel bilong Frans yet. Ol i belhat long dispela tokorait bilong Presiden Chirac.

VERONICA HATUTASI i raitim

Samting we ol Pasifik Ailan kantri na ol pipel bilong em i wari tru long en em long ol bagarap na kikbek bilong ol pairap bilong strongpela na posin marasin bilong bom em inap kamapim long ol graun, solwara na ol abus samting we i stap insait long ol.

Wok bilong testim bom i ken kamapim tu bagarap long laip na sindaun bilong ol pipel long sait bilong helt, na

**Wok bilong
testim bom i
ken kamapim
tu bagarap
long laip na
sindaun
bilong ol
pipel long
sait bilong
helt, na ol
kaikai na
laipstail
bilong ol.**

ol kaikai na laipstail bilong ol.

Bikpela samting em ol pikinini bilong bihain taim bai kisim bagarap tu long dispela.

Planti grup long ovasis, na tu long Saut Pasifik rijon yet i putim het wantaim pinis.

Na salim strongpela toktok i go long gavman bilong Frans long dispela.

Dispela ol grup em ol Non Gavman Ogenaisesen (NGO), ol Sios grup, ol gavman na husat lain moa i gat bikpela tingting long helpim laip na sindaun bilong ol Saut Pasifik pipel long go gut.

Long ol NGO lain, intanesenel environ-

men grup ol i kolim long Grinpis i go pas long egens strong Frans long testim bom.

Frans bin bomim Rainbow Warrior sip long 1985

Long 1985, Grinpis grup long Nu Silan i bin lusim wanpela sip bilong em, *Rainbow Warrior* wantaim wanpela niusman na man bilong kisim poto long han bilong sampela lain Frans. Dispela em long taim Frans i bomim *Rainbow Warrior* husat i bin go pas long wankain protes olsem bilong tude.


Dispela em long Nu Silan taim Grinpis i mekim bikpela protes egensim Frans.

Bihain long ol planti toktok kros, wantaim tingting bilong go long bikpela kot na ol arapela rot moa long a egensim Frans we ol kantri insait long Saut Pasifik, Australia, Nu Silan na ol arapela susa kantri long wol tu i bin mekim, Frans i stapim wok bilong testim ol bom long Moruroa Atol long 1985. Las taim Frans bin testim ol bom bilong em long Moruroa na Fangataufa Atols em long 1966.

Inap long dispela taim i kam inap nau, Frans bin testim ol bom bilong em long 44 taim olgeta. Dispela ol tes i bin kamap long open spes na sampela mita aninit long graun.

Frans em i wanpela kantri tasol long wol husat i save testim ol strongpela bom bilong em insait long ol liklik ailan kantri long Saut Pasifik rijon.

I go moa long pes 15



● *Rainbow Warrior* sip bilong Grinpis i slip Oklen bris, Nu Silan. long taim ol Frans i bin bomim long 1985.

25% MOA


5 bisket long prais bilong 4

Morobeen
BEEF
CRACKERS

Morobeen Beef Cracker
nau i givim yu wanpela moa
bisket insait long pack,
dispela beef teist bai mekim
maus i wara. Baim long
prais bilong 4bisket.

Hariap taim stok istap yet!

Sotpela taim tasol!



Igat moa
KIK!

Morobeen

BISCUIT MAKERS TO PNG

COLOR



■ Wanpela gutpela Sarere moning, tupela meri wantaim bilong Kanage go long Lae maket. Na bihain i go lukim Kanage wantaim tim bilong em i pilai soka egensim narapela tim.

Kanage putim jesi i gat namba 10 long baksait.

Straika bilong narapela tim kisim bal i go na givim stret long umben bilong Kanage ol. Tasol golkipa em hap man tu ya. Em holim dispela bal na gol i no go insait.

Tupela meri wantok bilong Kanage lukim olsem na kirap singaut: "Goli yu wokim ya ..."

Orait Kanage harim nek bilong ol meri wantok na laik so op liklik. Em kisim bal i go antap na givim gutwan stret na hetim bal i go insait long umben bilong birua tim.

Tupela meri wantok bilong Kanage kirap singaut na amamas nogut tru. Bikpela susa kirap na tokim liklik susa bilong em: "Namba 10 wokim na mi kisim filings ya, yu kisim filings tu!"

Wesley Paul
LAE

□ Wanpela taim Kanage i go danis long Karaweri long Is Elimbari long Juave distrik bilong Simbu provins. Laki tru Kanage lukim pren bilong em, Waine Raifail. Kanage i amamas nogut tru na askim Waine long narapela poro bilong em Steve. Tasol Waine i bekim olsem Steve i stap pinis long Mosbi.

Oi danis i go na Kanage pulim han bilong wanpela meri Oroma na tokim em : Poro! Oh yu sekim gut olsem ol meri save sekim long Muniyai (wanpela danis ples long Mosbi).

Meri ya harim dispela tok na bekim kwik tru: "Yu save olsem mi meri O.D.R oh?" Kanage harim na kisim filings stret.

Robert Goro
MOSBI

■ Kanage i go pas long wanpela kago kal grup long Wewak, Is Sepik provins. Em askim ol manmeri i kam memba long grup long 50t. Em tokim ol memba olsem bikman bai salim mani bilong ol i kam. Mani ol bai kisim em K666 milien.

Oi go insait long PNGBC Wewak na askim bikbos long dispela mani i kam pinis long ovasis o nogat. Bikbos i paul olgeta na tokim ol olsem i nogat kain man olsem i kam long ovasis.

Kanage wantaim ol memba bilong em kros olgeta long bikbos bilong beng na kam ausait. Oi tok bikbos i paulim mani bilong ol. Olsem na Kanage bai go daun long Australia na sekim sapos nogut mani i kam long ovasis na stap long Australia. Na i no kam kwik long PNG.

Sans nau bilong ol lain husat i memba long grup long kisim dispela bikpela mani stret.

Maunten Boi
MOSBI

□ Kanage wantaim ol wanwok i go long "CC" danis ples long Islander hotel long wanpela Trinde nait. Oi dring bia na sanap lukim ol manmeri i mekimsave long sakim sakim antap long danis ples.

I no longtaim ol wanwok i painim Kanage. Kanage lus nating pinis. Tupela wanwok painim olgeta hap kona na Kanage i no stap. I no longtaim tupela lukiuk i go antap long maunten na lukim wanpela meri wantok relax antap long solda bilong Kanage, na tupela wols i stap. Tupela wanwok belkaskas olgeta.

Bihain long danis tupela wanwok hatim Kanage: "Hei maunten boi! Yu mekim na mipela painim yu long olgeta hap." Kanage bekim isi tasol long tupela: "Yupela stap daunbilobai pukpuk i kaikai yupela. Olsem na mi ranawe i go antap long maunten."

Bihainim dispela stori, Kanage i kisim nupela nem nau olsem "Maunten Boi".

Maunten Boi
MOSBI

MOA TOK PILAI LONG PES 19

Mid Wagi man lusim wok na katim ston long kisim mani

DAVID ERICHO i raitim

"SORE! Sapos mi stap klostu long dispela wara, em bai orait stret ya." Dispela em hap toktok Joseph Gele Muniya i tromoi taim em i abrusim Kenage bris klostu long Watabung insait long Isten Hailans provins.

Em i no amamas taim em lukim bikpela masin bilong brukim ston i wok long brukim ol ston. Hevi bilong ol ston ya i winim 50 kilogram. Muniya i bin kam bek long wanpela raun bilong em long painim na kisim ol ston, na lukim dispela taim em draiv i go bek long Lae. Em i bilong ples Kuiona long Bans distrik bilong Westen Hailans provins.

Em stapim ka long Kenage bris na lukim sapos ol manmeri na pikinini long hap i lukim em o nogat. Tasol nogat wanpela man o meri i lukim em. Olsem na em draiv i go bek long Lae siti. Insait long ka bilong em i gat 22 ston olgeta, we em i bin bungim long tupela de. Hevi bilong ol ston ya em 500 kilogram.

Krismas bilong Muniya i abrusim 30 pinis. Na em i wanpela man bilong wokim kafing long ol ston. Na em i save kisim mani long wokim kafing long ol ston i stap arere long ol wara. Em i save toktok isi tasol. Em i tok olsem: Mi ting mi wokim samt-ing olsem K40,000 long las yia. Na dispela yia, mi wok long kisim sampela gutpela moa mani long ol kastoma.

"Mi pinis wok bikos mi laik wok fultaim long wokim kafing long ston. Bikos mani mi kisim long potnait i no inap long lukautim bikpela famili na wantok mi save lukautim. Olsem na taim mi pinis wok, mi

gat inap taim long painim ston, katim disain antap long ol na salim." Muniya i lainim long katim disain long ol ston long wanpela wantok bilong em bilong Mid Wagi. Nem bilong dispela man em Sylvester Bol.

Muniya i bin stat lainim dispela nupela wok taim Sylvester i kam stap wantaim em wanpela taim long Lae. Dispela em long taim Sylvester i kam long salim ol ston disain o kafing bilong em. Muniya i stat long lainim long katim disain long ston long 4-pela wik tasol. Na em i ken tingim em i salim samt-ing ston disain na kisim K75. Dispela em ol disain Muniya i stat lainim long katim. Sylvester em tambu bilong Muniya Olsem na maski Muniya i lainim pinis long katim disain long ston, em i laik lainim moa.

Olsem na em i askim Sylvester long lainim em moa long wanpela moa mun. Orait taim Sylvester i go bek long Lae long salim sampela moa ston em bin katim, em i stap wantaim Muniya. Na Muniya i wok yet aninit long lukaut na skul bilong tambu bilong em. Muniya katim sampela ston na salim long ol manmeri long Lae siti. Em kisim inap mani na katim disain long narapela 10-pela ston long 8-pela de tasol.

Long Novemba 1986, Muniya i lukim kaikai stret bilong hatwok bilong em i kam aut. Em i kisim sampela tausen kina taim em i kam salim ol ston ya long Mosbi siti long namba wan taim. Dispela em long taim em i kisim lip long wok bilong em wantaim Papindo stua.



• Ston kafing i soim piksa bilong (lephan i go long rait) Sir Julius Chan, Paia Wingti na Sir Michael Somare. Nogat man i baim yet dispela ston disain we i kos K1,000.

I no longtaim Muniya i risain long wok wantaim Papindo, na laik putim moa taim long nupela bisnis wok bilong em. Long namba tu bisnis wokabaut bilong em, em i go long Madang. Em i no kisim gutpela mani tumas long dispela wokabaut. Bikos em salim ol ston disain long prais em ol kastoma i laik baim.

Sampela taim bihain, Muniya tingting long wokim disain long ol samt-ing bilong tude, we ol kastoma bai laikim. Na i katim ston piksa bilong ol bikman bilong kantri olsem Paia Wingti, Sir Michael Somare na Sir Julius Chan. Em i katim dis-

pela disain long nupela Wingti/Chan gavman, em i bin daunim Sir Michael. Dispela em long taim Papua Niugini i kisim namba tri praim minista bihain long 1975 independens.

Dispela ston kafing i soim pes bilong tripela bikman bilong kantri i stap yet wantaim Muniya. Na em i salim long K1,000. Hevi bilong ston disain ya em 40 kilogram. "Gutpela taim bilong mi long wokim bisnis em long krismas taim. Dispela em long taim moa ovasis manmeri save go lukim em wan-taim poto bilong ol yet o pren bilong ol. na askim mi long wokim wanpela

disain bilong ol antap long ston. "Sampela save askim mi long wokim raunpela plet na pot bilong putim plaua insait long em," Muniya i tok.

Nau yet Muniya i gat sampela ston em i no salim yet. Prais bilong olgeta dispela ston i winim K2,000. Na em i katim nau narapela 5-pela ston we em bilip em bai kisim narapela K2,000 o K3,000. Muniya i tingting nau long katim wanpela ston i makim SP Inta Siti Kap resis, long kisim ples bilong kap. Dispela ston kafing em i laik katim wantaim tingting long luk olsem bilong Australia Ragbi Lig. "Bilong ol (Australia lig) em ain, tasol mi laik wokim long ston,

"Muniya tok olsem taim mi askim sapos em i gat sampela bikpela plen long bisnis wok bilong em. Nau yet Muniya i putim wantaim wanpela piksa buk (katalog) we i soim ol ston disain na prais bilong wanwan. Em bai saplain dispela piksa buk long ol at galari, misium na ol arapela bisnis lain long Januari, 1996.

Muniya i no kisim wanpela gutpela skul. Tasol save na hatwok bilong em i karim kaikai. Na em i wokhat olsem dispela em i wanpela bisnis. Na i no hobi o samt-ing em i save mekim taim em i fri.

Oi lain i gat laik long mekim bisnis wantaim Muniya i ken kisim mi long faks namba 42-0471. Na mi ken tok-save long Muniya.



• Muniya wantaim sampela ston kafing bilong em. Nau yet em i gat sampela ston kafing bilong salim i stap wantaim em.

Frans strong yet long testim bom

I kam long pes 13

- Na dispela samting, ripot bilong Pasifik Kaunsil bilong ol Sios i tok, i mekim na graun i bruk we i gat hul long dispela ol liklik ailan we Frans i karimaut ol tes long en.

Posin marasin bilong bom ken bagarapim ol pis long solwara

I gat wari nau olsem ol strong-pela posin marasin bilong bom i kapsait pinis i go long ol pis na abus samting insait long solwara bilong Saut Pasifik. Na dispela bai bagarapim abus na kaikai bilong ol pipel.

Ripot i tok tu olsem olsem nogat lain i wokim wanpela helt stadi long ol kikbek we ol pipel long Frans Polinesia i bin bungim long laip na sindaun bilong ol.

Dispela em bihain long ol nuklia tes em Frans bin karimaut pinis long Moruroa na Fangataufa ailan. Na nogat progrem tu i bin kamap long sekim ol wokman bihain long Frans i testim ol bom.

Ripot i tok tu olsem em i tru sampela lain saveman i bin go long Moruroa Atol long skelim, giasim na karimaut ol stadi ripot insait long 15 yia i go pinis.

Tasol wanpela samting em ol mausman bilong Frans long Moruroa i tambuim dispela ol stadi grup long raun long laik bilong ol yet na kisim ol ripot.

Dispela stadi grup i autim tu wari bilong long kikbek bilong nuklia tes long Moruroa, we bai kamapim bagarap yet long laip bilong ol pipel wantaim pis na arapela bus long solwara na graun.

Frans strong yet long testim bom long Septemba

Nau yet Frans i sanap strong long tokorait bilong em bipo long testim ol bom long Moruroa.

Stat long mun Jun long dispela yia taim Frans i tokaut long tingting bilong em long dispela samting, planti tok egensim i kam long kainkain grup long ovasis na long rijon yet.

I bin gat ol protes mas na ol arapela samting we planti grup long rijon olsem long Nu Silan na Australia egensim Frans.


Hia em ol sampela samting we ol kankain grup long Saut Pasifik i wokim egens long Frans:

- Wanpela lain palamentieren grup bilong Australia, Nu Silan na ol arapela Saut Pasifik kantri we i gat long em ol memba i kam long ol kainkain pati bai i go long Yurop long Septemba 2 long tokim Frans long stapim ol tes we em i laik karimaut long Moruroa insait long solwara bilong ol.

Minista bilong Pasifik Afeas long gavman bilong Australia, Gordon Bilney bai i go pas long dispela grup. Grup ya i laik kisim sapot long ol arapela Yuropien kantri long egensim Frans long samting we em i laik wokim.

Grup bai i askim strong tu Yunaited Nesens long kamapim na ifektim hariap wanpela resolusen long stapim Frans long go hetim ol nuklia tes long Saut Pasifik rijon;

- Ginpis Nu Silan i kisim Frans i go long Wol Kot bilong Jastis long Hague;



□ Dispela poto is soim bom i bin pairap long fes tes Frans i bim karim aut long Moruroa long yia 1985.

- Ol bikpela stoa, supamaketa, kemis na ol bisnis haus long planti hap bilong Australia na Nu Silan in o baim ol samting we ol i wokim long Frans;

- Planti sip long olgeta hap bilong Pasifik i pasim tok na nau ol i wok long seil i go long Moruroa. Long nau namba bilong ol sip inap long 14 tasol ol ripot i tok moa sip bai i joinim grup na namba bai i go antap lusim 20 mak.

Rises sip bilong Nu Silan nevi sip, MV Tui i go pas long dispela ol grup long wokabaut bilong ol i go long Moruroa.

Sip bilong Ginpis envoironmen grup ol i kolim long Rainbow Warrior 2, na narapela liklik bot bilong ol Vegas i stap wantaim dispela grup tu. Sampela niulain tu i stap antap long MV Tui bilong go wantaim grup long Moruroa na kisim ripot long ol samting long hap;

- Wanpela reli long lukautim Pasifik rijon na kipim em fri long ol nuklia tes na ol arapela bagarap long ol strongpela posin na marasin nogut bai i kamap long Sidni Australia. Long dispela reli ol Sidni lain bai i soim aut long ples klia olsem ol i egensim disisen bilong Frans long karimaut dispela nuklia tes long Moruroa.

Ol bot, feri, ol liklik sip na yot na ol sef ski lain bai i bung na soim no laik bilong ol.

Ol biknem lain olsem ekta, singa husat i gat bikpela laik long lukautim envoironmen em Olivia Newton-John, Peter Garrett, solo wol seila David Adams na ol arapela lain moa i sapotim na ol bai i stap long dispela reli tu.

- Maus bilong ol sios long Pasifik rijon, Pasifik Kaunsil bilong ol Sios (PPC) i tok strong egensim Frans na askim Presiden Chacques Chirac long stapim ol tes bikos dispela bai i bagarapim laip na sindaun bilong ol pipel na tu envoironmen long rijon.

Long wanpela stetmen we PPC i putim aut, ol sios lain ya i sapotim ol brata bilong ol long Evanjelikal Sios bilong Frens Polinesia husat i laikim Frans long stapim ol nuklia tes.

Bikos ol i lukim ol kikbek na taim nogut we ol pipel i bungim long ol posin marasin bilong ol tes ya.

Bikos ol nuklia tes i bagarapim laip long ol pikinini bilong God, PPC i egensim ol nuklia tes.

Na long lukim olsem gutpela sindaun i stap, PPC i askim strong Frans long sapotim ol wok bilong gutpela sindaun na i no long bagarapim envoironmen, laip na sindaun bilong ol pipel long Saut Pasifik rijon.

"Sapos em i seif long karimaut ol nuklia tes, wokim long graun na ples bilong yupela yet long Frans," 31 memba kantri bilong PCC i tokaut olsem long ripot bilong ol.

PPC wantaim ol patna bilong ol long Yurop, Esia, Yunaited Stets ov Amerika, Kanada, Australia na Nu Silan bai i yusim strong bilong ol long stapim Frans long noken karimaut ol nuklia tes long Moruroa. Na em i askim strong tu Saut Pasifik Forum long askim strong Yuropien Yunien na ol arapela intanesenel grup long stapim Frans bilong go hetim disisen bilong em na larim Pasifik rijon i fri long ol nuklia tes.

- PNG wantaim ol arapela Melanesian Spiahet kantri olsem Vanuatu, Solomon Ailans, Nu Kaledonia na Fiji i bin pasim wanpela toktok long sapotim ol arapela susa kantri na gavman long Pasifik long egensim Frans na mekim em long senisim tingting na stapim ol tes we em i laik karimaut long Moruroa.

Long dispela taim yet, mipela ino lukim wanpela samting we i soim olsem Frans i harim ol askim na eksen we i kam long rijonal na intanesenel level long stapim em long karimaut ol tes.

Tasol bai yumi wet na lukluk long las tokorait bilong em long de em i makim long testim ol bom i kam klostu. Long ol ripot we mipela i ritim long niuspepa, harim long lukim redio na lukim pinis long televisen, planti pipel long Frans yet i egensim ol tes we gavman bilong ol i laik go hetim long Moruroa. Tasol fainel disisen long go hetim o stapim ol tes bai i kam yet long bikman bilong Frans, Presiden Jacques Chirac. Na em i mas lukluk, glasim na skelim gut tru kikbek ol planti pipel bilong Pasifik bai i kisim long disisen bilong em.

Ol lo we i karamapim ol drag

Planti pipel i save i gat ol giaman tingting olsem sapos yu putim kamap wanpela lo, dispela lo bai daunim o pinisim hevi we dispela lo i karamapim.

Wanpela lo i stap long helpim na lukautim sosaiti stap gut. Mipela i mas i gat lo. Long wanem sapos i gat lo, sosaiti bai no inap mekim ol samting we i laik mekim long helpim sosaiti kamap na stap gut. Traim na tingim wanem kain ol samting bai kamap sapos wanpela kantri nogat ol lo bilong lukautim ekonomi, palamen na ol rot bilong ka i ron.

Mipela i save olsem mipela i mas i gat ol lo. Sosaiti save putim kamap tu ol rot na we bilong karim aut wok bilong ol lo. Astingting em long lukim olsem ol lo i mas ron long we sosaiti laikim. Sosaiti save putim kamap tu ol kot long givim mekimsave i go long ol pipel husat i brukim o egensim lo. Na tu



long banisim na lukautim ol pipel husat i no save brukim o egensim lo. Haus kalabus i pulim bikpela mani long ol pipel husat i save baim takis long wok bilong lukautim ol pipel husat i save egensim lo.

Taim mipela i toktok long ol lo we i karamapim pasin bilong yusim ol drag nogut, mipela i toktok long tupela kain lo.

1. Intanesenel Lo: Dispela i min olsem intanesenel komyuniti kam aninit long

wanpela bikpela karamap bilong Yunaited Nesen. Na Yunaited Nesen i putim kamap lo we i abrusim baundri o bodamak bilong wanpela kantri na i karamapim tu ol arapela kantri. Yunaited Nesen i putim kamap tripela spesel lo o samting ol i kolim KONVENSEN. Namba wan konvensen i kamap long 1961 na i bin i gat sampela senis i kamap long 1972. Namba tu konvensen i kamap long 1971 na



• Aninit long ol kabis, ol Hailans i save planim ol narapela kain kumu (spak brus) olsem poto i soim.

namba tri kamap long 1988.

Ol dispela konvensen em ol tokorait o agrimen namel long ol kantri husat i kam aninit long karamap bilong Yunaited Nesen long wanem rot ol kantri long wol i mas yusim ol drag-bikpela tru em ol nakotik drag.

Wok i stap long ol memba kantri bilong Yunaited Nesen long

sainim ol pepawok na bihainim ol dispela konvensen we i kisim bikpela luksave olsem ol intanesenel lo namel long ol kantri.

Bai kisim longpela taim tumas long tok klia long ol dispela konvensen. Tasol i gutpela long yu harim olsem i gat ol dispela konvensen o lo i stap. I bin i gat wanpela tingting i kamap olsem lo i mas givim tokorait long ol pipel long planim na salim kanabis o mariwana long kisim mani. Tasol Konvensen bilong 1961 i egensim o tambuim pasin bilong planim na salim kanabis.

Papua Niugini sainim Konvensen bilong 1961 na 1971. Oisem na mipela i no inap putim kamap wanpela lo insait long kantri we i givim tokorait long ol pipel long planim, salim o smokim mariwana o kanabis.

Papua Niugini no sainim yet Konvensen bilong 1988. Long wanem mipela i mas stretim ol nesenel drag lo bilong mipela. Dispela wok i bin sapos long kamap long 1994.

2. Nesenel Lejislesen: Wanem samting mipela i wok long tingting long nau yet em ol Nesenel Lo we i karamapim pasin bilong yusim ol drag long nau yet.

Long nau yet, ol lo we i karamapim pasin bilong yusim ol drag i no klia tumas. Bikos sampela bilong ol dispela lo i bilong samting olsem 40 yia i go pinis we i bilong lejislesen bilong Australia. Ol dispela

lo i no inap long bringim oda i go insait long hevi bilong drag long dispela taim.

Nau yet, i gat 4-pela lejislesen i stap: Poisons & Dangerous Drugs Act, Dangerous Drugs Act, Drugs Act na Customs Act.

Namba wan Ekt i toktok long ol marasin we ol medikel dokta, dentis (saveman bilong tit) na ol vetinarians i save yusim. Dispela Ekt i no toktok long kanabis.

Namba tu Ekt i toktok long ol drag nogut olsem kanabis, kokein na hiroin. Dispela i min olsem dispela Ekt i tambuim pasin bilong planim, salim o smokim kanabis na ol arapela drag nogut. Planti pipel i save kisim mekimsave long kot taim ol i brukim o egensim dispela lo.

Namba tri lo o Ekt i toktok long ol gutpela drag. Tasol dispela lo i laikim olsem ol dispela drag i mas i gat gutpela stendet na kwaliti.

Namba foa (4) lo i toktok long pasin bilong bringim ol nakotik drag i go long ol arapela kantri.

Sapos mipela i lukluk gut long ol dispela lo, mipela i ken luksave olsem ol dispela lo i no gutpela o hat tumas.

Mekimsave bilong tripela mun o tupela yia long sas bilong holim kanabis-maski wanpela man i gat wanpela rol mariwana o wanpela beg mariwana (kanabis). Disisen i stap long majistret long givim mekimsave. Wanpela

rol mariwana i ken givim tripela mun kalabus long wanpela man. Dispela bai kosim wanpela man husat i save baim takis K900 long lukautim na givim kaikai long dispela man taim em i stap long haus kalabus.

Sapos wanpela man em i wanpela smatpela na gutpela man bilong yusim o salim drag, em i ken kisim tupela yia kalabus taim ol atoriti olsem polis i holimpasim na kotim em.

I nogat lo we i karamapim pasin bilong drag trefiking. Olsem na sapos ol polisman i holimpasim wanpela drag trefika na em i nogat drag wantaim em, em i ken winim kot. Bikos ol polisman i no painim o kisim sampela drag long em.

Ol pipel husat i save yusim mariwana, ol polisman i mas kisim o painim mariwana i stap wantaim ol long kot ol. Nogat bai nogat. I nogat provisen i stap long lo we i givim tokorait long kot long salim wanpela man i go long rihebiltesen senta. Planti pipel i save go long kalabus. Taim ol i pinis kalabus na kam ausait, ol i save yusim gen drag.

Nesenel Nakotiks Biro i gat tingting long senisim dispela samting.

Wanpela pepa bilong nupela lejislesen i redi pinis long givim i go long palamen. Dispela pepa i putim olgeta nakotiks drag lo i go insait long wanpela lo tasol.

2-MINUTE NOODLES

K10 000 CASH SURPRISE!

10 LUCKY SHOPPERS EACH WIN K1,000!

10 WEEKLY DRAWS
8.30 FRIDAY NIGHTS ON EM TV
COMMENCING FRIDAY, SEPTEMBER 1ST
UNTIL FRIDAY, NOVEMBER 3RD, 1995.

HOW TO ENTER

NAME: _____
 ADDRESS: _____
 TELEPHONE: _____ AGE: _____

SEND COMPLETED ENTRY FORM WITH 3 EMPTY 2-MINUTE NOODLES PACKETS IN A STANDARD SIZE ENVELOPE TO:

MAGGI 2-MINUTE NOODLES
K10 000 CASH SURPRISE
PRIVATE MAIL BAG BOROKO NCD

DRAWN UNDER POLICE SUPERVISION

TERMS AND CONDITIONS:
1. Information on how to participate and prizes from part of these terms and conditions. 2. Entry is open to all residents of PNG except employees of Nestle and their families, its associated companies and agencies. 3. No responsibility is accepted for lost, misdirected or delay mail. 4. K1,000, to be won weekly for 10 weeks. All entries must be received not later than 12.00 noon on Friday for the same week's draw under police supervision. 5. Winners will be notified by registered mail and names will be published in the Post Courier every Monday. 6. Prizes must be taken as offered and are not redeemable. 7. Competition commences on 1st September, 1995 and closes on 3rd November, 1995. 8. In the event of any dispute the decision of the promoter (Nestle) is final and no correspondence will be entered into. All entries become the property of the promoter (Nestle).

Pasin bilong bung pait i kamap bikpela long Wewak

TUDE i gat planti pasin nogut i save kamap long ol biktaun we i save bagarapim laip bilong mipela.

Dispela i no long ol taun tasol, long ol ples, antap long Hailans rijon, Momase rijon na Papua rijon tu.

Long Is Sepik provins long Wewak taun yet, dispela pasin i kamap bikpela long biktaun Wewak yet.

Dispela pasin i save kamap long olgeta de. Na i bin stat long bipo yet i kam inap tude.

Long olgeta hap kona bilong taun bai yu harim stori olsem sampela lain man i bung pait long long wanpela man.

Na bagarapim stret dispela man we em i go stap long haus sik.

Ol i no paitim tasol dispela mar. Nogat. Ol i kirap na bagarapim tu olgeta samting bilong em olsem haus, paitim meri pikinini bilong man ya na ronim ol i go, kilim pik, dok na kakaruk bilong man ya, na wanem gutpela samting i stap arere o insait long haus bai ol kisim na i go.

ADDY LAVAKS i raitim

Ol bai karim ol dispela samting i go an amamasim ol yet. Na trangu man ya wantaim meri pikinini bilong em bai stap wantaim wari, na kisim taim stret.

Watpo na dispela pasin bilong bung pait long wanpela man i save kamap?

Ating mipela olgeta pipel bilong Papua Niugini i mas save olsem i gat lo i stap sapos wanpela man i mekim rong.

Na lo i ken kam insait long stretim wanem kain hevi man ya i kamapim.

Na maski long bringim pasin bilong tumbuna long go pulim ol wantok na go bagarapim laip bilong husat man i gat rong wantaim yu.

Long Is Sepik provins yet long dispela mun, dispela pasin i kamap bikpela tru.

Ol famili husat i bungim birua long kain pasin i painim olsem laip i hat tru long ol.

Long wanem taim ol i go long lo na autim hevi bilong ol, ol

loman i harim tasol na tok bai ol lukluk long en.

Planti taim bai ol loman i tok, "em samting bilong komyuniti na yupela ken stretim long hap."

Tasol tingim ol man husat i kamapim dispela pait i no wanpisin bilong man husat i kisim bagarap, na lo bai tokim ol long stretim long komyuniti bilong ol.

I gat planti ripot i kamap pinis olsem planti yangpela man bilong tude i no save harim gutpela tok bilong papamama bilong ol, o ol komyuniti o viles plis insait long wanwan komyuniti bilong ol.

Planti yanpela man i save bung pait na paitim nogut ol komiti husat i sanap long loman bilong komyuniti.

Olsem na sapos ol plisman i tok go stretim long komyuniti bilong yupela yet, dispela i no stret tumas, sampela pipel i tok.

Planti pipel i tok olsem plis yet i mas wok strong nau long stapim dispela pasin bilong bung pait we i kamap bikpela nau.

Pait bilong ples i kampa long taun

Narapela samting em ol lain pipel long ples husat i save kamap long PMV na kam raun long taun.

Ol kisim mani pinis long ol samting ol i salim na bai go spak long ol klab.

Yu bai kirap nogut long lukim olsem ol bung sindaun na spak.

Tasol wanpela bai tok krangi long narapela long sampela hevi bilong ples. Na wantu bai pait i kamap.

Na ol arapela i kirap kisim sait bilong wanpela na narapela, na kwiktaim tru ol arapela wantok bai kam joinim.

Na bikpela bung pait bai bruk. Samting bilong ples tasol ol kisim i kam pinis long taun long stretim.

Giaman bung pait bilong ol yangpela

Narapela bung pait em ol yangpela man i save giaman na kamapim. Ol yangpela man i save pasim tok pinis na kirapim pait namel long ol yet. Dispela pait i save pulim ol i go insait long ol pablik ples olsem maket.

Na taim pait i bruk i go bikpela, ol mama long maket i save pret na ranawe lusim mani na kaikai bilong ol. Dispela ol samting ol manki bai stilim na ranawe wantaim.

Bai yu olsem pait i kirap wantu stret. Na wantu bai pait i pinis nating.

Bihain bai yu harim ol mama long maket i komplon olsem mani na kaikai bilong ol long maket i lus pinis taim pait i kamap.




MAN LONG GIVIM BIRUA LONG OL RASKAL

BIRUA MAN IBIN KAM LONG TAUN LONG PAINIM SKAFES



SAPOS MI INAP LONG PAINIM SKAFES BIFO EMI PAINIM OL YANGPELA BOI MI INAP LONG SEVIM OL LONG LAIP NOGUT...

TAIM BIRUA MAN EMI TOK OLSEN, SKAFES EMI BIN STAP KLOSTU LIKLIK NA PLENIM WANPELA SAMTING NOGUT



MIPELA IGAT NID LONG SAMPELA NIUPELA MEMBA. MIPELA IBIN LUSIM PLENTI OL MAN BIKOS BIRUA MAN IBIN BAGARAPIM GANG BILONG MIPELA



YUPELA GO NA PAINIM SAMPELA NIUPELA MEMBA. NA SAPOS BIRUA MAN, TRAI LONG PASIM YUPELA, KILIM EN IDAI !!



BM 11

FONDE 24/8

EMTV

5.30 PROGRAM HIGHLIGHTS
5.57 TRANSMISSION OPEN
6.00 ITN NEWS
6.30 DAYBREAK NEWS
7.00 TODAY SHOW
9.00 TRANSMISSION CLOSE
9.01 PROGRAM HIGHLIGHTS
1.57 TRANSMISSION RESUME
1.30 BORAL GAS HOMEMAKER'S SHOW
2.00 MIDDAY AT TWO PGR
3.00 SESAME STREET
4.00 THE BOOK PLACE
4.30 MY GENERATION
5.00 WONDER WORLD
5.28 EMTV TOK SAVE
5.29 EMTV NEWS BREAK
5.30 HOME AWAY Luke makes a shocking admission about his brother's disability. Greg ruins his wedding anniversary by admitting to his affair.
6.00 NATIONAL EMTV NEWS
6.30 A CURRENT AFFAIR
7.00 SALE OF THE CENTURY
7.28 LOTTO DRAW
7.30 NEIGHBOURS Who is the new mystery man in Brenda's life? Jim's desperate search for his missing son continues. G
8.00 PEPSI FIZZ
An hour of local music emment and update of musical attraction around town.
9.00 JUST KIDDING Just Kidding sets p elaborate scenarious and hoaxes that are played out on unsuspecting public with hilarious results.
9.30 THE FOOTY SHOW PGR
10.27 EMTV TOK SAVE
10.30 A COUNTRY PRACTICE
11.30 EVENING SHADE: WHAT A NIGHT
00.00 NATIONAL EMTV NEWS
00.27 MEDITATION
00.30 TRANSMISSION CLOSE

ABC

6.00 OPEN LEARNING
6.30 OPEN LEARNING
7.00 FIRST EDITION
7.30 OPEN LEARNING
8.00 OPEN LEARNING
8.15 OPEN LEARNING
8.30 SESAME STREET
9.25 THOMAS THE TANK ENGINE AND FRIENDS
9.30 PLAY SCHOOL
10.00 MORE THAN WORDS
10.15 ZARDIP'S SEARCH FOR HEALTHY WELLNESS
10.30 CONSUMER POWER
10.45 READ ALL ABOUT IT
11.00 ACME SCHOOL OF STUFF
11.25 THE AUSTRALIAN EXPERIENCE
11.50 NATURE WATCH DIGEST
12.00 AFTERNOON PROGRAMS
12.00 THE WORLD AT NOON
12.30 LATELINE
1.00 THE BILL PG
2.00 PARLIAMENT QUESTION TIME: SENATE
3.00 SESAME STREET
3.55 BANANAS IN PYJAMAS
4.00 PLAYSCHOOL
4.30 THE BUSY WORLD OF RICHARD SCARRY
5.00 THE FERALS
5.25 BANANAMAN
5.30 ROCKO'S MODERN LIFE
6.00 DEGRASSI JUNIOR HIGH
6.30 THE BRITIAS EMPIRE G
7.00+ ABC NEWS
7.30+ THE 7.30 REPORT
8.00 WILDScreen: RIVER BED G
8.28 NEWS UP-DATE
8.30 SPECIAL: SATELLITE WARS
10.00 A MURDERMOST HORRID: A DETERMINED WOMAN PG A tale of blind ambition and scientific curiosity
10.30 LATELINE
11.00 SOMETHING HOT BEFORE BED
11.30 SEAN'S SHOW PG
12.00 AUSTRALIAN TELEVISION NEWS G
12.30 BIRDS OF A FEATHER: TIME & TIDES PG Tracey and Sharon help out Dorien because women "of certain age" need careful ending.
1.00 PARLIAMENT QUESTION TIME: HOUSE OF REPRESENTATIVES PG
1.30 MOVIE: VALUE FOR MONEY "G" (1956) A Yorkshire businessman determines to broaden his outlook, and falls in love with a London showgirl.
3.30 MORNING PROGRAMS
3.30 OPEN LEARNING
4.00 OPEN LEARNING
4.30 OPEN LEARNING
5.00 OPEN LEARNING
5.30 OPEN LEARNING
6.00 OPEN LEARNING

QTV

5.00 GENERAL HOSPITAL CONTINUES THROUGH TO 6.00AM
6.00 GOOD MORNING PARADISE
6.30 AEROBICS OZ STYLE G
7.00 CHEEZ TV G
8.30 MULLIGRUBS Rpt P
9.00 GOODMORNING AUSTRALIA
11.30 TEN NEWS
12.00 RICKI LAKE "I Haven't Spoken to My Parents in Years... But I'm Ready To Confront Them Today." PG
1.00 THE BOLD AND THE BEAUTIFUL PG
1.30 DONAHUE PG
2.30 THE OPRAH WINFREY SHOW
3.30 EIGHT IS ENOUGH Rpt G
4.30 TOTALLY WILD C
5.00 TEN NEWS
6.00 ECHO POINT G
6.30 NEIGHBOURS S G
7.00 THE SIMPSONS G
7.30 ROSEANNE G
8.30 COLUMBO "No Time To Die"
10.30 TEN NEWS
11.00 SPORTS TONIGHT
11.30 THE LAST SHOUT
12.00 TEN SPORT Basketball "Mitsubishi Challenge"
2.00 INFOMERCIAL G
4.00 JUST GOOD FRIENDS

FRAIDE 25/8

EMTV

5.30 PROGRAM HIGHLIGHTS
5.57 TRANSMISSION OPEN
6.00 ITN NEWS G
6.30 DAYBREAK NEWS G
7.00 TODAY SHOW The best in breakfast television presented by ELIZABETH HAYS & STEVE LIEB-MANN G
9.00 TRANSMISSION CLOSE
9.01 PROGRAM HIGHLIGHTS
1.57 TRANSMISSION RESUMES
2.00 MIDDAY at Two
2.54 EMTV TOKSAVE
2.57 CHIN H MEEN SUPERSOUND NEW RELEASE
3.00 KIDS KONA/SESAME STREET G
4.00 THE BOOK PLACE G
4.30 MY GENERATION G
5.00 WONDER WORLD G
5.27 EMTV TOKSAVE
5.29 EMTV NEWS BREAK
5.30 HOME & AWAY Luke has premonition about his missing brother's welfare. Shane lays his heart on the line, but Angel thinks he's only after one thing. G
6.00 NATIONAL EMTV NEWS National EMTV News followed by international news. G
6.30 A CURRENT AFFAIR In-depth reports and current social and political issues in Australia. G
7.00 SALE OF THE CENTURY G 7.28 LOTTO DRAW
7.30 NEIGHBOURS Josh's emotional involvement with Lucy becomes more complicated. Helen makes a final decision about her future. G
8.00 AUSTRALIA'S FUNNIEST HOME VIDEO SHOW Features some of Australia's embarrassing and outrageous situations. PG R
8.30 FRIDAY NIGHT FOOTBALL
10.40 EMTV TOKSAVE
10.45 CHIN H MEEN SUPERSOUND NEW RELEASE
10.50 WALKER, TEXAS RANGER "Innocent Man"
11.50 NATIONAL EMTV NEWS REPLAY
00.17 MEDITATION
00.20 TRANSMISSION CLOSE

ABC

6.30 OPEN LEARNING
7.00 FIRST EDITION
7.30 OPEN LEARNING
8.00 OPEN LEARNING
8.30 SESAME STREET
9.25 THOMAS THE TANK ENGINE & FRIENDS
9.30 PLAY SCHOOL
10.00 HUNTER
10.20 TAKE A LOOK
10.30 RIGOLECOLE
10.40 MATHEMATICAL EYE
11.00 CONCEPTS IN SCIENCE
12.00 AFTERNOON PROGRAMS
12.00+ WORLD AT NOON
12.30 LATELINE
1.00 THE BILL
2.00 FOREIGN CORRESPONDENT
2.55 CONSUMING PASSIONS
3.00 SESAME STREET
3.55 BANANAS IN PYJAMAS
4.00 PLAYSCHOOL
4.30 THE BUSY WORLD OF RICHARD SCARRY
5.00 THE FERALS
5.25 BANANAMAN
5.30 PRESS GANG
6.00 DEGRASSI JUNIOR HIGH
6.30 GARDENING AUSTRALIA 7.00+ ABC NEWS
7.30+ THE 7.30 REPORT
8.00 WAITING FOR GOD G SPECIAL Pt 1
8.28+ NEWS UP-DATE
8.30 SEAFORTH M
9.20+ NEWS UP-DATE
9.25 BILLY CONNOLLY'S WORLD TOUR OF SCOTLAND M
10.20+ ABC NEWS - LATE EDITION
10.30+ ROY & H.G. PG
11.30 BOTTOM: BURGLARY "M" - 12.00 AUSTRALIA TELEVISION NEWS
12.30 RAGE SIMULCAST ON TRIPLE J (M)

QTV

4.30 A YEAR TO REMEMBER
5.00 GENERAL HOSPITAL PG CONTINUES THROUGH TO 6.00AM
6.00 SPORTS TONIGHT G
6.30 AEROBICS OZ STYLE G
7.00 CHEEZ TV G
8.30 MULLIGRUBS Rpt P
9.00 GOODMORNING AUSTRALIA
11.30 TEN NEWS
12.00 RICKI LAKE SHOW "I Know He's Cheating Because He's Cheating With Me" PG
1.00 BOLD AND THE BEAUTIFUL PG
1.30 DONAHUE PG
2.30 THE OPRAH WINFREY SHOW PG
3.30 EIGHT IS ENOUGH Rpt G
4.30 TOTALLY WILD C
5.00 TEN NEWS
6.00 ECHO POINT G
6.30 NEIGHBOURS S G
7.00 THE SIMPSONS
7.30 EARTH 2 PG
8.30 RUTH RENDELL: AN UNKINDNESS OF RAVENS Wexford thinks the disappearance of Rodney Williams is nothing mor serious than the case of a wayward husband, who has run off with another woman. But when his body is discovered, buried in a wood, he realises he has another murder case to solve. His subsequent investigations reveals some painful truths about the victims amazing double life and, Wexford finally discovers the truth behind Williams agonising death, he uncovers the most sinister ofm motives for the victim's cruelly staged murder.
10.40 TEN NEWS
11.10 SPORTS TONIGHT
12.20 MIDNIGHT MOVIE: "OLD MAID" 1939 (B&W) G
2.00 INFOMERCIAL G
4.00 RETURN TO EDEN PG
5.00 BILL AND BILLY'S FUNKY FABLES

SARERE 26/8

EMTV

12.00 PROGRAM HIGHLIGHTS G
12.27 TRANSMISSION OPEN G
12.30 MAGAZINE PROGRAMME - UK TODAY
1.00 WIDE WORLD OF SPORTS Sporting entertainment from Australia and around the world. G
5.00 BEYOND 2000 Reports on the latest science and technology from around the world G
5.55 CHIN H MEEN SUPERSOUND NEW RELEASE
6.00 NATIONAL EMTV NEWS G
6.30 HEY HEY IT'S SATURDAY with Daryl Somers and the gang of merry men. G
8.30 NCDC NEWS NCDC News from around the city. G
8.50 EMTV TOK SAVE
8.55 CHIN H MEEN SUPERSOUND NEW RELEASE G
9.00 WOPA WORLD CHAMPIONSHIP WRESTLING Features World championships wrestling including glittering array of talent such as Ric Flair, Sting, the Nasty Boys, Mean Gene, Okerlund and Bobby "The Brian" Heenan, and the return of Hulk Hogan. G
10.00 GILLETTE
10.30 MARRIED WITH CHILDREN
11.00 GOLDEN GIRLS
11.30 NATIONAL EMTV NEWS REPLAY
11.57 MEDITATION
00.00 TRANSMISSION CLOSE

ABC

12.00 MORNING PROGRAMS
12.30 RAGE SIMULCAST ON TRIPLE J (M)
8.00 THE BOTTOM LINE A round up of the week's events in business with interviews and field reports reflecting the previous week's activities.
9.00 OPEN LEARNING
9.30 OPEN LEARNING
10.30 OPEN LEARNING
11.00 OPEN LEARNING
11.30 GARDENING AUSTRALIA G
12.00 AFTERNOON PROGRAMS
12.00 MIDDAY MOVIE: A PLACE OF ONE'S OWN (B&W) "G" In Edwardian times, an old house is taken over by an elderly couple, and their young companion is possessed by the spirit of a murdered girl.
1.30 BUSH TUCKER MAN: DOOMADGEE RPT
2.05 RUGBY LEAGUE PREVIEW
2.30 SATURDAY LEAGUE 1995
4.30+ SPORTS NEWS 1995
4.45 SCHOOL SPORT 1995
5.00 BASKETBALL WOMEN'S NATIONAL LEAGUE 1995
6.30 VICTORY AT SEA: Fate Of Europe (G)
7.00 ABC NEWS G
7.30 PRIVATE LIVES OF PLANTS: "FLOWERING" G
8.25 ABC NEWS
8.30 THE BILL: "No Marks/Sweetness & Light" Meadows and Crier try to unlock the silence of a little boy. A young nuisance on a scrambling bike is nearly decapitated. Who's to blame? PG
9.20+ ABC NEWS
9.30 THE CLIVE JAMES SHOW 1995 G
10.20 THE SOVIET WIVES AFFAIR: The story of love thwarted by Stalin and the cold callousness of British & U.S. governments. G
12.12 MGM: WHEN THE LION ROARS G MGM's kingdom flourishes and takes on its biggest challenge with the coming of sound.

QTV

6.00 BUYERS GUIDE G
7.00 WHERE IN THE WORLD IS CARMEN SAN DIEGO G
7.30 THE TICK G
8.00 REN AND STIMPY G
8.30 HOOPS TV Exciting kids basketball show on location around Australia G
9.00 BUYERS GUIDE G
9.30 CHRIS CONROY'S LEISURE-WORLD G
10.00 MUSIC WORKS G
10.30 VIDEO HITS
11.00 NBA GAME OF THE WEEK G
12.00 MIDDAY MOVIE: FANTASTIC VOYAGE (1966) A famous scientist is rescued from behind the Iron Curtain, is so severely wounded by enemy agents that surgery is impossible. The Combined Miniature Deterrent Forces, a super-secret organisation, is called in to shrink men and equipment to microbe size so they can work from inside the scientist's brain to repair the injury. G
2.00 TEN SPORT - SATURDAY BASKETBALL Mitsubishi Challenge. G
4.00 ECHO POINT Rpt G
5.00 TEN NEWS G
6.30 BEYOND 2000 G
6.30 YOUR MONEY AND YOUR LIFE G
7.00 BEHIND THE WHEEL G
7.30 UNSOLVED MYSTERIES G PG
8.30 MURDER SHE WROTE: A KILLING IN VEGAS Jessica is in Las Vegas to promote her new book and is staying at McSorley's Hotel and Casino. Her publisher, Ted Hartley's daughter, Susan, is working there to put herself through college but Ted is concerned that Susan is too serious about her boyfriend, a bickjack dealer named Eddie Wheaton.
9.30 THE COSBY MYSTERIES: GOLDILOCKS
10.30 TEN NEWS
11.00 SPORTS TONIGHT
11.30 DREAM ON
12.00 LAND OF THE LOST
1.00 TWIN PEAKS
2.00 INFOMERCIAL
4.00 BLUE SKIES PG
4.30 THE KEY OF DAVID G CONTINUES THROUGH TO 6.00AM

Note: Programmes are subject to change without notice

SANDE 27/8

EMTV

7.13 PROGRAM HIGHLIGHTS
7.47 TRANSMISSION OPEN
7.49 CHIT CHAT WITH SIR PAULIAS MATANE G
7.54 EMTV TOKSAVE
7.57 CHIN H MEEN SUPERSOUND NEW RELEASE
8.00 BUSINESS SUNDAY
11.00 SUNDAY SCOREBOARD WIDE WORLD OF SPORTS PRESENTS SUNDAY SCOREBOARD Hosted by Ian "The Bear" Maurice and Eddie McGuire.
12.00 THE FOOTY CHOW G Wide World Of Sports presents the Footy Show hosted by Paul Vautin for a look at the weekend football matches.
1.00 GOLF SHOW G
1.30 SUNDAY DISNEY MOVIE: JUST IN CASE G The ghost of a private investigator hires a beautiful young woman to help him solve his own murder.
3.00 BONANZA: SAGA OF SQUAW CHARLIE
4.00 SPORTS SUNDAY
5.55 CHIN H MEEN SUPERSOUND NEW RELEASE
6.00 NATIONAL EMTV NEWS
6.30 SUNDAY NIGHT FOOTBALL G
7.30 60 MINUTES:
8.30 SING WITH JOY G
9.00 SUNDAY NIGHT MOVIE: LOOK WHO'S TALKING (1987) COMEDY Hilarious comedy, stars: John Travolta, Kirstie Alley.
10.55 CHIT CHAT WITH SIR PAULIAS MATANE
11.00 RELIGIOUS TELEVISION ASSOCIATION: CHURCHES MAGAZINE
11.30 NATIONAL EMTV NEWS REPLAY
11.57 MEDITATION
1.27 MEDITATION
00.00 TRANSMISSION CLOSE

ABC

12.50 RAGE SIMULCAST ON TRIPLE J (M)
12.00 MORNING PROGRAMS
12.50 RAGE SIMULCAST ON TRIPLE J "M" cont'd
8.00 COUCH POTATO WITH GRANT PIRO
8.02 LIFT OFF
8.30 GHOSTWRITER
9.00 WISDOM OF THE GNOMES
9.25 ARE YOU AFRAID OF THE DARK?
9.50 SUPERTED (Rpt)
10.00 RUGBY LEAGUE 1995 HIGHLIGHTS: 1ST SEMI FINALS
11.00 SONGS OF PRAISE
11.35 SONGS OF PRAISE, WORDS OF HOPE
12.00 AFTERNOON PROGRAMS
12.00 LANDLINE SPECIAL
1.30 SUNDAY AFTERNOON WITH MARY DELAHUNTY
1.32 MOJO WORKING
1.55 PALETTES: IPOUSSIN - THE FOUR SEASONS
2.25 MARY DELAHUNTY WITH 2.35 BEYOND IMAGING: MARGARET ANDERSON AND THE LITTLE REVIEW
3.05 MARY DELAHUNTY WITH PAMELA RABE, ACTOR
3.10 STRINGS, BOWS AND BELLOWS: UNINTERRUPTED RESTS
3.30 SEVEN DEADLY SINS - DANCE: GLUTTONY: SYDNEY DANCE CO.
3.35 THE INLAND SEA
4.30 BOOKCHAT MAGAZINE:
5.00 NANCY ASTOR: The First Lady "G" RPT
6.00 A MOST REMARKABLE PLANET (G)
6.50 CONSUMING PASSIONS
7.00 ABC NEWS
7.30 PIE IN THE SKY PG
8.25 ABC NEWS
8.30 TRUE STORIES: THE BODY SHOP PG A rare glimpse of a world many of us will never know. The film shows daily life in a cosmetic surgery hospital on consultation day, and follows four patients from check-in to departure. The program destroys the myths about the kind of people who have cosmetic surgery and their reasons for wanting it.
9.30 TEARS BEFORE BEDTIME PG PREMIERE
10.20 COMPASS:
11.10 BRISBANE PREMIER LEAGUE 1995 HIGHLIGHTS:
12.00 A YEAR IN PROVENCE G
12.30 GREAT CRIMES AND TRIALS OF THE TWENTIETH CENTURY: THE JONESTOWN MASSACRE G RPT
1.00 STRATHBLAIR: Coming To Terms G
2.00 MOVIE: RELUCTANT WIDOW "PG" (B&W) (1950) During the Napoleonic wars, a governess is co-opted as a spy. From the novel by Georgette Heyer.

QTV

5.00 HOUR OF HOPE
6.00 MASS FOR YOU AT HOME
6.30 BUYERS GUIDE
7.00 OWL TV C
7.30 TOTALLY WILD C
8.00 DOUG C
8.30 BREAKMAN'S WORLD C
9.00 VIDEO HITS G
11.00 RADIANT LIVING G
11.30 M*A*S*H
12.00 BASKETBALL ACTION G
1.00 BLUE WATER DREAMING
2.00 EXTERMIST SPORT
3.00 SUNDAY BASKETBALL G Including Mitsubishi Challenge
4.00 ECHO POINT G
5.00 TEN NEWS
5.30 HEARTBREAK HIGH G
6.30 BAYWATCH G
7.30 BEVERLY HILLS 90210
8.30 MOVIE OF THE WEEK: "SINGLE WHITE FEMALE" Hedy Carlson appears at Allie Jones apartment when Allie is at her neediest - her unfaithful boyfriend, Sam, has move out. She is terrified of being alone, and Hedy seems to understand perfectly. The new found relationship is a lifesaver for Allie and a lifeline for the shy Hedy, but when Allie makes up with Sam, things change between the girls. Allie begins to feel uncomfortable as she finds out who Hedy really is. Dangerous or not, a deal is a deal, spoken or unspoken - it drives both women to their most primal extremes from which only one can emerge. M
10.40 TEN NEWS
11.10 SPORTS TONIGHT
11.40 MEET THE PRESS
12.10 MOVIE: "THE BOY IN BLUE" This drama depicts the real-life 19th century Canadian rowing champ, Hed Hanlan, from his faithful manager to his "unattainable" love interest.
2.00 INFOMERCIAL
4.00 HEAVEN HELP US

Sasaura pipel kukim tambu man



DISPELA stori tumbuna i stori long wanpela boi em ol manmeri long ples Sasaura long Kainantu, Isten hailans provins i holimpasim na kukim insait long haus. Bikos em i save go na lukstil long ol yangpela meri insait long haus lain bilong ol.

Boi ya i bilong narapela ples i stap klostu long ples Sasaura. Stori ya i go olsem:

Bipo bipo tru long taim bilong tumbuna, i gat wanpela yangpela kum katim meri i stap. Meri ya i save stap wantaim liklik brata bilong em tasol.

Bikos papamama bilong tupela i bin dai taim tupela i liklik yet. Papamama i painim birua long taim ples bilong tupela i pait egensim ol paitman bilong narapela ples.

Meri wantaim brata bilong em i save stap gut tru. Tupela i no save gros namel long tupela yet. Tupela save painim kaikai long strong bilong tupela tasol.

Meri ya i stap i go na i gat laik long wanpela yangpela man bilong ples Sasaura. Tupela pren i go na em i maritim dispela man. Na i go stap wantaim man long ples bilong em. Em krai nogut tru long liklik



brata na lusim liklik brata i go.

Liklik brata i stap bilong em yet. Dispela taim em i bikpela man pinis. Na i gat liklik strong long painim kaikai na abus bilong em yet. Olgeta taim em i save raun i go long ples Sasaura long lukim susa bilong em. Dispela ples i gat planti kum katim meri husat i save slip long wanpela haus lain.

Wanpela de man ya i go raun long ples Sasaura long lukim susa bilong em. Em stori wantaim susa na tambu i go na tudak. Em i laik go bek long ples tasol tudak pinis. Olsem na dispela nait em i slip wantaim susa na tambu.

Long san em i lukim ol meri pinis. Olsem na em i wetim olgeta manmeri i slip pinis na isi tasol em i go long haus lain bilong ol meri. Em i go antap, opim dua and lewa bilong em i pas olgeta.

Em lukim nil kapok o susu bilong ol meri i sanap narakain stret. Em ron i go wanpela meri husat i slip klostu long dua. Tasol ol meri i lukim em pinis na singaut. Bagaros nogut i kalap i go ausait na ranawe i go bek long ples bilong em.

Narapela nait em i mekim wankain pasin. Tasol ol meri i singautim ol papamama wantaim brata i kam na ronim em. Lek bilong em i pas stret long as na em ranawe i go bek long ples.

Narapela de olgeta papamama i kibung. Na redim toktok bilong holim pasim dispela man. Ol i no save yet olsem man ya em susa bilong em i marit long ol. Trangu susa na man bilong em i no save olsem brata ya i save mekim dispela pasin nogut.

Ol kibung i tok na ol man i tok, "Em wanem kain man tru. Sapos nau nait em i kam yet orait yupela olgeta i

mas kirap hariap na kam sanap long dua bilong haus. "Yupela singaut bai mipela i kam opim dua na rausim yupela i go ausait. Na mipela bai kukim em wantaim haus." Ol i stretim pinis olgeta toktok na redi tasol long nait. Dispela nait nogat samting i bin kamap.

Orait long narapela de man ya i go bek long lukim susa. Em stori wantaim ol i go na tudak. Em tok gutnait long susa wantaim man bilong em na wokabout i go bek long ples bilong em. Tasol long hap rot em tanim na wokabout isi isi i go bek long ples Sasaura.

Taim em i kamap long ples em planti manmeri i slip pinis. Ol yangpela meri tasol i no slip yet. Ol stori na mekim fani nabaut i stap. Bagaros nogut i go na opim dua bilong haus. Em wokabout i go insait na ol meri i lukim em pinis.

Isi tasol olgeta i kirap singaut na ranawe i go

long dua. Ol ranawe i go ausait long haus. Na ol papamama wantaim brata ron i kam wantaim paia na pasim dua bilong haus.

Trangu man ya i stap insait long haus na ol i kukim paia. Em painim hat long ranawe na singautim nem bilong bikpela susa. Susa bilong em i harim na i save pinis olsem brata tasol i save mekim dispela. Em singaut na krai wantaim long ol i stapim paia. Tasol paia i bikpela pinis na liklik brata i dai insait.

Em tasol stori tumbuna bilong mi.

Maru Jim KAINANTU

TOKSAVE

Sapos yu gat tumbuna stori we yu laikim i kamap long niuspepa, salim i kam long dispela adres: Stori Tumbuna

Wantok Niuspepa, PO Box 1982, Boroko, National Capital District.



Wanpela taim sampela yangpela meri Samarai i waswas long wara i stap. Na Kanage i kam sanap antap long het bilong wara na i lukim pinis. Nau em i painim tingting i go na em kisim wanpela sel bilong drai kokonas na putim long het bilong em na drip long wara i go daun. Wara i karim Kanage i kam na Kanage i amamas tru long lukim olgeta samting. Tasol i no longtaim, strong bilong wara i wok long pulim em i go daun. Kanage i pilim olsem wara bai karim em go daun olsem na em taitim bun insait long wara na tromoi han lek bilong em long mekim em i stap long wanpela hap tasol.

Wanpela yangpela meri Samarai i slip arere long wasan na i lukim olsem dispela sel bilong kokonas i no bihainim ron bilong wara. Olsem na em kwiktai singaut long ol arapela meri long wara.

"Madi, I can see a husky, swimming against the currentee".

Taim olgeta meri i kam antap na i laik sekim, tuleit; sel bilong kokonas i drip long wara na i go daun pinis.

Dabol Bond MOSBI

Pikinini bilong Kanage i save kolim kodiel long sotpela nem. Em i save tok ko. Olgeta taim em laik dring kodiel bai em i tok mi laik dring ko. Wanpela taim tupela i stap long haus na Kanage i kilim skin long wokim sel pis. Na pikinini i wok long pilai ausait long sans.

Pikinini i pilai i go na nek bilong em drai nogut tru na em tekov i go long haus na askim Kanage. Papa, mi laikim ko, papa mi laikim ko. Em toktok na bikmaus na mekim planti noi wantaim na Kanage i no amamas tru.

Yu save Kanage i mekim bikpela wok tru na taim pikinini i kam mekim nois long em, bel bilong em i kaskas stret na em bikmaus long pikinini. "Yu pasim maus bilong yu na traim go askim mama bilong yu long ka".

Yu save, Kanage i no wanpela gutpela papa. Kops Soul KAVIENG

Wanpela pren bilong Kanage long Finsafen i bin dai na Kanage i go long lukim em.

Wanpela sait lek bilong daiman ya i no inap go stret. Lek bilong em krukut na i mekim hat long ol famili bilong em long putim em i go insait long bokis. Olsem na ol wantok na famili i stat long autim ol tingting na hevi bilong ol we ol i ting i mekim na man ya i no inap long stretim lek bilong em gut long go insait long bokis.

Mekim i go na Kanage i go kamap na askim ol lain long larim em i toktok long bodi bilong poroman bilong em. Em i tok sapos lek bilong daiman ya i muv, ol i mas hariap long tromoi em i go insait long bokis.

Kanage kisim hap mutrus bilong em na giaman slekim masis long laitim smok. Tasol em subim masis i go klostu long sem bilong daiman ya na wantu lek bilong man ya i pundaun i go stret. Kwiktai tupela man ya i apim em na subim em i go insait long bokis na nilim ai bilong bokis wantaim na pasim olgeta wok.

Songang P3 LAE

Wanpela taim Kanage wantaim gelpren bilong em i go danis long ples Gasmata long Arowe. Musik bilong Gasmata Vaibresen i mekim ples i paia na Kanage wantaim gelpren bilong em i no westim taim. Tupela go namel tasol na stat long disko. I no longtaim na wanpela man i holim as bilong gelpren bilong Kanage na em i singaut. Kanage belhat na bikmaus long tok Inglis.

"Atus Rocket, The trobel is kamap there! We is the Kanai sikiriti there". Ol laini stap klostu i harim na ol i lap long Kanage. Olsem na Kanage kirap na joinim gen.

"Hey Dont lap There! I dont Do the Form Four There, I Cut The Banana There, The Tiksa The Rausim Mi There". Olgeta manmeri bagarap long lap na Kanage kisim taim olgeta.

Boi wari bikos em pinisim skul tasol na nogat wok



Dia LAIPLAIN,

Mi pinisim hai skul long nau tasol wantaim ol gutpela mak. Tasol nau mi no inap kisim wanpela wok.

Mi no laik stap nating na tingting long mekim ol raskol pasin olsem pilai laki o smokim spak brus.

PAINIM WOK

Dia PREN,

I gat planti yangpela manmeri husat i bungim wankain hevi olsem yu. Ol skul i kamapim planti gred 10 na 12 studen wantaim inap save. Tasol ikonomi i no gro hariap long kamapim inap wok bilong dispela ol yangpela manmeri.

Dispela i mekim belhat long ol lain husat i no inap kisim wok o moa skul na save. Na planti taim, ol kain pipel bai go insait long raskol pasin.

Em bai hat long mipela givim yu ol gutpela tingting. Bikos yu no givim mipela inap stori long yu yet, famili

bilong yu, wanem hap yu kam, wanem kain skul yu pinisim na kain olsem.

Tasol mipela ken tokim yu long traim kirapim sampela liklik bisnis olsem bilong lukautim ol kakaruk o planim kaikai long gaden. Yu ken wokbung wantaim ol arapela yangpela husat i bungim wankain hevi olsem yu.

Long narapela sait, mipela laik toktok long spiritual laip bilong yu. Olsem ol Kristen, mipela long Laipplain save olsem God i gat plen long wanwan man bilong graun em i kamapim. Long ekspiriens bilong mipela, ol hepi lain long graun em ol lain husat i painimaut wanem samt-

ing God i laikim ol long wokim. Dispela em i no isi samting long mekim. Olsem na yu mas tingting planti na pre oltaim.

Long mipela, em i luk olsem yu no tingting long wanem wok God papa laikim yu long mekim. Olsem na yu wok long paul long wok bilong mekim. Sapos dispela i tru, mipela askim yu long tingting na pre askim God long soim wok bilong yu. Sapos yu painimaut, bai yu painim olsem yu hepi tru long laip bilong yu.

Long givim gutpela helpim long yu, mipela askim yu long ritim Baibel. Ritim ol gospel na Nupela Testamen. Mipela askim yu tu long toktok wantaim wanpela pasto, na kisim

skul o tingting bilong em.

Mipela askim yu tu long joinim wanpela yut felosip grup long wanpela Kristen lotu, sapos yu no memba bilong wanpela sios. Yu bai kisim gutpela helpim long autim wari na tingting bilong yu i go long arapela memba bilong grup, husat i gat wankain hevi olsem yu.

Long dispela we, bai yu gat sans long wok wantaim ol pipel bilong komyuniti bilong yu. Na bai yu lainim moa long ol samting i stap klostu long yu. Na interes o laik bilong yu long wok bilong ol arapela bai gro.

LAIPLAIN

TOKSAVE

Sapos yu gat hevi, rait i kam long LAIPLAIN, Box 6047, Boroko, o ringim mipela long telipon namba 326-0011. Taim yu rait long mipela, plis putim nem na adres bilong yu. Mipela no inap salim bekim bilong yu inap yu givim mipela stretpela nem na adres. Ol trupela hevi bai mipela autim long dispela pes long niuspepa. Tasol mipela i no inap autim nem na adres bilong yu.



Big Bro **REBO**



Spak **MAIK**



Woksop skulim pipel long bagarap bilong loging na maining

Wanem samting em gupela long bihainim developmen? Ansa bilong dispela i bin kamap long wanpela woksop ol Pasifik Heritets Faundesin i bin holim long 26-29 Jun long Is Nu Briten provins. Moa long 50 manmeri i bin go stap long dispela woksop. Het tok bilong dispela woksop em "Wanem Rot bilong Developmen Woksop".

Dispela woksop i bin soim olsem ol wok bilong katim timba i save bagarapim arapela samting olsem diwai, graun na ol wara. Max Henderson, Dairekta bilong Pasifik Heritets Faundesin i tokaut long dispela taim em i opim dispela woksop.

Dispela woksop long Sonoma Edventis Koles long Is Nu Briten provins i pulim ol manmeri i kam long Lae, Madang, Mosbi na Rabaul. Ol i tok i gat planti samting ol i ken mekim long bus bilong ol.

Dispela woksop i bin soim ol kain samting bilong bus we ol i ken yusim na mekim wok long en. Ol samting olsem bataflai, galip, ol liklik binatang bilong bus na ol bus marasin wantaim ol timba.

Wanpela bikman bilong Wes Nu Briten provins, Niba Apisai i tok em i no save sindaun long kain woksop olsem. Nau em i lainim planti gupela samting long dispela woksop na em bai i go bek long ples na skulim ol lain bilong em. Em bai tokim ol long kain bagarap we ol timba kampani na maining kampani i ken kamapim long bus na wara bilong ol.

Ol lain husat i bin kamap long skulim ol manmeri long dispela woksop em; Simon na Linda Pasingan bilong Is Nu Briten Sosel Eksen Komiti (ENBSAC), Patrick Haricknan na Michael Kiwuram bilong ICRAFT, Alfred Mungai bilong Nu Ailan Envaromen Monitaring na Awenes Komiti (NIEMAC) na Roy nanguai na Hais Wassel bilong Kristensen Rises Institut (CRI).

Jimi pipel kisim taim long rot

JAMES SAKUL i raitim

Ol Jimi pipel long westen Hailens provins i laikim mentenens long rot bilong ol. Ol i tok ol i gat wanpela rot tasol na ol i save yusim dispela rot

tasol long i go i kam. Dispela rot em Jimi Bans rot.

Ol i tok taim graun i bruk na blokim rot o wara karim bris, i save gat planti hevi i kamap. Ol i save kisim hevi long wanen olgeta sevis i save kam long dispela rot tasol. Ol i tok bipo ol liklik balus i save kam pundaun long Kol, Tabibuga na Koinabe long karim man na kago. Tasol nau ol manmeri i save yusim ka long wokim dispela kain wok.

Ol gavman dipatmen na misin i save yusim dispela rot tu long karim aut ol sevis bilong ol.

Long stat bilong dispela yia, bikpela ren tru i pundaun na bagarapim planti hap bilong Jimi rot. Dispela i bin stap moa long 4-pela mun bihain long ol i stretim. Na ol pipel i stap bak-sait long we graun i bruk i kisim taim stret.

Wanpela lida bilong ples Olna i tok dispela em bikpela wari stret bilong ol. Long wanem taim wanpela hap bilong rot i bagarap, ol i save kisim taim stret. Dispela lida bilong ples i kamap long Bans long Fraide las wik long tokim Wantok nius long hevi bilong ol pipol bilong em.

Em i tok moa olsem ol gavman i sot long mani bilong lukautim rot. Olsem na em i lusim hap tok long memba bilong Jimi, Kimb Tai olsem sapos em i tingting gut em i ken yusim bikpela hap bilong EDF long stretim rot. Na maski long baim vot na baim ka long distrik na kaunsil.

Em i tok Mista Tai i mas stretim dispela rot long wanem em wanpela rot tasol. Na tu em i laip tru bilong ol pipel bilong Jimi.

Ol mama laikim bias mas pinis long Wau

ARI GUH DANDEE i raitim

OL MAMA bilong Wau long wanpela bikpela miting bilong ol i mekim na pasim toktok pinis long stopim bia insait long dispela distrik bilong Morobe Provins.

Ol i pasim dispela toktok bihainim wanpela bikpela miting bilong ol em Siameri bilong Provinsel Wimens Kaunsol Misis Galiki Mesa wantaim ol eksekutiv bilong em i kamap long bungim ol long wok insait long provins.

Ol mama bilong Wau i bin sapotim dispela tingting na singaut strong tru long ol i mas pasim bia long Wau. Ol mama i mekim dispela long wanem planti i save tok olsem ol i nogat gupela sindaun wantaim man bilong ol na femeli.

Wanpela maus meri bilong ol mama long Wau Misis Gibson i tok em bai amamas tru sapos ol i pasim bia long Wau long wanem em wantaim ol pikinini i no save stap gut tru taim bia i stap.

Em i tok i no em wan i gat dispela hevi tasol planti i gat dispela kain hevi na sapos ol i traim long stopim bia ating sindaun bai gupela. Bia em ol i tok wanpela samting i save kamapim planti hevi na ol man i save lusim ol meri na pikinini.

Narapela mama gen i tok olsem em i save painim hat tru long lukautim 8-pela pikinini bilong em long wanem man bilong em i save spak tumas na westim mani bilong lukautim femeli.

Planti ol papa i save wok tasol ol i no save tingim femeli bilong ol long wanem ol i save drink bia tumas na ol mama i save traim hat tru long maket na lukautim ol pikinini.

Long dispela as tasol na ol mama i pasim wanpela strongpela tingting tru long pasim bia long Wau Distrik na askim pinis gavaman bilong Jerry Nalau long luksave long dispela as tingting bilong ol mama na wanem kain hevi i save kamap taim man bilong ol i drink bia.

Mesa i tok olsem em i pait hat tru na bai putim bikpela presa long lukim olsem ol i mas stopim bia.

PPC bung laikim ol kristen long welkamim yia 2000

BUNG bilong Pasifik Kaunsil bilong ol Sios (PCC) wantaim ol intenesenel patna na tu ol memba bilong Wol Kaunsil bilong ol Sios ibin bung long Jiniva, Swiselan.

Dispela em namba tri raun teboi konprens bilong PPC. Long bung ya ol bin lukluk long ol wok progres bilong ol progrem we ol bin kirapim bihain long 1992 PPC bung.

Orait, sampela long ol bikpela samting we ol bin diskasim long dispela bung em long ol sios long Pasifik long wok bung wantaim na mekim wok bilong autim gutnius. Na tu long lukim olsem inogat ol nuklia tes ool bikpela kantri ino dampim ol pipia

long ol samting bilong pait long solwara bilong Saut Pasifik. Ol bin tokaut tu olsem ol i egensim pasin we sampela bikpela ovasis kampani i mekim long kam insait long ol liklik Pasifik kantri, yusim krangi ol risosis long mekim kwik mani na pinisim ol risosis bilong ol. Wanpela visen bilong Bisop Jaybez Bryce, siaman bilong stending komiti wantaim PCC we em bin serim long dispela bung em long ol kristen pipel long Saut Pasifik i nil daun wantaim na kisim komyunio long welkamim kamap bilong yia 2000. Dispela em long taim san i kamap long Janueri 1 long yia 2000.

USA bisop amamas long wok bilong Yunaited sios long PNG

VERONICA HATUTASI i raitim

WANPELA Yunaitet Sios bisop bilong Yunaitet Stets ov Amerika i amamas long lukim wok bilong sios na misin i go gut tasol insait long Papua Niugini.

Reveren Bisop Donald Ott wantaim meri bilong em Janet Ott ibin wokim tripela de lukluk raun bilong ol i kam long PNG na Solomon Ailans, stat yet long Ogas 10 igo inap long-de namba 13. Dispela em long lukim ol Yunaitet Sios kongrikensen memba bilong tupela kantri na long ekspiriansim, lainim na serim bilip long God na kain sindaun we ol sios memba i gat long dispela sait bilong graun.

Orait, long taim Bisop i kamap long Mosbi long Ogas 10, Modereta bilong Yunaitet Sios long PNG na Solomon Ailans na ol lain bilong Eben Seket ibin welkamim em. Na long nait, kongrikensen bilong ples Pari ausait tasol long Mosbi siti ibin welkamim em na meri bilong em.

Long narapela de Ogas 12, Bisop Ott na meri bilong em ibin go long Rabaul long lukim wanwok bilong em na ol wok manmeri bilong sios. Bisop na meri bilong em bin nap tu long lukim planti hap we maunten paia i bagarapim las yia.

Long Ogas 12, Bisop ibin lukluk raun long ol wan wan kongrikensen insait long Eben Seket.

Long Waigani seket, bisop ibin kaikai ians na bihain toktok wantaim long kongrigesen long as bilong wokabaut bilong em ikam long PNG na wok bilong em long Yunaitet Stets olsem bisop. Long Vabukori Seket em bin dina wantaim kongrikensen na toktok long ol samting we i karamapim sios na wok bilong bisop na tu bisop i bekim ol askim we ol kongrigesen i putim i go long em. Wankain samting i kamap long Poreporena Seket we ol pipel ibin serim na bekim ol askim bilong ol sios memba.

Long Sande Ogas 13, Bisop Ott ibin stap long wanpela sios sevis long Gerehu Yunaitet Sios we em bin autim tok bilong God long kongrikensen. Bihain long raun bilong em insait long PNG, em bin skruim wokabaut bilong em i go long Solomon Ailans.

Bisop i tok wokabaut bilong em i kam long PNG em i gupela bikos em bin gat sans long lukim long ai bilong em yet wok bilong sios na tu kisim kliapela aida long em. Dispela, em i tok, i givim andas-tending long wok bilong sios hia na tu hau ol pipel bilong God i stap long dispela sait bilong wol.

TOTAL CONCEPT

LOUNGE
SIA

PLENTI

SIA

TABOL

RELOKESEN

LAP LAP

SPESOL

OL SIA NA TEBOL
BILONG OPIS



SIA BILONG SIDAUN
NA KAIKAI K39

BET



SIA BILONG
TAIPIS K92

OPIS BILONG MIPELA I STAP
LONG TOTAL HARDWARE HAUS
KLINKI STREET, LONG WAIGANI DRIVE
(KLOSTU LONG PNGBC)

Total
concept
TOTAL FURNITURE

Haus sik fi dia tumas

Dia Edita,

Mi wanpela grasrut na mi laik komplem long haus sik fi we i go antap nau long olgeta hap bilong kantri.

Mipela ol grasrut lain i no wanbel tru long haus sik fi we i go antap nau long K2 na K10. Pastaim mipela i save baim 50 toea fi tasol long ol etpos, helt senta na haus sik bipo long mipela i kisim marasin na tritmen.

Pastaim long ol etpos, mipela i save kisim fri tritmen tasol long nau, mipela i peim 50 toea na K1.

Mi laik tok olsem dispela ol nupela rot long apim haus sik fi em i orait long ol politisen bikos

em ol tasol i bin oraitim dispela lo long go het. I luk olsem husat ol politisen i oraitim dispela lo em ol i bikpela long taun.

Mi laik askim ol dispela lain sapos ol i gat ol papamama, hauslain, ol brata na susa o nogat.

I luk olsem ol taim ol lain ya i kamap olsem ol palamen memba ol i lukautim interes bilong ol yet. na ol i lus tingting long ol pipel insait long ol ilektret husat i bin sapotim ol long kisim dispela posisien.

Watpo na mipela ol grasrut lain bai i mas peim dabel takis o kisim taim nogut long ol hevi we yupela yet ol gavman lain i kamapim. I gutpela moa sapos

yupela ol nesenel memba i kam long ples na wokim ol awenes kempein long dispela samting na tu kisim ol tingting bilong ol pipel. Nau yupela i mekim mipela ol grasrut pipel i kisim hevi moa yet taim yupela i apim haus sik fi wantaim nogat gutpela toktok long ol grasrut bipo. Dispela kain senis i givim moa pen na hevi antap long ol grasrut manmeri long ples.

Em tasol komplem bilong mi na husat arapela i laik sapot o egesim em laik tasol long raitim long Wantok na mi ken lukim tu.

**Lailoxs Sayafa,
Bena
Goroka**

Reks Ben katim lewa stret

Dia Edita,

Mi bekim pas bilong brata Maigo Kangrama we i bin kamap long Wantok Niuspepa long Julai 6.

Mi laik mekim klia tingting bilong brata ya olsem dispela singsing "Yausaganaema" ino singsing bilong Reks Ben. Nogat ya. Em i wanpela singsing bilong ol Sagu Kui Ben bilong Pindiu na i no bilong Reks Ben long Finsafen.

Brata Maigo, yu mas lukim na harim gut nem bilong ben pastaim na yu raitim komplem bilong yu i kam long niuspepa. Nogut yu toktok nating na yu no save wanem samting tru yu toktok long em. Na dispela i ken kamapim sampela hevi tu ya bikos yu bin kolim nating nem bilong Reks Ben. Orait, mi tokim yu gen noken bagarapim nating nem bilong Reks

Ben. Ben ya bai i mekim yu wari moa yet ya.

Dispela kain komplem ya i olsem pasin bilong ol jeles lain tasol husat i no save gat interes long kirapim musik bilong lokel Papua Niugini pipel stret.

Yu tok dispela singsing em tok nogut. Mi ting yu no save tu long tok ples. Olsem na mi askim yu long go bek long ples na lainim gut tokples. Nogut yu raun tasol long taun na tok pisin o Inglis i go i kam na yu bai paul long tok ples bilong yu.

Husat i gat sampela toktok long dispela, plis salim pas i kam tasol long Wantok Niuspepa na mi bai lukim.

**Vanessa Jayam
Lae
Morobe provins.**

Pasto Godfrey mas go bek long Sandaun

Dia Edita,

Mi laik sapotim pas bilong brata Onbaine Yolbutu i bin kamap long mun 13 Julai.

Brata i bin toktok long pasin pasto Godfrey Wippon i mekim long asples bilong em long Sandaun provins.

Mi yet i lukim tu olsem planti manmeri long ples bilong pasto Godfrey Wippon i givim beksait nau long pasin bilong lotu.

Ol i go bek long olupela pasin na i luk olsem ol i no gat was papa.

Pasto Godfrey i bin bringim dispela lotu bilong em, Revival sios i go long Lumi na Grin Riva na baptaisim planti manmeri tru we ol i tanim bel long kamap gutpela kristen manmeri.

Tasol nau, yu ken go bek long lukim olsem olgeta i go bek pinis long olupela pasin.


Taim mi askim ol long kam bek na lotu, ol i save tok mipela bai kisim bek pasin bilong ol tumbuna bilong mipela.

Mi askim pasto Godfrey Wippon long mekim sampela samting nau. Em yet i kam long senisim pasin bilong ol manmeri ya na bihain em tekov gen. Em i no kam bek long sekim ol na strongim ol long pasin bilong holim pas bilip bilong ol.

Mi askim pasto Godfrey long kam bek long Sandaun provins.

Em tasol na mi amamas long lukim bekim bilong ol arapela brata na susa.

**Delma Bara
SANDAUN**



Gavman yet mekim laip i go hat

Dia Edita,

Mi rait long autim wari bilong mi long sampela samting we mi lukim i kamapim hevi long laip na sindaun bilong mipela ol grasrut long dispela taim. Long dispela yia mipela i lukim olsem ol samting i senis olgeta. Pe bilong ol skul fi, kaikai na ol arapela samting moa long stoa i go antap tru. Long dispela mun, ol i apim pe bilong haus sik. Mi laik askim gavman olsem yupela i tingim tu ol pipel long ples husat i kisim taim stret long ol disisen bilong yupela ol politisen na ol bikman long gavman na palamen?. Gavman i ting ol disisen em i mekim i gutpela long ol pipel tasol nogat tru. Bikos em i no save askim laik na tingting bilong ol manmeri pastaim long em i mekim ol nupela lo na senis.

Sapos gavman em bilong ol pipel, em i mas pret long ol pipel bikos pipel yet i holim pawa bilong senisim gavman. Olsem na gavman i mas tingim laip na sindaun bilong ol pipel i go pas long wanem kain nupela lo o disisen ol i laik mekim. Nau mipela i ken lukim olsem gavman i mekim rong disisen pinis olsem na ol prais bilong kaikai na samting i go antap pinis. Nau i no isi long kisim wanpela samting long 20 toea. Laip i hat na hat nau. Husat moa i gat toktok long dispela samting, rait i kam tasol long Wantok Niuspepa na mi bai amamas tasol long lukim bekim bilong em.

**Felix Kaga
Mendi, Sauten Hailans provins.**

Soldia boi bai i stap yet long Bogenvil

Mi bekim pas bilong Brata Sosori Lasim bilong Buka Ailen we i bin kamap long Wantok Niuspepa bilong Julai 27. Mi tokim yu brata, yu no laik askim dispela strongpela het bilong yu bipo yu putim poin bilong yu long pepa. Long pas bilong nyu bin komplem long soldia long dring hombru na painim meri long Bogenvil. Na yu laikim gavman bai rausim ol soldia na polis fos tasol bai wok long Bogenvil. Ating brata Sosori, yu mas wanpela strongpela BRA. Na yu laik wok hait long Buka. Olsem na yu komplem long gavman mas rausim ol soldia boi.

Mi tokim yu sret, ol soldia boi i stap na hevi bilong Bogenvil i wok long go daun. Sapos yu laikim ol polis fos tasol long wok long Bogenvil, brata tomoro tasol bai BRA karamapim olgeta hap bilong Bogenvil. Na yu dispela man Sisori wantaim lain bilong yu bai singautim ol soldia long sevim baksait bilog yupela.

Mi laik tokim yu olsem yu wanpela man bilong wari stret long ol soldia i save bagarapim sindaun bilong susa na meri bilong yu. Mi tokim yu brata ol soldia i no longlong bilong yu bai ol i wokim nobaut long ol meri. Ol i save harim toktok olsem "retskin ya, sans ya". Olsem na ol i save bekim toktok bilong ol. Brata yu bin tok tu long ol soldia tasol kisim bagarap na ol polis nogat, mi laik tokim stret olsem yu stap gut, hamamasim yu yet wantaim meri bilong yu olsem na yu tromoi dispela hap tok long pepa. Ol soldia i kisim bagarap bikos em ol lain i no save pret liklik long go long fran lain long sevim laip bilong ol lain long Bogenvil na bringim mbek ol sevis.

Ol polis i no kisim bagarap long wanem ol i save silip, kirap, kaikai na wetim pei tasol long kemp. Brata Sisori yu mas hamamas tasol long putim poin bilong yu long pepa. Tasol yu no bin askim het bilong yu yet pastaim wanem samting bai kamap bihain taim.

**J. P. Andy Boy
Moem Bareks, Wiwek ESP**

- NEM:** Beatrice Pynne Woode
- KRISMAS:** 27 (meri)
- ADRES:** PO Box1245, Cape Coast, Ghana
- LAIKIM:** Raun, swim long wara na pilai spot
- NEM:** Victoria Mensah
- KRISMAS:** 25 (meri)
- ADRES:** PO Box1245, Cape Coast, Ghana
- LAIKIM:** Raun, waswas long wara na pilai spot.
- NEM:** John Tuki
- KRISMAS:** 19 (man)
- ADRES:** c/ Tuki, PO Box 110, Tabubil, Westen Provins.
- LAIKIM:** Harim redio nius, raun long kanu, kukim kaikai, pilai soka, ragbi, voblibal, go lotu na stori wantaim ol poroman.
- NEM:** Stanley James
- KRISMAS:** 20 (man)
- ADRES:** Bialla Town Store, PO Box 43, Bialla, WNB.
- LAIKIM:** Go lotu, helpim papamama, tok pilai na pilai spot.
- NEM:** Philip Mong
- KRISMAS:** 25 (man)
- ADRES:** c/HOPPL Management Social Club, PO Box 28, Popondetta, Oro Prov
- LAIKIM:** Ritim niuspepa, lukim vedio, mekim penpren, stori wantaim ol pren na mekim pren.
- NEM:** Aka Masie
- KRISMAS:** 16 (meri)
- ADRES:** Rintebe Comm School, PO Box 240, Goroka, Isten Hailans provins.
- LAIKIM:** Pilai spot olsem basketbal, soka na netbal, harim musik, gospel musik na tokpilai wantaim ol pren.
- NEM:** Jane Jackson
- KRISMAS:** 24 (meri)
- ADRES:** PO Box 267 Cape Coast, Ghana, W/A
- LAIKIM:** Harim musik, prenim man na slip long nambis hotel.
- NEM:** Esi Rockson
- KRISMAS:** 26 (meri)
- ADRES:** PO Box 267, Virgin Home Street, Oguaa, Ghana, W/A
- LAIKIM:** Marit, lukim piksa, harim musik, salim ol poto na presen.
- NEM:** Samuel Rot
- KRISMAS:** 14 (man)
- ADRES:** Mt Hagen High School, PO Box 380, Mt Hagen, WHP
- LAIKIM:** Pilai kibot musik na mekim pren wantaim ol arapela.
- NEM:** Wesley D. Seffey
- KRISMAS:** 18 (man)
- ADRES:** Wau Technical Training Centre, PO Box 165, Wau, Morobe Prov
- LAIKIM:** Pilai ragbi tas, soka, lukim TV, harim ol Reggae musik na go lotu.
- NEM:** Alben Adaote
- KRISMAS:** 20 (man)
- ADRES:** Wau Technical Training Centre, PO Box 165, Wau, Morobe Province.
- LAIKIM:** Go lotu, waswas long solwara na pilai soka.
- NEM:** Greg Paspolas
- KRISMAS:** 14 (man)
- ADRES:** Wau Technical Training Centre, PO Box 165, Wau Morobe Province.
- LAIKIM:** Pilai soka, tas, basketbal, harim musik na raitim pas.

Peter Yama mauswara tasol

Dia Edita

Mi laik toktok bekim pas na egesim Charles Loke, sekretari bilong Peter Yama long pas em i bin raitim long Wantok na kamp long Julai 6 wantaim Het tok: Sekim gut wok bilong Peter Yama. Charles Loke yu save olsem yu no wanpela man Sumkar na tu yu no rait man bilong stap long opis bilong Sumkar. I mas wanpela man Sumkar stret i stap long dispela opis bai i orait.

Ol toktok bilong Funng Kubai i no jeles toktok. Em ol trupela tok tasol. I tru olsem olupela memba bilong Sumkar i bin mekim planti wok kamap. Long taim bilong ileksen kempen bilong bai eleksen long 1982, Peter Yama i bin wokim planti giaman promis long ol manmeri. Olsem sapos em i winim dispela sit, bai em i presim baten na olgeta samting bai kamap. Na westap kaikai bilong ol promis bilong em. Ating em i save presim baten long ol wok bisnis bilong em yet wantaim ol femili bilong em.

Charles ol kar yu toktok long em ya, yu no lukim long ai bilong yu yet. Na yu toktok long em. Em ol seken han ka, wanpela open bek na i no

olsem ambalens tu. Inap long sikman kisim bikpela bagarap na dai wantaim. Na arapela em ol lain husait i wokim kempen i bin yusim na ol i bin kapsait long em. Na Peter Yama i kisim i kam stretim na givim long ol.

Hamas kar nau yu toktok long em i no halvim olgeta eria bilong Sumkar lektoret.

Charles yu no save kam raun long Sumkar eria i go antap long bus, i kam daun long nambis i go aut long ol bikpela ailan na go baksait long ol liklik ailan bilong Sumkar eria. Yu save tasol long Mosbi. Kaikai mani bilong Peter Yama na stap. Olsem na stap isi na noken toktok planti. Yu no sapos long rait. Tasol ating yu mas pret olsem Peter Yama i no givim yu mani olsem na yu raitim dispela pas.

Peter Yama i no wokim wanpela wok kamap long Sumkar yet. Tru olsem olupela memba bilong Sumkar i bin wokim rot. Na nau yet i nogat mani bilong stretim na pinisim hap wok bilong olupela memba nau bus i karamapim i stap.

**Consen
Bagbag Nui
Madang**

Putim kolta long Vanimo rot

Dia Edita,

Mi laik bai ol nesenel palamen memba bilong mipela long Sandaun i lukim pas ya na traim mekim sampela samting long stretim bikpela haiwe rot insait long provins. Orait, dispela rot we mi toktok long em i stat long Vanimo taun na yupela ol memba i klia long em.

Planti pipel i stap long sait bilong dispela rot na bikos em i karanas rot, em i save pulim bikpela das tumas. Long sait bilong helt, em i bagarapim dispela ol lain i stap arere na long sait bilong em. Ol kaikai bilong stoa na gaden wantaim i kisim bagarap, ol klos we ol pipel i wasim na hangamapim wantaim tu ol liklik bebi, pikinini na ol lapun husat i pulim das nogut we rot ya i kamapim.

Klostu nau bikpela rot bai i ron namel long Sandaun provins na Irian Jaya long hap sait bilong Indonesia bai i op. Mi askim ol bikman long Sandaun long noken pilai politiks tumas. Ol i mas wok bung wantaim wanpela arapela long kirapim na stretim gut dispela rot. Rot bai i kamap fit moa sapos ol i putim kolta antap long em. Planti hap bilong Papua Niugini i gat kolta i ron long ples bilong ol na mipela long Sandaun provins i nogat yet. Olsem na ol memba bilong mipela i mas toktok strong long kamapim dispela samting.

Em tasol wari bilong mi na husat arapela i laik sapotim em laik tasol.

**Philip Pais
Vanimo, Is Sepik provins.**

PS em nem bilong Pikinini Sepik

Dia Edita

Mi laik autim wari bilong mi bai olgeta PS i ken lukim. Mi bilong Sepik tasol nau mi stap long Madang.

Mi no hamamas long wanpela ben grup bilong Sentrol provins; ol i save kolim ol yet P.S.2. Mi no hamamas tumas long dispela nem.

Nem PS em nem bilong mipela ol mangi Sepik stret.

Sapos ol i laik kolim nem bilong ben, orait kolim stret nem Poroman Strenjas.

Yupela i kolim P.S.2 na mipela ol Sepik i no hamams long dispela nem. Long wanem mipela Sepik i gat nem olsem P.S. Duet i stap. Olsem na Yupela i mas rausim P.S.2 na putim stret Poroman strenjas.

Na tu yupela i bilasim stret keset wantaim nem P.S.

Mipela ol manki Sepik i no hamamas long dispela long wanem dispela nem em nem bilong mipela ol manki Sepik we mipela i sotim long tok Pikinini Sepik.

Na yupela i tok P.S.2 i no stret long tingting bilong mipela ol P.S. manki. Olsem na yupela mas rausim.

Em tasol wari bilong mi. Na yu husait PS manki laik sapatim na egensim em i orai tasol. Mi bai hamamas tasol long lukim long wantok niuspepa.

**Joachim Yawi
Foks siti
Madang**

Gavman givim moa hevi long ol pipel

Dia Edita,

Nau prais bilong olgeta samting long kantri i go antap tru. Dispela em long prais bilong kaikai, kolos na olgeta ol samting moa long stoa. Pe bilong haus sik, pe long trenspot na pe long ol kaikai long maket i go antap tu.

Maski ol man i wok na stap long siti o taun mipela olgeta i kisim taim nau. Moa yet mipela ol grasrut lain i kisim hevi moa bikos long dispela samting tasol.

Ol yangpela man husat i stap nating long ol setelmen long

arere bilong taun bai i go het yet long raskel pasin. Na bikos pe bilong haus sik i stap antap tumas long nau, planti man moa bai i dai bikos planti i nogat dispela kain mani long baim marasin na haus sik wantaim.

Ol man long ples i nogat gutpela maket long salim ol samting bilong ol

Olsem wanem, gavman i mekim sampela samting long helpim ol grasrut long ples tu o?

Mi ting olsem gavman i bihainim maus na laik bilong ol man

husat i holim ol bikpela wok long taun. Na i lus tingting long ol liklik pipel long ples. Mi ting tu olsem gavman i mas salim bikpela mani bilong PNG i go ausait long kantri long bekim ol dinau na olsem em i sot nau long mani. Na em bai kilim dai ol pipel tru bilong em.

Em tasol komplek bilong mi na husat arapela i laik bekim em laik tasol.

**Saipa Moses
Lae**

Pasta Wipon wokim gut wok

Dia Edita

Mi laik bekim pas bilong man ya Onbaine Yolbutu bilong Sandaun Provins. Pas bilong em i bin kamap long Wantok Niuspepa bilong Julai 13 we em i tok olsem "Pasta Wipon ronowe long ol pipol" Dispela brata mi no save em i bilong Sandaun o wanem hap tru. Long wanem Pasta Godfrey Wipon em i gat biknem long Sandaun na ls sepik provins long gutpela wok ministri bilong em.

Brata Yolbutu, yu mas wanpela bekslaida bilong dispela lotu em Pasta Wipon i go pas long em. Mi mas tok olsem Pasta Wipon em i wokim gutpela wok tru bilong autim tok bilong God i go long planti manmeri long Papua Niugini. Planti manmeri husait i wokim raskol pasin, ol pipol i gat hevi long laip bilong ol, hevi long sait bilong helt i save kam long em na em i save pre na helpim ol long strongpela ministri bilong em. Long pas bilong brata Yolbutu em i tok pasta Wipon i ronowe long Lumi i kam long Wiwek na planti ol sipsip bilong em i lus na paul nobaut. Brata Yolbutu, yu mas save olsem Pasta Wipon em i bilong Lumi long Sandaun provins na em i bringim disspela tok bilong God i kam long PNG na i kirap long Lumi long yia 1982. Tasol yupela ol pipol bilong Lumi, sampela i givim baksait long tok bilong God em i save autim. Orait em i mas go long arapela ples husait i laik harim tok bilong God. Yupela Lumi i noken Gridi. Tok bilong God i mas go aut long ol arapela manmeri husait i no harim tok tru yet.

Ministri bilong Pasta Wipon i save gat pawa na sain mak na mirakol i save bihainim. Na tu em i hetpasta bilong sois bilong em insait long PNG em i mas kam stap long taun we em i ken isi long tok tok wantaim ol distrik pasta bilong em long olgeta hap bilong kantri. Mi save taim pasta Wipon i lusim Lumi na i kam long Wiwek, em i makim sampela man long wok pasta o lida long lukautim sios o ol sipsip. Sapos yu no save long wok bilong sios, yu noken rait na bagarapim gutnem bilong em. Sapos yu save long ron bilong sios, yu mas wanpela bikhetman insait long sios em pasta hia i go pas long em.

Pasta Wipon i save autim tok bilong God i go long planti manmeri insait long kantri na tokim ol long taim bel na kisim baptais long nem bilong bikpela Janis Kraus. Na em i bai rausim sin bilong yumi na givim holi spirit long yumi. (Act 2:38) Long wanem wei yumi save olsem yumi kisim trutru spirit bilong God, bai yu toktok long niupela tokples (speak in tongues) (Acts 19: 1-6) Planti manmeri long PNG i bihainim ministri bilong em na nau ol i hamamas tru.

Brata Yolbutu yu yet i gat rait long harim tok bilong God, ol pasta o man bilong God i autim long yu. Orait yu yet i mekim disis on. Sapos yu laik kisim gut laip i stap oltaim orait yu bihainim wanem sampela baibol i tok na ol pasta i autim long yu. Sapos yu bihainim na bihain yu lusim na go wokim pasin nogut (Galation 5:19-20) em wari bilong yu (Act 20-26). Na noken putim hevi long Pasta. Mi bilip olsem Pasta Godfrey Wipon i mekim gutpela wok bilong autim tok bilong God na yumi mas sapatim em na noken daunim em.

**Richard Ali
Pasta Wipon Sapota
Wiwek**

Ol Sepik dai long meri Tolai

Dia Edita,

Mi laik autim komplek bilong mi long pasin mi save lukim ol lain long Maprik, Wasara na Yanguru i save mekim long Rabaul na Kokopo taun. Mi lukim olsem ol lain ya i lusim ples bilong ol na i go stap long Rabaul long painim meri Tolai tasol.

Ol i no go long Rabaul o Kokopo bikos long sampela gutpela wok. Mi ken tok stret olsem ol i dai tru long ol meri Tolai olsem na ol i go pulap long hap. I luk olsem ol i no gat gutpela meri long ples bilong ol yet long Maprik, Wasara na Yanguru. Olsem na ol i go pulap long hap long painim ol meri Tolai.

Taim ol i kisim wanpela meri Tolai, bai ol i lokim em gut tru long haus na em i no save raun gut long lukim ol wantok bilong em. Ol i save lokim em gut tru wantaim ol olsem ol i nogat kain meri olsem long ples bilong ol. Taim bikpela bagarap bilong volkanu i bin kamap long las yia, mi ting bai olgeta i go bek long ples bilong ol wanwan. Tasol nogat, olgeta i kam bek gen. Bikos ol i no inap painim kain meri olsem long ples bilong ol.

Tony Alfred KOKOPO



Luteren Bisop mas tok sori

Dia Edita,

Mipela i laik autim bel hevi bilong mipela long toktok we olpela bisop bilong Luteren Sios i bin mekim long ples Marup insait loing Karkar Ailan, Madang provins.

Long Julai 23 bilong dispela yia, olpela bisop i bin tok olsem em i holim yet pawa long olpela wok bilong em. Na i no nupela bisop we ol pipel i makim.

Dispela toktok i sutim stret bel bilong ol sios memba husat i bin stap long dispela bung long Marup. Mipela i laik tokim bisop olsem maski long toktok planti olsem yu holim yet olpela wok. Moabeta yu lus tingting olgeta long dispela samting.

Mipela i makim pinis nupela bisop na i gutpela long yu mas luksave nau olsem yu no moa holim dispela wok. Taim bilong yu i ova pinis tasol long wankain taim tu, mipela i laik tok amamas long gutpela wok we yu bin mekim long taim yu bin holim dispela wok. I gutpela nau sapos yu kamap long wanpela distrik konprens na tok sori long ol kain toktok we yu bin mekim long pablik ples.

Kain pasin tu we olpela bisop i laik hangamap yet long wok i soim olsem em i krai yet long holim pawa na tu hangre long kisim bek posisen.

Sapos long laik bilong God ol sios memba i makim nupela man, orait, em i sanap long laik bilong God yet. Na maski long yumi ol man nating long toktok tasol moabeta mipela long tenkim em long senis we i save kamap insait long laip na sindaun bilong mipela long wan wan de, wik, mun na yia.

Mipela i mas save olsem God yet i kontrolim olgeta samting. Na em yet i skelim gut na givim tingting long yumi manmeri long graun. Olsem na yumi mas liptimapim nem bilong em i go antap moa yet.

Mipela ol Luteren Sios memba long Karkar Ailan i askim gen olpela bisop long stap isi na maski long pilai sios politiks. Nogut yu mekim ol kain tok tok we i brukim sios bilong God na ol sipsip bai i paul nabaut.

**Ali Colman
Karkar Ailan
Madang provins.**

Yusim klia tok pisin long buk Baibel

Dia Edita,

Mi laik autim liklik wari bilong mi i go long ol lain long Baibel Sosaiti husat i tanim Baibel i go long Tok Pisin.

Mi no klia long wei ol i yusim tupela ha toktok em; "Tarangu na Laka". Mi rait long yupela i ken kliarim dispela tupela hap toktok long mi.

Sampela lapun manmeri long ples bilong mi tu husat i ritim Tok Pisin Baibel i gat wankain askim. Olsem na taim ol i ritim na lukim tupela hap toktok ya, sampela

i ting tarangu i min olsem dispela bikpela pisin i save plai antap. Tasol ol i no save wanem em mining bilong narapela hap em ol i save tok, laka.

Mi no ting i gutpela long ol lain long Baibel Sosaiti long raitim ol dispela tok pilai insait long Baibel. I moa gut long putim ol hap toktok we i klia na i gat mining long ol. Na ol man i ritim Baibel i ken klia gut long ol kwitaim.

Tok pisin em tokples bilong yumi olgeta man-

meri long Papua Niugini olsem na plis putim ol toktok we olgeta manmeri i save long em.

Dispela inap mekim laip na sindaun i isi bikos long gutpela rot bilong rit na rait na tok tok wantaim long tok pisin.

Em tasol liklik hevi bilong mi i go long ol lain bilong Baibel Sosaiti.

**Kopet Tolaso
Mosbi
NCD.**

Nayudos em de bilong bikpela bung wantaim

Dia Edita,

Mi laik bekim pas bilong brata Koron Monzi bilong Madang i bin kamap long Wantok long 29 Jun, 1995. Brata, mi laik egensim tru toktok bilong yu stret. Long pas bilong yu, yu kamapim yu yet olsem wanpela pikinini i nogat klia tingting na i save mekim nois nabaut. Yu paulim planti toktok bikos yu yet i no save long mining bilong tok politiks bilong wanem yu bus Amun stret. Mipela planti manmeri bilong Nayudos eria i save olsem Nayudos Amun Yunion em i no politikel grup. Nayudos em bung bilong olgeta manmeri bilong Nayudos long kam bung, pilai, amamas, serim tingting, pasin na kalsa na i stap wanpela manmeri insait long eria bilong mipela. Na sapos yu ting Nayudos em bisnis o gavman ejensi long givim moni long yu, orait em kranki tingting olgeta na yu mas lusim tingting.

Long Nayudos de tasol Teptep eria na stresi igat nem. Bipo i nogat Nayudos mipela i no save kampa ples klia. Ol pipel bilong Nayudos ol i mas amams long memba, Ginson Saonu wantaim ol arapela bikman husat i bin painim na kamapim Nayudos. Yu bin tok olsem Mista Saonu i no bin mekim wanpela samting long Teptep taim em i kamap memba. Tok bilong yu i no tru bikos Teptep i stap insait long lukaut bilong Madang provins. Ginson Saonu em memba bilong Kabwum. Olsem na yu mas askim memba bilong Raikos, Samuel Pariwa. Tasol Ginson Saonu i mekim bikpela helpim long Teptep bikos ol pipel bilong em long Morobe bai kisim sevis na helpim tu long Teptep Stesin.

Long de bilong Nayudos, Ginson Saonu i no save mekim wanpela toktok o paitim bros na bikmaus long ol manmeri. Em i save sindaun isi tasol na lukim pilai na singsing na bihain i go bek long ples. Olsem na yu noken paulim toktok na trikim ol manmeri. Yu yet kamapim politiks toktok. Brata, yu no ken toktok nabaut bikos yu i no inap mekim kain bikpela samting olsem Ginson Saonu na ol arapela lain lida i mekim long bungim ol pipel wantaim. Mi no sapatim Mista Saonu tasol mi tokaut long ol samting i tru long em.

Notgosi Yawot, LAE

Rifom long nupela gavman sistem em gutpela

Dia Edita,

Mi sapatim reform bilong kamapim komyuniti gavman. Long tingting na lukluk bilong ol pipel, dispela senis bai i orait long wanem em bai kamap long viles ievol. Mi toktok pinis tu wantaim sampela ol save manmeri na ol i tokaut long as bilong rifom bilong mi na nau mi klia.


Tasol mi askim strong gavman long lukluk gut na givim gutpela sevis i go long ol pipel long ples na wan wan viles insait long komyuniti i ken mekim wok. Sapos gavman i no givim dispela sevis i go long ol pipel bilong ples, em bai bungim planti hevi moa long kantri. Olsem na mi sapatim rifom bil. Mi laik tok olsem nau tripela kain gavman i wok. Em long nesenel, provinsal na komyuniti gavman. Tasol mi lukim olsem tripela

levol gavman ya ino wok gut long dispela taim bikos ol pipel ino benefit long ol. Olsem na planti kain hevi i wok long kamap long kantri long dispela taim.

Planti pipel i tuhat long wokim ol liklik bisnis bilong ol long kopra, loliwara na ol arapela liklik bisnis olsem long painim wan siling long en. Wantaim nupela rifom bil, mipela sampela long ples i gat bikpela tingting olsem dispela bai i kamapim senis long wok na laip i go gutpela moa long ples. Mi askim gavman long strongim dispela nupela sistem na wok bung wantaim long mekim em i wok gut long sevim ol pipel. Em tasol liklik tingting bilong mi na husat arapela i gat moa tingting long tromoi antap em welkam tasol.

**Joe Sokina
Kimbe**

**OL KAIN KAIN MAN SAVE
RITIM WANTOK NIUSPEPA
LONG OLGETA HAP LONG
WOL.**



NA YU?

...Baim Wanpela Nau!

50t

Tasol

**PEPA BILONG
YUMI STRET..!**

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

Miri Aiori Ext. 214
Jeffrey Maliou Ext. 215
Joe Naime Ext. 218



**WATER BOARD
TENDAS BOD**

TENDA No. 95/1

MAPRIK HAI SKUL STRETIM OL PAIPWOK

Dispela toksave long tenda i go long ol open kontrektas we ol Papua Niugini yet i onim o wangepela residen kontrekta husait i bin wok sapatim ol nesenol sabkontrektas longpela taim pinis. Na tu husait i bin trenim ol lokol man long wok.

Wok i go olsem:

Saplai, diliva, instol; testim na komison 755m bilong 225mm dia. uPVC klas SH RRJ paip, 60m bilong 225mm dia. HDPE paips, 10 No. manhol, Intasepsen drain na ol ples bilong wara nogut long go, na olgeta paip wok long Maprik hai skul long Is sepik provins.

Ol pepa bilong tenda na drowing i stap nau bilong K50. I nogat rifun bilong dispela K50 diposit.

Husait i laik diposit i ken go long Wota Bod hed opis long Dipatmen bilong Woks, blok D, namba tu flo long Waigani draiv o long Wiwek wota bod opis. Na husait i laik mekim diposit, i mas mekim long benk sek.

Tenda i mas i gat olgeta infomesen wota bod tenda bod i laikim, hamas wok em i ken wokim, projek refri na hamas wok man bai wok.

Adres bilong tenda em: The Engineering Manager
PNG WaterBoard
P O Box 2779
Boroko, NCD

Ol tendas husait i laik save moa long dispela i ken ringim prinsipol enginia(Nana) long telepon 241 622 o feks long 241 610

Pinis bilong tenda em long Mande, 25 Septemba 1995 long 3 klok pm.



**DISTRIBUTION
SUPERVISOR**

The Regional Office of Word Publishing Company Pty Ltd requires the services of a dynamic Distribution Supervisor to join a small team of staff in the Lae office.

The person we are seeking must have completed minimum Grade 10 and have experience in an area of newspaper work such as sales, marketing, warehouse, management or journalism. An outgoing personality with good verbal and written communication skills at all levels with some bookkeeping or accounting experience will be highly regarded.


The person will be responsible for developing and implementing an attractive marketing strategy to market the company's products in Lae and the surrounding areas. The person will be willing to work long extra hours and must possess a current drivers' licence. Previous experience in this field is not necessary but an added advantage.

Please send your application with a complete resume or CV to:

The Regional Manager
Word Publishing Company Pty Ltd
Att: Mr Alphonse Pu
PO Box 1726
LAE
Morobe Province



IN MEMORIAM



PAUL SOWENI

In loving memory of our late daddy who passed away on 25 August 1991.

Dad, it has been four years since you left us. Fond memories of your fatherly love will always remain with us. We miss you in our daily lives and still love you very much.

May you rest in the peace of the Risen Lord.
Love; Terence, Ian, Greg, Lovelyn, Janice, Adrian and mummy Chicken.

Position Vacant

Live in House Meri Ela Beach
Must be English speaking, honest,
reliable and have references.

Phone: 320 1637

after 6pm.

BUK BILONG OL SEVISIS

BUILDER



KISSING BUILDERS
PO Box 1884
Lae
Morobe Province

General building, plumbing,
maintenance; painting, construction.

PLUMBING SERVICES AVAILABLE

24 HOURS CONVENIENCE

Bulbun Road Lae Morobe Province -
Telephone: 42 0602

CHRISTIAN BOOK CENTRE

LAE & MADANG

Educational/Christian books
English/Pidgin/Tok Ples

Gifts & school stationery
Nanulon St, Madang
Ph: 82 2043 Fax: 82 3376

4th St Lae
Ph: 42 4156
Fax: 42 7073

COFFEE MACHINERY

**Montale Pty Ltd Ph: 72 2611
Fax: 72 2612**

Mipela Agen bilong Pinhalense Kopi
Masin. Pulpers, Driers, Hullers,
Destoners, Gravity Separators, El-
evators na sampela moa.

Olgeta Kopi masin em mipela i gat
'inap. Kam lukim mipela nau mipela
inap helivim yu.

HAIR & BEAUTY

We manufacture hair and beauty products.
We wholesale, retail, large range of black hair
products. We sell hair pieces and hair equip-
ment. If you manage a salon or would like to
open one, we will provide you best quality
products at best prices. If you prefer any
U.S.A. hair product and you cannot find it here,
we will get it for you. Any questions about your
hair product you use or braiding, our chemist
and cosmetologist are here to help you.

EF - KAY PARADISE PRODUCT CO. PTY. LTD.
Steamships Hardware Compound Properties,
Waigani Drive, NCD. Ph: / Fax: (675)
325 0519, P.O. Box 1671, Port Moresby.

HAIR & BEAUTY

His N' Hers
HAIR SALON

All Hair Care

Black Hair
&

Beauty Products

42 1843

P.O. Box 1721, Lae, Central Arcade.

SAWMILL



TOKEN & ZEACAN

Portable Sawmills
Strongest light-weight mills in P.N.G.
Saws 1m² per hour
New Auto Field
PRICES START AT K16,000.00
For Saw Blades, Filters, Belts, Files, Teeths,
Holders, etc.

Contact:
TIMBERSAWS (PNG) PTY LTD.
Laurabada Avenue Lae

Phone: 42 7015 Fax: 42 7673
PO Box 318 Lae

FOR SALE

**MIPELA I GAT OL
STRONPELA FISIN NET OR
UMBEN NAU LONG WEWAK.
FSC PTY LTD**

Stoa i stap long Scenic draiv
hapsait tasol long Customs Opis

**Telepon: 863465 (Wewak)
3231288 (Port Moresby)**

ELECTRONIC




**PAPA BILONG OL TV
SAPOS TV BILONG
YUPELA I BAGARAP
SEKIM WANTAIM MIPELA**

O KAM NA LUKIM MIPELA LONG OLGETA
LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT
■ REPAIRS TO T.V.'s, RADIOS, ETC.




**P.O. BOX 3572 PHONE 25 1952
BOROKO, N.C.D. FAX: 25 4743**



ANNIVERSARY
PAPUA NEW GUINEA

*One People,
One Nation,
One Country.*

For participation in a Special Edition of the Saturday Independent and Wantok to celebrate the 20th Anniversary of Independence on the September 16th, 1995 phone 325 2500. Deadline for Material, September 12th 1995.



• Em wanpela spot skul bilong Pikinini Spot long Goroka. Beksait em Instrukta Peter Chalapan bilong PNG Spot Federation. *Poto: John Hou.*




• Indosuez A gret volibal tim bilong ol man husat i save pilai long Bankers volibal resis long Mosbi. *Poto: Helen Rei.*



• Westpac A gret tim husat i save pilai long Bankers volibal resis long Mosbi.



• Em bikpela volibal resis we i save kamap long olupela ples balus long Lae. *Poto: Zeph Aigal.*



- Clayton bilong Chariots tim i kisim bal i go long makbilong Exodus. Em basketbal resis bilong A risev long Mosbi. Chariots win 23-20.



• Basketbal tim bilong Lae Bisket Chariots. Dispela em A risev gret tim husat i save pilai long NCD basketbal resis. *Poto: Jack Ami.*

**PORT MORESBY SOCCER ASSOCIATION
WEEK 17
SATURDAY AUGUST 26 1995**

BISINI 1		
TIME	FIXTURES	VS
07.00	Defence	vs Moukasi U/19
08.00	PS Roots	vs Easternders D2
09.00	Blue Kumuls	vs Koupa Pr
10.00	GFC	vs Rapatona Pr
11.00	Tarangau	vs Gerehu High W2
12.00	Babaka	vs Hoods D1
0.105	GFC	vs Kurit Andra W1
0.2.10	Blue Kumuls	vs Koupa Prem
0.3.35	GFC	vs Rapatona Prem
0.500	Batu Bros	vs cyclone D2

BISINI 2		
TIME	FIXTURES	VS
0.700	Golo	vs Momase U/19
0.800	Buresong	vs Sians D2
0.900	Sobou	vs Golo Pr
10.00	Defence	vs Moukasi Pr
11.00	Blue Kumuls	vs Momas W2
12.00	Yellow Pages	vs PS Roots D1
0.105	Moukasi	vs Sobou W1
0.2.10	Sobou	vs Golo Prem
0.3.35	Defence	vs Moukasi Prem
0.500	Maset	vs Batisalam D2

SUNDAY AUGUST 27

BISINI 1		
TIME	FIXTURES	VS
0.7.30	GFC	vs Kurti Andra U/19
0.800	Boomers	vs Katumani D2
0.900	Ela United	vs Momase Pr
10.00	STC	vs PS Roots W2
11.00	Murat	vs Waliya D1
12.05	LSC	vs Sunam W1
0.110	Defence	vs Waliya W1
0.215	Ela United	vs Momase Prem
0.340	PTC	vs University Prem
0.500	Amazon Bay	vs Tarangau D1

BISINI 2		
TIME	FIXTURES	VS
0.700	Cyclone	vs Magi Rangers U/19
0.800	Bilawawa	vs Masters D2
0.900	Kurti Andra	vs Guria Pr
10.00	Keesang	vs Murat W2
11.00	Sunam	vs Magi Rangers D1
12.05	Yellow Pages	vs University W1
0.110	Guria	vs Wanzesi W1
0.215	Kurti Andra	vs Guria Prem
0.340	Wanzesi	vs STC D1
0.500	Cloudy Bay	vs Keweh D1

SUNDAY AUGUST 27

GFC OVAL		
TIME	FIXTURES	VS
0.900	Rapatona	vs De La Salle U/19
10.00	Blue Kumuls	vs University U/19
11.00	Guria	vs PTC U/19
12.00	PTC	vs University Pr
0.100	Kumunimdo	vs Lae Biscuit D2
0.200	Koupa	vs Ela United U/19
0.300	PTC	vs Club Eastern W2

**LAE WINFIELD LEAGUE DRAWS
RINAL ROUND 14 FOR SENIORS AND ROUND 13
FOR JUNIORS**

SATURDAY AUGUST 26

OUTSIDE GROUND			
TIME	DIV	TEAMS	VS
9.00	U/19	Magani	vs Spiders
10.00	U19	Royals	vs Defence
11.00	U/19	Brothers	vs Tarangau
12.00	U/19	Panthers	vs Tigers

INSIDE GROUND

9.00	B	Panthers	vs Defence
10.20	B	Brothers	vs Spiders
11.40	B	Royals	vs Tigers
1.00	B	Magani	vs Tarangau
2.30	A	Royals	vs Tigers
4.00	A	Magani	vs Tarangau

SUNDAY AUGUST 27

OUTSIDE GROUND			
TIME	DIV	TEAMS	VS
9.00	U/17	Royals	vs Defence

INSIDE GROUND			
TIME	DIV	TEAMS	VS
9.00	U/17	Brothers	vs Tarangau
10.00	U/17	Panthers	vs Tigers
11.00	U/17	Magani	vs Spiders
12.00	A	Panthers	vs Defence
1.30	A	Brothers	vs Spiders
3.00	I/C	Lae Bombers	vs POM Vipers

**POPONDETTA NETBALL ASSOCIATION
SEMI-FINALS RESULTS
SATURDAY AUGUST 19TH 1995**

A GRADE			
Royals	defeated	Ajimota	24-16
B GRADE			
West	defeated	Collingwood	20-14
JUNIOR DIVISION			
Collingwood	defeated	West	24-21

**GRAND FINALS DRAWS
SATURDAY AUGUST 26th 1995**

1.30	Sumbria	vs	Royals
B GRADE			
2.15	Hystars	vs	West
JUNIOR DIVISION			
3.00	Royals	vs	Collingwood

**LAHI SOCCER ASSOCIATION
WEEKEND DRAWS
VENUE SIR IGNATIUS KILAGE STADIUM**

SATURDAY AUGUST 26				
TIME	Div	TEAMS	VS	
0.900	Under 19	K/Andra	vs Gam	
10.00	Women	Mairip	vs Sunkist	
11.00	Women	Tosin	vs Defence	
12.00	Women	Elcom	vs Gaziga	
13.00	Division 1	Gam	vs Sikambu	
14.30	Premier 2	Asiawe	vs Mairipo	
16.00	Premier 1	Rapatona	vs K/Andra	

SUNDAY AUGUST 27

09.00	Under 19	Tosin	vs Guria
10.00	Women	K/Andra	vs Gam
11.00	Women	Sobou	vs Asiawe
12.00	Women	Guria	vs Rapatona
13.00	Division 1	Sunkist	vs Avetau
14.30	Division 2	M/United	vs Rapatona
16.00	Premier 1	Guria	vs Gaziga

MARKET FIELD

SATURDAY AUGUST 26				
TIME	Div	TEAMS	VS	
09.00	Under 19	Asiawe	vs Sikambu	
10.00	Division 1	Tosin	vs L/Biscuit	
11.30	Premier 2	Sobou	vs Guria	

**COCA COLA BASKETBALL LEAGUE
ROUND 3 DRAWS
WEEK 18**

**SUNDAY AUGUST 27
RESERVE GRADE MATCHES**

TIME	TEAMS	VS	DIVISION
8.00	Don Bosco	vs Exodus	M/A/R
8.30	Don Bosco	vs Exodus	W/A/R
9.00	Jets	vs Mobil	M/A/R
9.30	Jets	vs Mobil	W/A/R
10.00	Bankers	vs Chiefs	M/A/R
10.30	Bankers	vs Chiefs	W/A/R
11.00	L/Bisket	vs Jokers	M/A/R
11.30	L/Bisket	vs Jokers	W/A/R

A GRADE MATCHES

12.00	Don Bosco	vs Exodus	W/A
1.00	Don Bosco	vs Exodus	M/A
2.00	Jets	vs Mobil	W/A
3.00	Jets	vs Mobil	M/A
4.00	Bankers	vs Chiefs	W/A
5.00	Bankers	vs Chiefs	M/A
6.00	L/Bisket	vs Jokers	W/A
7.00	L/Bisket	vs Jokers	M/

**KOIARI RUGBY LEAGUE DRAWS
1995 SEASON DRAWS
SUNDAY AUGUST 27 ROUND 2/9**

TIME	TEAM	VS
9.00	Doma	vs Tigers
9.40	Mebos	vs Brothers
10.20	Choice	vs Knights
11.00	Lakers	vs Broncos
11.40	Panthers	vs Souths
BYE Siri Broncos		

**SYDNEY RUGBY LEAGUE
THIS WEEK'S DRAW**

Newcastle	vs Cronulla
St George	vs Western Reds
Brisbane	vs Auckland
Bulldogs	vs North Old
Caberra	vs South Old
Gold Coast	vs North Sydney
Manly	vs Souths
Illawarra	vs Wests
Parramatta	vs Penrith
Sydney City	vs Tigers

**PORT MORESBY RUGBY
FOOTBALL LEAGUE
DRAWS**

WENESDAY 23.08.95 ROUND 1-5					
GRD	TIME	DIV	TEAMS	VS	
LRO	3.00 pm	U/11	Murray	vs Bavaroko	
LRO	3.25pm	U/12	Murray	vs Bavaroko	
LRO	3.45pm	U/14	Kila Comm	vs Kila High A	
LRO	4.05pm	U/15	Badi High	vs Diharoha	
THURSDAY 24.08.95					
LRO	3.00pm	U/11	Ela Beach	vs Sogeri	
LRO	3.25pm	U/12	Ela Beach	vs Sogeri	
LRO	3.50pm	U/15	Sogeri	vs Bavaroko	
LRO	4.15pm	U/16	Kila High	vs Laloki A	
SATURDAY 26.08.95 ROUND 1/5					
LRO	9.30am	U/14	Bavaroko	vs Hohola	
LRO	9.55am	U/14	Kila High B	vs Coronation	
LRO	10.20am	U/16	St Peters	vs Hohola	
LRO	10.55am	U/16	Laloki High B	vs Kila Comm	
LRO	11.15 am	U/14	Badi High	vs Diharoha	
LRO			Bye Coronation U/12		
LRO			Bye Evedahana U/15		
SUNDAY 27.08.95					
LRO	9.30am	U/11	St Josephs	vs Hohola	
LRO	9.55am	U/12	St Josephs	vs Hohla	
LRO	10.20am	U/14	Badi High	vs Diharoha	
LRO	10.55am	U/15	Badi High	vs Kila High	
LRO	11.30am	U/16	Kila High	vs Laloki	

**PORT MORESBY SOCCER ASSOCIATION
POINTS LADDER
August 20, 1995**

Team	GP	Week 16			GF	GA	
		W	D	L			
Rapatona	16	10	5	1	24	7	35
University	15	10	2	3	26	13	32
Blue Kumuls	15	8	6	1	42	17	30
PTC	16	8	4	4	35	16	28
Guria	15	6	6	3	26	19	24
Momase	16	6	6	4	21	21	24
Ela United	16	5	6	5	24	18	21
GFC	16	5	5	6	27	29	20
Koupa	15	5	3	7	25	28	18
Defence	16	4	6	6	15	21	18
Sobou	16	5	2	9	28	34	17
K/Andra	16	3	6	7	19	25	15
Golo	16	2	5	9	18	39	11
Mouiasi	16	0	4	12	9	33	4

Premier Reserve

Guria	16	9	6	1	8	6	33
Rapatona	16	10	2	4	22	12	32
University	16	8	5	3	13	8	29
Defence	16	6	8	2	14	6	26
GFC	16	7	4	5	24	14	25
Momase	16	7	4	5	15	8	25
K/Andra	16	6	7	3	12	10	25
Ela United	16	7	3	6	15	13	24
Moukasi	16	5	8	3	15	11	23
Sobou	16	4	3	9	8	15	15
PTC	16	3	5	8	11	21	14
Blue Kumuls	16	2	6	8	4	11	12
Koupa	16	2	5	9	6	20	11
Golo	16	2	2	12	7	30	8

Division one


Hoods	16	11	3	2	19	7	36
Sunam	16	9	5	2	20	9	32
Wanzesi	16	9	2	5	22	19	29
Babaka	16	8	5	3	-	-	29
Tarangau	16	7	4	5	8	15	25
M/Rangers	16	6	6	4	16	6	24
PS Roots	16	6	6	4	22	22	24
STC	16	6	4	6	17	15	22
Amazon Bay	16	5	3	8	16	20	18
Murat	16	4	6	6	19	20	18
Waliya	16	4	5	7	15	30	17
Keweh	16	3	6	7	12	15	15
Y/ Pages	16	2	3	11	-	-	9
Cloudy Bay	16	2	2	12	8	27	8

Division two

SB Boomers	16	12	3	1	35	4	39
Buresong	16	10	4	2	20	4	34
Bilawawa	16	9	6	1	25	4	33
Kumunimdo	16	10	3	3	26	7	33
Cyclone	16	19	5	2	20	8	32
Easternders	16	8	6	2	25	13	30
Maset	16	8	4	4	19	12	28
Sians	16	7	5	4	26	12	26
Katumani	16	6	4	6	19	18	22
PS Roots	16	6	3	7	20	16	21
Baztu Bros	16	5	2	9	12	23	17
Lae Biscuit	16	5	1	10	12	31	16
Batisalam	16	4	1	11	11	22	13
Masters	16	3	1	12	10	37	10


Under 19

Rapatona	15	12	2	1	26	4	38
M/Rangers	15	10	4	1	23	4	34
Momase	15	8	5	2	17	7	29
De La Salle	15	7	7	1	23	9	28
K/Andra	15	7	5	3	13	8	26
B/Kumuls	15	6	4	5	12	8	22
PTC	15	6	3	6	16	15	21
GFC	15	5	5	5	14	13	20
Defence	15	5	4	6	13	13	19
UN							

FRENCHBAKEHAUS

 • **CAKES**
 Weddings & Birthdays
 Our speciality
 25 1266 Pom
 42 5349 Lae

PROVINSAL

SOKA NIUS

FRENCHBAKEHAUS

 • **CAKES**
 Weddings & Birthdays
 Our speciality
 25 1266 Pom
 42 5349 Lae

Guria skorim dabol win

LAHI SOKA RIPOT

YAKAM KELO iraitim

GURIA i bin winim tupela gem bilong las wiken long Lahi soka resis taim em i bungim Elcom na Kurti Andra.

Guria i givim skul long Kurti Andra 3-0 long Sarere na bihain em katim pawa bilong Elcom 2-1 long Sande. Dispela em long pinisim ol wasaut gem bilong ol long dispela sisen.

Guria i bin laitim paia stret long las wiken wantaim ol boi bilong em olsem Eddie Fred na liklik bilong

em, Hanz Fred, David Panap, Kelly Jim na ol arapela.

Guria i soim olsem em i strongpela klap long winim Lahi soka sempionsip long dispela yia. Olsem na em i salim toksave i go pas long dispela win bilong em long las wiken.

Long arapela primia gem tu em Sobou i no painim sans long winim Rapatona long las wiken. Olsem na tupela i dro 1-1.

Dispela i bin wanpela strongpela gem tru we Sobou i soim tru strong bilong em long winim gem ya. Planti sans bilong ol long skoa i no bin painim stret umben bilong Rapatona.

Rapatona tu i kamapim bikpela salens long Sobou tasol Sobou

husat i gat moa eksperiens i blokim ol gut long dispela taim. Sobou i bin kisim skul long las wiken lus bilong ol egens Asiawe long 1-0 skoa taim fulbek bilong ol, Godfrey yet i skorim gol long mak bilong Sobou yet. Olsem na long dispela gem, ol i no laik mekim wankain asua gen.

Rapatona holim Sobou long i no ken win olsem na tupela i dro 1-1 long fultaim.

Rapatona i bin pilaim gen narapela wasaut gem bilong em long las wiken yet egens Asiawe na risal bilong gem ya i wankain olsem gem egens Sobou. Rapatona i kamapim narapela dro wantaim 2-2 skoa long fultaim egensim Asiawe.

Lahi Soka Asosiesen (LSA) i wok long traim pinisim ol wasaut gem bilong em yet long dispela yia. Bikos Lae em ples bilong ren na planti pilai i no save kamap.

Long dispela taim tu em Lahi i redi long salim wanpela soka tim bilong em i go insait long Morobe Spot Federesen tonamen long dispela wiken. Bai planti tim i kam olsem long ol distrik insait long Morobe provins pilaim dispela tonamen.

Dispela tonamen bai i wankain yet olsem olpela Morobe Kantri soka tonamen we i save kamap long olgeta yia long bipo. Tasol em i bruk daun pinis bikos i no gat gutpela menesmen na spona long holim dispela tonamen i stap yet.

Tasol Lahi i no makim skwat bilong em yet. Het kosa bilong Lahi, Channel Kakehe i tok em bai traim long kisim sampela pilai yet long olpela skwat husat i bin pilai long nesene sempionsip bilong PNGFA Kap long Mosbi long las mun. Planti arapela bai i kam long olgeta klap insait long Lahi soka resis.

Channel i tok em bai bungim ol pilai long dispela wik yet na bungim ol liklik long trening inap long Fraide tumoro we ol i ken go insait long tonamen ya.

Bai i gat olsem 16 tim olgeta i kam long ol distrik eria long Morobe provins na tu tupela tim long Lae siti em Lahi na LFA.



• Em wanpela soka tim bilong ol meri 9 mail long Mosbi. Ol susa ya i save mekim bikpela nois long olgeta wiken.

PTC katim telefon waia bilong Momase

MOSBI SOKA RIPOT

OL boi bilong PTC i kamapim wanpela bikpela pilai tru long las wiken taim ol i nekim Momase 5-0 long soka resis bilong ol primia long Mosbi.

PTC i putim kamap strongpela banis tru na winim olgeta bal long stat bilong gem inap fultaim. Olsem na ol i katim tru telefon waia bilong Momase long fultaim.

Tupela gol i bin kamap long yangpela straika bilong Lae husat nau i stap long Mosbi, Nicholas Pui long namba wan hap bilong gem. Strongpela ron na salens bilong em i mekim em i kisim dispela bal long golmak bilong Momase na bomim umben bilong Momase. Namba tri gol bilong PTC i kam gen long narapela biknem pilai, Wesley Waiwai. Dispela tu em long namba wan hap bilong gem.

Long namba tu hap bilong pilai, PTC i holim yet strong na gem plen bilong ol. Long dispela taim tu Momase i traim long kamapim sampela gutpela senis long gem plen bilong ol. Tasol PTC husat i bin bel kirap pinis long win i no givim sans na skorim gen tupela gol long pinisim gem wantaim 5-0 long futaim. Tupela gol ya i kam long Lendy na Andrew. Lapun midfilda, Raymond Nasa yet i bin was long olgeta taim na skelim bal i go i kam long ol manki bilong em na kamapim ol dispela gol.

Long arapela primia gem tu, Blue Kumuls i soim pawa bilong ol yet taim em i kamapim laki win egens Difens wantaim 2-1 skoa long fultaim.

Dispela gem bilong Kumuls na Difens i bin pulim tru ai bilong planti manmeri long Bisini Graun. Bikos planti gutpela stail na salens i bin kamap namel long ol yangpela bilong Mari Bareks na Godens Plis Bareks. Tupela bilong Blue Kumuls i bin kamap long lek bilong Mathias husat i bin pilaim strongpela gem tru long dispela taim.

Yunivesiti i bin laki tru long winim dispela gem bilong em egens Kurti Andra wantaim 2-1 skoa long fultaim.

Guria i bin lusim sans bilong em long winim gem bilong em egens Rapatona. Olsem na tupela i bin dro 1-1 long fultaim. Guria i bin gat olgeta sans long namba wan hap bilong gem tasol straika, Ben Lakasa na Jacob Bejigi i no bin kisim gutpela set bal long mekim straik long umben bilong Rapatona.

Long namba tu hap bilong gem, Guria i laik kamapim moa pawa long gem tasol Rapatona i bin holim gut Guria long beklain. Laki senis i bin kamap taim Peter Wanis i lusim beklain na i go long fran. Em i winim bal na givim long Ben Lakasa husat i salim long golmak stret na Paul i pinisim long umben bilong Rapatona. Na dispela i holim skoa 1-1 long fultaim. Wantok i no bin kisim skoa bilong Sobou, Moukasi, Golo, Koupa, GFC na Ela Yunaitet.

Buresong katim pawa bilong West

LFA SOKA RIPOT

BIKNEM West soka tim bilong Lae Futbol Asosiesen (LFA) i go daun long Buresong 2-1 long primia resis bilong Lae soka resis las wiken. Tupela tim wantaim i putim kamap bikpela salens tru long dispela gem tasol Buresong i soim olsem em i gat stail na pawa long winim dispela gem.

Buresong husat em wanpela biknem soka tim bilong bipo i strongim olgeta difens bilong em na blokim olgeta sans bilong West long skorim dispela gol egensim em.

West i salim ol manki olsem Masi Ngayang, Jeffery Allan, David Zomo, Samson Mera na Lawrence long maus bilong golmak. Tasol biknem olpela PNG pilai, Kule Matu yet i

holim midfil bilong Buresong long katim ol saplai bilong West. Olsem na Buresong i winim dispela gem 2-1 long fultaim.

Ol Bareks manki bilong Blue Kumuls i tu i kamapim wanpela bikpela win egensim Mitif 3-1 long fultaim. Dispela i bin wanpela gutpela gem tru namel long tupela tim ya tasol Kumuls i soim olsem em i gat gutpela gem plen long yusim long dispela taim. Olsem na em i nekim ol Mitif manki bilong Eriku long 3 poms na winim gem ya. Golo tu i putim kamap gutpela gem egens Mopi na winim gem long 1-0 skoa long fultaim. Tupela tim wantaim i pait i go tasol difens i bin tait tumas long tupela sait wantaim. Tasol Golo i no laik go nating long haus olsem em kwiktait subim wanpis gol i go insait long umben bilong Mopi na winim gem 1-0 long fultaim.

Jaura tu i winim gem bilong em egensim ol manki Makam bilong Nadzab. Ol manki Morobe i strongim tru koŋa bilong ol na givim dispela bel-hevi i go long Nadzab wantaim dispela 1 gol. Straika bilong LFA, Yakam Kipu i pait strong tru long mekim nois long umben bilong Jaura tasol beklain i strongim tru banis bilong ol na blokim ol kik bilong Yakam long golmak bilong ol.

Long fultaim, Jaura i winim Nadzab 1-0. Narapela strongpela gem i bin kamap namel long PTC na ol boi bilong Saints. Tupela tim wantaim i pait long brukim umben bilong narapela tasol banis long tupela sait wantaim i tait olgeta. Ol boi bilong PTC olsem Gidix Nasa, Ruben Yanga, Chris Yanga na Terry Pui i bin putim kamap bikpela salens

bilong Saints. Tasol ol boi bilong Saints tu i putim bikpela was long dispela gem na stapim PTC long skoa. Taim PTC i bin go na skoa long mak bilong Saints, ol yut manki bilong Saints tu i go bek na bekim. Olsem na tupela i dro 1-1 long fultaim.

Dispela wiken bai i no gat gem long LFA soka graun bikos long bikpela Morobe soka tonamen we planti tim long ausait distrik long Morobe provins bai i kamap na pilai. Dispela em tonamen bilong Morobe Spot Federesen (MSF) we sampela biknem spot opisal bilong Morobe provins i bin traim long kamapim.

Dispela gem bai stat long Fonde nau na pinis long Sande apinun. LFA bai salim wanpela tim bilong em i go insait long pilai long dispela tonamen.

Lahi i no inap pundaun - Demas

LAHI SOKA RIPOT

VAIS Presiden bilong Lahi Soka Asosiesen (LSA) Kauye Gamu i askim ol eksekutiv bilong LSA long sindaun wantaim na toktok. Na i no ken toktok beksait long narapela.

Gamu i tok em i skelim dispela kain toktok pait i bin kamap long eksekutiv bilong Lahi long dispela wik i no gutpela bikos dispela i laik pulim politiks i go insait long asosiesen.

Gamu i tok em i no laik mekim planti toktok tumas long dispela

samting tasol em i save olsem asosiesen i nogat presiden na asisten tresera.

Seketeri bilong asosiesen, Moses Demas i tok dispela olgeta toktok beksait i bin kamap long National niuspepa i no tru. Bikos ol eksekutiv i no bruk. Ol eksekutiv i stap yet em; Vais presiden, Kauye Gamu, tresera Paul Pondo, seketeri em yet (Moses Demas), asisten seketeri Colin Mokogai na John Konikas bilong gems kaunsil.

Tupela posisen tasol we i nogat man em presiden na asisten tresera we enuel jenerel miting (AGM) bai makim long bihain. Tasol nau yet em seketeri i wok long mekim wok bilong em long

ranim ol pilai long asosiesen, Demas i tok.

Demas i tok tu olsem tresera, Paul Pondo i bin risain pastaim bikos em i gat hevi long wok wantaim presiden, Dokta Kuam Malai. Tasol taim olgeta klap menesa i bung na votim Dokta Malai long go aut, ol i kisim bek Paul Pondo long wok bilong em.

Bikos Paul Pondo tu em wanpela man husat i bin statim Lahi Soka Asosiesen (LSA) long las yia, em i hat long lusim kain man olsem yet, Demas i tok.

Ol i bin holim vot i nogat bilip long Dokta Malai bikos ol i ting em i laik ranim wok bilong asosiesen

long laik bilong em yet. Em i bin laik ranim asosiesen i go long kain stail we ol i bin lukim bipo long LFA olsem na ol i bruk.

Demas i tok het bilong asosiesen em mama lo we olgeta eksekutiv na pilaia i stap aninit long en. Olsem na sapos ol i bihainim lo na rausim husat eksekutiv, ol i mas bihainim.

Tasol Demas i tok em i nogat tingting long i laik kamap presiden olsem ol komplek i tok. Em i amamas long stap olsem seketeri bilong asosiesen.


Seketeri bilong Lahi i tok husat man i kamapim dispela toktok olsem wanpela hevi long

asosiesen i no luksave long sanap bilong asosiesen na i mekim kain toktok olsem.

Em i tok i nogat wanpela as bai asosiesen i bruk bikos olgeta samting long ranim wok bilong asosiesen i stap gut.

Olgeta menesa bilong wanwan klap long asosiesen i kisim tok-save pinis long lukluk raun na makim wanpela man husat ol i ting i ken kamap presiden bilong ol.

Demas i tok nau yet, olgeta lain husat i bin bruk na lusim LFA long las yia i pas wantaim yet long givim tingting na sapot bilong ranim Lahi Soka Asosiesen.



• Kas bilong Madang, (Lephan) John Panu, (namel) Ondo Bart na (raithan) Daniel Dou. Ol tripela pilaia bilong Madang hust i stap long PNG soka tim long SP gems long Tahiti

Oro spot kros long Kumusi sponsa

ORO SPOT RIPOT

OL lokel spots asosiesen insait long Oro provins i no amamas long wanpela lokel bisnis kampani long provins i givim sponsa long Golo soka tim bilong Mosbi long las wik.

Dispela kampani em Kumusi Traders long Popondeta na em i givim sponsa long Golo soka tim bilong Mosbi husat i save pilai long Mosbi Soka Asosiesen (PMSA) long primia divisen.

Ripot i kam long Popondeta i tok planti spot asosiesen i no amamas tru long lukim dispela ripot bilong Kumusi Traders. Bikos ol i ting dispela kampani i bilong Popondeta na em i mas givim sponsa na sapot long

ol spot na yut wok insait long provins yet.

Ripot ya i tok nau long dispela taim we i gat hevi long mani insait long kantri, ol spot na yut grup i kros nogut tru.

Bikos i wok hat long painim kain helpim olsem tasol kampani ya i givim beksait long ol na i go long narapela provins na givim helpim long ol. Na em i givim beksait long provins bilong em yet we em i wok long en.

Ripot i tok dispela grup (Golo) husat em Kumusi Traders i givim sponsa long en i no bilong Oro provins. Ol i bilong Sentrel provins. Tasol Kumusi Traders i kalapim bikipela baret tru na i go long Sentrel provins.

Ol i tok kampani ya i stap bikos long ol manmeri bilong Oro provins husat i save tromoi mani long en na i no ol lain em i sevim ol.

Dispela kros i bin kamap bikos long las wik ripot we Kumusi Traders i bin baim ol nupela soka yunifom na givim long Goloalivana (Golo) soka tim bilong Mosbi. Golo klap i kam long Kamali ples insait long Hula eria long Rigo long Sentrel provins.

Ripot i tok Golo i bin traim long painim sponsa long Mosbi tasol olgeta askim bilong em i popaia inap em tingting long go ausait long Mosbi na traim askim long sponsa.

Dispela taim em i kamap long Kumusi Traders bilong Popondeta na kampani ya i bekim askim bilong em.

Golo tim i kam long Sentrel provins tasol planti pilaia bilong em i kam long planti hap provins.

Madang makim 22 meri long skwat

MADANG SOKA RIPOT

MADANG Soka Asosiesen (MSA) i tokaut pinis long fainel 22 skwat bilong ol meri long dispela wik.

Ol meri ya bai pilai long nesenel wimens sempionsip, PNGFA Kap long Septemba, Independens wiken.

Kosa bilong ol meri, Bobby Morris i tok em i bin katim namba bilong ol pilaia i go daun long 22.

Pastaim em i gat 24 pilaia long trening skwat inap em i dropim-tupela long dispela wik.

Skwat em; Gloria Robert, Mary Mileng, AndreLou Jacob, Vero Rupunae, Renda Yati, Theresa Kumo, Betty Angasa, Tina Poderua, Roslyne Maiya, Agi Mukar, Jane Sala, Jacklyne Panu, Thelma Malagian, Salome

Bulo, Jenny Gaima, Clarisa Sugul, Elsha Labong, Solence Andrew, Rista Sovo, Dorothy Jumos, Edna Sugman na Onnie Paius.

Ol opisal em Bobby Morris olsem kosa, Fred Towadale olsem trena na Simon Robert olsem asisten kosa.

MSA i redim skwat bilong ol meri nau long traim ol bikipela senta olsem Mosbi, LFA na Lahi husat bai kamap long Madang long pilai long Septemba.

Las yia ol meri Madang i no bin kamap long dispela sempionsip long Mosbi.

Olsem na bikipela salens bai i kam long ol tim husat i bin pilai las yia olsem LFA, Lahi, Mosbi, Hagen na Wabeg.

Ol dispela lain i bin pilaim ol yet las yia na ol i save long gem bilong arapela. Olsem na taim ol i bung bai bikipela salens tru i kamap.

Ol meri Mosbi em sempion long 1993 na 1994 long las yia. Olsem na ol

bai pait strong yet long holim bek dispela taitel bilong ol.

Ol meri Madang bai traim strong bilong ol tasol tenis inap kamap bikos ol i kisim trening aninit long gutpela kosa.

Olsem na ol susa bilong Madang inap mekim ol meri long arapela senta i kirap nogut.

Ol bai pilai long graun bilong ol yet na sapot na nois bai i stap long sait bilong ol

MSA askim ol meri long painim haus slip

PNGFA KAP SOKA

MADANG Soka Asosiesen (MSA) i askim olgeta asosiesen husat bai salim skwat bilong ol meri i go pilai long nesenel wimens sempionsip long Septemba long helpim Madang i lukautim tonamen ya.

Presiden bilong MSA, Peter Angasa i tok wanwan asosiesen i mas traim nau long tok-tok wantaim ol wantok long Madang long helpim ol long slip wantaim ol na pilai.

Dispela em wanpela rot MSA i ken tingim bikos Independens wiken bai planti hotel na skul i pulap. Dispela em bikos long bikipela So bilong Maborosa Festival long dispela taim. Angasa i tok sapos dispela em tonamen bilong ol man, MSA i ken kisim ol pilaia i go slip long ples na kam pilai. Tasol dispela

em pilai bilong ol meri olsem na em i laikim ol i slip klostu long taun yet.

Em i askim wanwan asosiesen long stre-tim dispela hevi bilong haus slip na ripot long em. Presiden bilong Papua Niugini Futbol Asosiesen (PNGFA), Peter Mommers i tok em bai wetim tasol MSA long ripot long PNGFA sapos ol dispela samting bai i no gat hevi long en.

Tasol long nau yet, tingting i stap wankain yet long holim nesenel wimens soka taitel, PNGFA Kap long Madang long Independens wiken em long 16 Septemba.

Mommers i tok bai i gat tupela bikipela samting tu i kamap long Madang long dispela taim. Bai i gat bikipela kibung bilong olgeta minista insait long Saut Pasifik rijen long Madang na tu bai i gat bikipela de Maborosa Festival tu i kamap.

Dispela em So bilong Madang we i save kamap olgeta yia. Long dispela as, PNGFA i ting bai i gat hevi long haus slip bikos planti lain bai i go long Madang long singsing na putim ol pilai long Maborosa Festival. Na dispela inap givim hevi long ol meri husat bai i kam long arapela senta long pilai soka long dispela taim. Narapela samting tu em planti manmeri bai tingting long go lukim Maborosa Festival na bai i no gat inap manmeri long go lukim soka resis bilong ol meri.

Mommers i tok sapos Madang Soka Asosiesen i painim aut olsem olgeta samting ya bai i orait, bai nesenel wimens soka taitel i kamap yet long Madang.

Seketeri bilong MSA, Danny Gabong i tokaut pinis olsem PNGFA i no ken tingting long dispela bikipela bung bilong Saut Pasifik Forum. Bikos dispela i no inap kamapim wanpela samting o hevi long pilai

bilong ol meri. Tasol ol bai traim long sekim ol samting olsem hap bilong ol pilaia i ken slip na go long pilai. Sapos i gat hevi long haus slip, bai ol i ken wanbel long PNGFA i senisim hap bilong pilai i go long narapela hap.

Tasol seketeri bilong Lahi Soka Asosiesen (LSA) long Lae, Moses Demas i tok planti tim i gat bikipela laik long go pilai long Madang. Olsem na pilai i mas stap long Madang. Moses i tok Madang i bin lukautim kain bikipela tonamen olsem pinis na em i gat save long lukautim na ranim tonamen. Olsem na larim Madang yet i lukluk insait long ol wok na samting bilong mekim pilai ya i kamap.

Nau yet PNGFA i mas wetim tasol wok painimaut bilong MSA long wanem kain samting inap kamap we inap bagarapim pilai o inap mekim pilai i kamap gut, Moses i tok.

Lae Stedium bai paia long Pikinini Spot

YAKAM KELO i raitim

MOROBÉ Coca Cola Pikinini Spot (CCPS) Task Fos bai holim tem 3 Inta Skul Spot kanival long Sir Ignatius Kilage Stedum long 15 Septemba. Dispela kanival bai bai bungim ol studen long gret 4 i go inap long gret 8 long 15 pailot skul.

Pastaim long dispela bikpela pilai bilong ol skul pikinini i kamap, bai ol yet i holim pilai bilong ol yet long wanwan skul na painim ol gutpela pilaia bilong makim skul bilong ol long dispela taim. Ol tisa na spotmasta bilong ol yet bai i go pas long holim pilai bilong ol na makim ol pilaia bilong dispela kanival.

Insait long 15 skul ya, bai ol i pilai insait long gret bilong ol. Dispela i min olsem gret 4 bai pilai egens gret 4 bilong narapela skul na gret 5 bai pilai egens gret 5 yet. Wankain tu long ol gret 6, 7 na 8.

Ol gret 4 skul pikinini bai pilai Kapul Soka, gret 5 bai pilai Net a bal, gret 6 bai pilaim Volibal na gret 7 na 8 i pilaim Tibal.

Wina bilong wanwan spot ya bai kism ol tropi. Bikos dispela em foapela spot, bai ol wina i kism foapela tropi.

Lukluk bilong ol kodineta bilong dispela Coca Cola Pikinini Spot, Morobe provins i bin wok gut tru. Ol tisa, pikinini na hetmasta bilong 15 pailot skul ya i bin givim bikpela sapot tru.

Wankain kanival olsem long bipo long tem 2, gret 4 studen bilong St Martins skul i bin winim Net a bal resis, gret 5 studens bilong Bubia i win long Volibal, gret 6 studen i no bin pilaim Tibal bikos long bikpela ren. Na long resis bilong Kapul soka, gret 7 na 8 studen bilong Markham Road i win.

Ol kodineta bilong dispela Pikinini Spot i tok long dispela tem kanival, ol i save olsem ol skul pikinini bai soim planti bikpela senis na stail long wanwan spot ol i pilai long en.

Ol wok bilong redim dispela tem 3 Pikinini Spot kanival i kamap gut na i luk olsem Sir Ignatius Kilage Stedum bai pulap tru long 15 Septemba long I papamama, skul tisa na skul pikinini.



• PNGBC volibal tim bilong ol meri long Mosbi husat i save pilai long Bankers volibal resis long olgeta wiken.



• Bikpela volibal salens long Lae long las wiken. Dispela em long olgeta ples balus long we volibal asosiesens i putim volibal kot long en. Foto: Zeph Aigal.

Wewak soka resis wetim klap fi

FUZO PAUL na ADDY LAVAKZ i raitim

WEWAK Soka Asosiesen (WSA) i stapim pinis ol gem bilong raun tu long dispela mun bikos planti tim i no baim yet afiliesen fi bilong ol. Tupela wik olgeta nau ol gem long raun tu i no go het bikos long dispela hevi.

Namba tu presiden bilong WSA, Watia Lenau i tok asosiesen i mekim dispela bikos planti tim husat i bin baim pinis afiliesen fi bilong ol i wok long komplén. Lenau i tok tu olsem asosiesen i givim taim long olgeta klap long mun Jun yet i kam inap nau we nogat wanpela senis i kamap. Olsem na asosiesen i sanap long dispela mak bilong stapim gem inap ol samting ya i go stret.

Em i tok bikos sisen bilong gem tu i klostu long pinis nau na ol tim husat i no baim yet ol fi bilong ol i no inap long pinisim olgeta gem long sisen. Inap ol i baim ol fi bilong ol pastaim. Lenau i tok long neks wiken bai pilai i stat gen na asosiesen bai mekim dro bilong ol klap husat i

baim ol fi bilong ol. Ol tim i no baim fi bilong ol bai i no gat nem long dro long neks wiken. Ol dispela klap husat i no pinisim yet ol klap afiliesen fi bilong ol i go long WSA em, Wewak Hills, Sunam, Posinu, Gusai na Difens. Ol dispela klap i baim tasol hap fi. Ol arapela klap husat i pinisim ol fi bilong ol em, Wewak Ice, KC Medics, Gaidus, Garamut na Kalibobo. Ol tasol bai statim pilai bilong ol long neks wiken.

Namba tu presiden i tok long neks yia 1996 soka sisen bai i gat bikpela senis. Husat tim i laik joinim Wewak soka resis long neks yia bai pulapim wanpela aplikesen fom we ol bai soim tu klap konstitusen o mama lo bilong ol. Dispela inap helpim long abrusim kain hevi olsem ol i bungim long dispela yia we sampela klap i no inap pinisim olgeta gem long pinis bilong sisen.

Tasol long narapela ripot i kam long Wewak long dispela wik, wanpela bikpela miting i bin kamap long las wik we planti klap opisal i bin kamap. Na WSA i toktok strong long ol long long baim ol fi bilong ol hariap. Olsem

na i luk olsem pilai bai stat long dispela wiken bikos planti tim i baim pinis ol dispela afiliesen fi bilong ol.

Ripot i tok planti referi tu i no amamas long dispela kain pasin na ol i go holim referi long ol soka resis insait long ol distrik soka resis. Ol bai i kam bek sapos ol samting i go orait gen.

Lenau i tok olgeta klap na pilaia long Wewak i mas save olsem WSA i bin afiliet pinis long nesene bodi (PNGFA). Olsem na ol i mas yusim dispela sans bilong ol long pilai insait long ol bikpela nesene tonamen. Long dispela as, ol i mas baim ol kain fi olsem long helpim na salim skwat i go kik long nesene sempionsip. Em i tok dispela kain hevi i bin kamap long 1994 we pilai i go na stop namel bikos planti klap i ting bai ol i pilai nating. Sampela tasol i baim fi na pilai. Olsem na WSA i stapim gem long las yia.

Olsem na asosiesen i no laik kamapim gen ol kain hevi olsem gen long dispela yia na ol yia bihain. Ol i mas luksave long ol hevi bilong bipo na pinisim long arapela yia bihain, Lenau i tok.

Morobe soka tonamen bungim 12-pela tim

PAULUS TALI i raitim

BIKPELA soka tonamen bilong Morobe Spot Federesen bai kamap long Lae Futbol soka graun (LFA) long dispela wiken. Pilai bai stat long tude long Fonde 24 Ogas na pinis long Sande 27 Ogas.

Dispela em wanpela nupela soka tonamen bilong bungim olgeta soka tim insait long ol Morobe distrik long bung na pilai long olgeta yia. Dispela Morobe Spot Federesen i senisim olpela Morobe Kantri soka tonamen.

Bai 12-pela tim olgeta i pilai long dispela tonamen na ol bai i kam long ol wanwan distrik. Tupela bikpela asosiesen bilong Lae em LFA na Lahi tu bai stap insait long dispela pilai.

Ol tim husat bai i kam em, Kaiapit, Finsafen, Boana, Wau, Sialum, Morobe, Menyamy, Kopai, Gaifar, Keas, LFA na Lahi.

LFA husat em sempion bilong PNGFA Kap nesene sempion long dispela yia bai givim bikpela salens long ol tim bilong ol liklik distrik ya.

Tasol em bai was gut tu bikos i gat sampela gutpela pilaia husat i hait na i stap.

LFA bai bungim tu bikpela salens long ol boi Kaiapit bikos dispela tim bilong ol manki Makam i bin namba wan tim long autim tiket bilong SP Gems soka tim husat i pilai nau long Tahiti i stap. Kaiapit i nekim SP Gems tim 1-0 long PNGFA Kap nesene sempionsip long Mosbi long mun Julai.

Nesene mamba bilong Makam, Andrew Baing bai opim dispela gem bikos mamba ya i bin putim sapot bilong em pinis long kirapim soka insait long asples long dispela yia taim em i givim K15,000 long Kaiapit Distrik Soka Asosiesen (KDSA).

LFA soka graun bai pulap tru long dispela wiken bikos ol tim husat i kam long ol asples ya bai pulim ol sapota bilong ol long ples tu i kam. Ol wantok long Lae siti tu bai pulap long soka graun long givim sapot long ol ples tim bilong ol.

Bucks go pas long Wau basketbal

WAU BASKETBAL

ARI GUH DANDEE i raitim

BUCKS basketbal tim bilong ol man long Wau i holim yet biknem bilong em taim em i nekim Arilo 61-44 long las wiken. Dispela em bikpela salens bilong ol man.

Long namba wan hap bilong pilai, Bucks pilaia i bin painim hat tru long tromoi bal long ring bikos ol pilaia bilong Arilo i wokim strongpela banis tru na blokim ol.

Tasol yangpela Nelson bilong Bucks i painim rot na brukim namba wan kiau long rejistaim poin bilong Bucks. Long dispela taim gem i go strong nau bikos Bucks i brukim pinis banis bilong Arilo na i wok long tromoi ol bal long ring bilong Arilo.

Ol boi bilong Arilo olsem Peter, Buka, Runi na Anonga i wok hat tru long stapim ol pilaia bilong Bucks tasol Bucks i putim moa pawa antap

long strong bilong ol na i go het yet long tromoi bal long ring.

Bucks pilaia olsem Henry, Oro, Eddie na Alu i go pas long ranim bal na kamapim ol kain kain stail long mekim kamap dispela win bilong Bucks long las wiken.

Long haptaim skoa, poin bilong Bucks i go pas long skoa wantaim 30 basket na Arilo 12.


Long namba tu hap bilong pilai, Arilo i no givim sans moa long ol Bucks. Ol i blokim olgeta rot na pasim sans bilong Bucks long skoa.

Arilo i painim ol sans long skoa taim em i salim ol boi olsem Anonga, Buka na Runi i go long pulapim basket long ring bilong Bucks.


Taim Henry, Nelson, Oro na Eddie i wok long skruim skoa bilong Bucks i go antap, Anonga tu i wok long pait strong long apim skoa bilong Arilo i go tu.

Klostu long pilai i pinis na Bucks i statim ensin bilong ol na apim skoa i go moa long winim dispela gem long fultaim wantaim 61-44 skoa.

WANTOK SPOTS



Tarangau bai tok gutbai long Ambana wantaim gutpela win



□ Tarangau A gret tim long Mosbi lig. Ol lain nogut ya i redi tasol long bungim olupela birua bilong ol long las yia Mosbi Defence. Inap Tarangau i bekim dinau.



□ Ol lapun bilong Tarangau. Tim Menesa Peter Kambao i sanap wantaim Tara Korae, Sibia Waibola, Sipa Biri na lapun tru bilong tim husat bai lusim Tarangau bihain long gren fainel em Ludwig Ambana. Ol Poto: Ivan Bayagau.

Defence vs Tarangau

Mosbi ragbi lig gren fainel ripot

JOE KANEKANE wanpela nius ripota wantaim *Wantok nius-pepa* i no nap long tingim wanem taim em i lukim dispela man Ludwig Ambana i stat pilai ragbi lig. Na Billy Kambao, James Naipao, Elias Paiyo na Michael Mondo ol Vipers pilaia bilong Tarangau Ragbi Lig klab long Mosbi i ken tingim olsem ol i liklik mangi yet na save karim su bilong Ambana i go long pilai graun.

Ambana tu i kalap nogut tru logn lukim olsem dispela ol liklik mangi husat i save karim su bilong em i go kam i kamap bikpela na go pilai wantaim em long fowat long A gret. Ol liklik mangi ya (Paiyo, Mondo, Naipao, Kambao na Mondo) ya i winim em long mekim i go insait long Vipers tim.

Ludwig Ambana wanpela olupela pilaia tru bilong Tarangau bai tok gutbai long ragbi lig long dispela wiken taim em i pilai long laspela gren fainel wantaim tim bilong em long las 19

RODNEY KAMUS i raitim

ya.

Sapos dispela ol husat i no nap tingim em na i pilai ragbi lig na pinis, Ludwig i stat pilai A gret ragbi lig long Tarangau long 1977 yet i kam inap nau 1995. Tarangau klab i olsem meri bilong em long wanem Ludwig i no marit yet. Na Bihain long gren-fainel long Sande, Ludwig bai tok gutbai long geim em i save laikim tru.

"Mi no kisim bagarap na bai mi lusim pilai. Nogat. Mi lukim olsem mi mas stop na givim sans long planti yangpela husat i pilai i kam antap," Ambana i tok.

Ambana em i wanpela man husat i save lukautim bodi bilong em gut tru na dispela i helpim em long pilai ragbi lig longpela taim tru.

"Mi amamas olsem bodi bilong mi i stap strong longpela taim tru. Mi no bin kisim wanpela bagarap liklik. Liklik bagarap tasol mi kisim em long

lek bilong mi taim mipela i pilaim Paga Panthers long 1990."

Long dispela 19-pela yia Ambana i pilai, em i no makim PNG liklik o Vipers tasol em i save pilai long olgeta klab pilai bilong Tarangau.

"Planti ol Kumul pilai i no pilai moa nau. Ol i ken go long makim PNG o Vipers o wanem tim tasol olgeta dispela lain i pinis na sindaun nating nau. Tasol mi stap yet na mi gat sans long pilai long grenfainel yet. Ol i nogat dispela sans olsem mi gat nau."

Na bikpela laik bilogn Ambana em long winim grenfainel wantaim tim bilong em long 19 yia olgeta na tok gutbai.

Long ol Tarangau pilaia yet, olgeta i putim han wantaim pinis na bai pilai hat tru long dispela wiken egensim birua bilong ol Mosbi Defence taim ol i bung long Sande.

Sapos ol i winim grenfainel long Sande, ol bai mekim Ambana i amamas na salim em i go aut wantaim stail.

Anda 17 soka redi long lukim Solomon Ailan

ANDA 17 soka tim bilong PNG i redi tasol long go pilai long Solomon Ailan long 15 Septemba. Dispela em wanpela amamas raun bilong ol manki PNG long Solomon Ailan we ol bai pilai tripela gem olgeta.

Presiden bilong Papua Niugini Futbol Asosiesen (PNGFA), Peter Mommers i tok dispela raun bai i kamap yet long kisim ol manki bilong mipela i go pilai long Solomon Ailan. Tasol bikpela samting nau em PNGFA i wetim yet bekim bilong bikpela balus bilong Solomon Airline. Balus bilong Solomon Airline i mas givim tok klia long dispela ron bilong em i go long Solomon Ailan long 13 Septemba. Bikos dispela em bai long skul holide bilong ol dispela Anda 17

YAKAM KELO i raitim

pilaia. Mommers i tok olgeta samting i orait tasol long mekim kamap raun bilong ol anda 17 manki long neks mun. Tasol bikpela samting em long taim bilong dispela bikpela balus i ron long PNG na Solomon Ailan. Mommers i tok bai ol i salim 18 pilaia wantaim nupela opisal long dispela raun. Tupela opisal em Ludwig Peka husat em Nesenel Yut kosa na Paul Kapi husat em wanpela bikman bilong Wau. Paul Kapi bai go olsem tim menesa.

Tasol Nesenel Yut kosa, Ludwig Peka i tok bai 18 pilaia i go wantaim em yet na Nesenel Kosa Dairekta

long Goroka, Idris Kumbrawah.

Dispela i soim olsem PNGFA i no soim tingim yet long husat bai i go wantaim Ludwig na dispela anda 17 skwat.

Ludwig Peka i tok Morobe Provinsal Gavman i redi long givim K8,000 long helpim dispela raun bilong ol yangpela manki ya long Solomon Ailan.

Bai Morobe Gavman i givim dispela mani taim PNGFA i tokaut long ol long wanem taim skwat i redi long tekov long Solomon Ailan.

Ludwig i tok tu olsem em i wetim tasol PNGFA long tokaut long de bilong go. Bai em i ken traim long bungim ol dispela 18 pilaia harlap. Bikos ol i stap nabaut long ol provins

olsem Madang, Kaiapit na ol hailans rjen. Olgeta bai bung wantaim ol Lae pilaia long Lae Siti.

PNGFA i bin mekim promis long salim ol dispela anda 17 lain long wanpela amamas gem long ovasis. Pastaim em i bin tingim long Australia long Kens na tu long Irian Jaya. Tasol soka asosiesen long Solomon Ailan i wanbel long dispela raun bilong PNG olsem na em i orait long holim dispela gem.

Dispela anda 17 tim i bin lusim sans long dispela yia long go kik long Fiji long Osenia Anda 17 tonamen. Bikos PNGFA i sot long mani long salim skwat.

Long dispela as, PNGFA i tingim long kamapim ovasis gem long ol

dispela manki i ken go pilai bihain long Saut Pasifik Gems long Tahiti i pinis. Bai ol dispela manki i pilaim tripela gem olgeta taim ol i go long Solomon Ailan. Namba wan gem em namel long ol anda 17 tim bilong Solomon Ailan yet.

Na namba tu gem bai wantaim anda 19 sait bilong Solomon Ailan. Insait long namba tri gem, bai PNG i bungim anda 17 tim bilong ol gen.

Dispela gem bai i kamap long skul holide. Ludwig Peka i laikim bai em i mas kisim toksave bilong PNGFA na Solomon Airline balus long dispela wik yet.

Bai em i ken hariap long bungim ol pilaia bilong em na tokim ol long taim bilong go long Solomon Ailan.

**LAE
BISCUIT**



RAGBI LIG

NIUS

I NO BILONG SALIM.

**LAE
BISCUIT**



Sponsa Bori bai namel man

Muruks vs Eagles

ALPHONSE PU i raitim

TAIM Mt Hagen Eagles na Mendi Muruks i pilai long major semi final long dispela inta siti ragbi lig long dispela Sande, wanpela man tasol namel long planti tausen man, meri na pikinini bai i stap namel tru na sapotim tupela tim wantaim.

Dispela man em John Bori husat company bilong em, Hagen Bilding Supplies i mama sponsa bilong Mendi Muruks Ragbi Lig Tim long dispela yia long inta city resis. Na tu em i kamap olsem mina sponsa bilong Mt Hagen Eagles. Bori tu em i stap olsem siaman bilong ol Bod of Direktas long Mt Hagen Eagles Ragbi Lig Tim na tu em i stap insait long wok lukatu bilong Mendi Muruks.


Pilai bilong tupela bikipela pisin, Eagles na Muruks em bai i kamap aninit long biktaun bilong Bori, Mt Hagen na i gat bikipela bilip olsem dispela bai i bungim planti tausen man meri long lukim dispela pilai. Olsem na long dispela Sande, Bori bai i soim wei bilong gutpela na strepal sapot tru olsem trupela sapota bilong Ragbi Lig. Em bai i no inap long opim maus tumas long sapotim wanpela o narepela. Ating em bai i toktok long ol gutpela samt-

ing tasol i kamap long pilai graun na paitim han long tupela tim wantaim taim tupela i skoaim trai.

Lukluk long pilai, Mendi Murks i usim Rebiatul Ragbi Lig Graun taim Papua Niugini Ragbi Lig i rausim ol Inta-City na bikipela pilai long Mendi bihainim ol kranki pasin bilong ol sapotas long Mendi taim bikipela pilai i save kamap. Papa tru bilong Rebiatul Ragbi Lig Graun ausait long Hagen taun em Mt Hagen Eagles. Olsem na tupela bikipela tim wantaim long dispela Sande.

Wanpela gutpela pasin we ol bos man bilong Mt Hagen Ragbi Lig i wokim em ol i givim wok kontrak bilong sekurity i go long ol yangpela manki bilong ples stret. Ol yangpela manki i no laik lukim olsem pilai bai i mam na papa bilong ol bai i ken salim ol kaikai na drink bilong kisim liklik mani bilong sapotim famili blong ol. Long dispela as, sekurity long dispela bikipela pilai bai i kamap namba wan tru.

Husat i winim dispela pilai bai i weitim gran final na husait i lus bai i wanpela moa sans. Em bai i pilai wantaim wanem tim i win namel long narapela bikipela pilai namel long Pot Mosbi Vipers na Lae City Bombers. Na husat i lus long dispela pilai namel Lae na Mosbi bai i hangamapim su bilong ol.




Tripela boi nogut ... • Dispela ol yangpela bilong Tarangau Agret tim long Mosbi lig bai testim pawa bilong gren fainel long namba wan taim nau. Hora Aisa, Danny Eri na Gairo Dapena bai lukim olsem Tarangau i winim Defence long Sande. Foto: Ivan Bayagau.

CONCENTRATED CLEANING POWER

**STRONGPELA PAWA
BILONG KLINIM,
NAU IKAM LONG
LIK LIK FAB BAR**



Glasing wanwan pilaiia long Defence



Nem: PITIKI WANEGA
Hevi: 75 kg
Longpela: 175 cm
Posisen: Fulbek
Grenfainel: 1
Nem: Jack Uradock
Hevi: 78 kg
Longpela: 174
Posisen: Winga
Grenfainel: 4




Nem: LUKE WALDIAT
Hevi: 81 kg
Longpela: 175 cm
Posisen: Senta
Grenfainel: 4




Grenfainel: 2
Nem: TONY DAPLE
Hevi: 105 kg
Longpela: 180 cm
Posisen: Faiv-eit
Grenfainel: 6



Nem: OSCAR OKSAP
Hevi: 87 kg
Longpela: 175
Posisen: Lok Fowat
Grenfainel: 5
Nem: BILLY SEOVE
Hevi: 70 kg
Longpela: 164 cm
Posisen: Hapbek
Grenfainel: 4
Nem: PAUL ANDAKU
Hevi: 86 kg
Longpela: 167
Posisen: Seken Row
Grenfainel: 3
Nem: STEVEN SOKI
Hevi: 88 kg
Longpela: 163 cm
Grenfainel: 4
Posisen: Lok Fowat/
 Seken Row
Nem: SEBASTINE MAGUNA
Hevi: 90 kg
Longpela: 175 cm
Posisen: Prop
Grenfainel: 5




Nem: JAMES MIVIRI
Hevi: 84 kg
Longpela: 183 cm
Posisen: Wing/Senta
Grenfainel: 3



Nem: BEN LENTURUT
Hevi: 85 kg
Longpela: 180 cm
Posisen: Senta




Nem: GEORGE KELE
Hevi: 76 kg
Longpela: 176 cm
Posisen: Utiliti Bek
Grenfainel: 6
Nem: RONALD VUE
Hevi: 88 kg
Longpela: 178 cm
Posisen: Huka
Grenfainel: 5




Nem: JOHANNES KOLA
Hevi: 90 kg
Longpela: 167 cm
Posisen: Seken Row
Grenfainel: 7
Nem: KES PAGLIPARI

VS




Hevi: 95 kg
Longpela: 170 cm
Posisen: Prop
Grenfainel: 1

Tarangau




Nem: ALEX NAKIN
Hevi: 70 kg
Longpela: 180 cm
Provins: NSP
Stat pilai: 1994
Grenfainel: 1
Posisen: Fulbek



Nem: HIMSON IVAT
Hevi: 70 kg
Longpela: 179 cm


Provins: ENB
Stat pilai: 1993 Pom
Grenfainel: 4
Posisen: Winga
Nem: ZACKERY KIPSY
Hevi: 78 kg
Longpela: 167 cm
Provins: SIMBU
Stat pilai: 1995 Pom
Grenfainel: 1
Posisen: Winga
Nem: RICHARD WAGAMBIE
Hevi:
Longpela:

Provins:
Stat pilai:
Grenfainel:
Posisen: Senta
Nem: SIBIA WAIBOLA
Hevi: 78 kg
Longpela: 167 cm
Provins: Westen
Stat pilai: 1990, Pom
 Waliya
Grenfainel: 2
Posisen: Senta
Nem: SOGA DABEMA
Hevi: 75 kg



Longpela: 165 cm
Provins: Westen
Stat pilai: Balimo lokal
 lig 1982
Grenfainel: 8
Posisen: Faiv-eit

Mosbi lig gren fainel



Nem: MIKES AVOSA

Hevi: 75 kg

Longpela: 180 cm

Provins: Gulf

Stat pilai: 1993, Pom

Tarangau

Grenfainel: 2

Posisen: Hapbek

Nem: ORGU WAINETTI

Hevi: 72 kg

Longpela: 184 cm

Provins: Westen

Stat pilai: 1985 Daru

RFL

Posisen: Prop

Nem: TARA KORAE

Hevi: 80 kg


Longpela: 175 cm

Provins: EHP

Stat pilai: Tarangau Pom
1990

Grenfainel: 2

Posisen: Huka



Nem: FRANCIS POKA

Hevi: 94 kg

Longpela: 178 cm

Provins: S.H.P

Stat pilai: Royals,

Madang

Grenfainel: 3

Posisen: Prop

Nem: SIMON KITINGI

Hevi: 79 kg

Longpela: 162 cm

Provins: ENGA

Stat pilai: 1986

Tarangau

Grenfainel: 3
Posisen: Seken Row

Nem: SIPA BIRI

Hevi: 85 kg

Longpela: 182 cm


Provins: Simbu

Stat Pilai: 1995

Tarangau Pom

Grenfainel: 1

Posisen: Seken Row



Nem: FRANCIS ROHUS

Hevi: 105 kg

Longpela: 170 cm

Provins: NSP

Stat Kosa: 1995 Pom

RFL

Grenfaine: Nogat

Posisen: Kosa

Nem: PETER KAMBAO

Hevi: 90 kg

Longpela: 158 cm

Provins: Enga

Posisen: Tim Menesa

Nem: JOE KAVULIO

Hevi: 60 kg


Longpela: 156 cm

Grenfainel: 2

Provins: WNB

Grenfainel: 1

Posisen: Tim Trena



Nem: MEK GELE

Hevi: 92 kg

Longpela: 188 cm



Provins: Simbu

Stat pilai: 1993 Pom

Tarangau

Grenfainel: 2

Posisen: Lok fowat



TURN YOUR OWN WOOD INTO TIMBER, BY OWNING YOUR OWN SAWMILL!!


Start small with your own.

1st STAGE

JONSERED MINI SAWMILL 600+

OUR LATEST
ADDITION ON
RAIL!!

Just roll the log into
place. It couldn't be
easier!!



THE FASTEST SAWMILL THAT RUNS ON RAIL.


If you have been thinking about becoming a sawmill owner then you already know that you can saw wood when or where it suits you, and save good money at the same time.

- * Save money by turning your own wood into timber and save expensive transportation cost.
- * Save even more by choosing fast and efficient equipment and avoid unnecessary work.

Jonsered's most powerful turbo saw, the 7 horsepower 2095 Turbo, make the perfect power source for mini sawmill.

STAGE 2 & 3

WHEN YOU HAVE SAVED ENOUGH GO FOR THE NEXT BEST PORTABLE SAWMILLS IN OUR RANGE.



CHOOSE BETWEEN
TOKEN and ZEACAN NEW GENERATION
"IN BEAM SAWMILLING SYSTEM"
PORTABLE SAWMILL

Features everything you desire from:

- * Strength
- * Accuracy
- * User Friendly
- * Portability
- * Design
- * Durability
- * Power
- * Performance

Most importantly, prompt after sales services
right here in Papua New Guinea



CALL US
TODAY!

TIMBERSAWS
(PNG) PTY LTD

LAURABADA AVENUE
(OLD TGA SHOWROOM)

PHONE: 42 7015

FAX: 42 7673

SEE OUR TOKEN SAWMILL OPERATING AT SIKUT BLOCK NEAR
WARANGOI KOKOPO ON MONDAY 28TH AUGUST.

Fiji i win ...



Winga bilog Presidens 13 Joshua Kouoru i kisim taim stret taim tupela birua bilong em bilong Fiji Batis i givim em wanpela strongpela takel tru i go daun long graun. Kouoru husat i wanpela strongpela pilai i gat planti eksperiens long dispela posisen tasol long nogat gutpela sapot las wiken, Fiji Batis i winim PNG Presidents 13 19-10. *Potos: IVAN BAYAGAU.*

PNG i lus long 9 poin tasol



Kumul senta David Gomia i kisim taim stret long han bilong ol Fiji long las wiken. Gomia em i wanpela strongpela pilai tu husat i wanpela Kumul pilai na em tu bai putim ai long kisim wanpela spes long go pilai long Wol Kap long Inglen. Sapos em i pilai gut yet, em bai gat sans.

Bai yumi i pilai

BIKPELA askim nau i stap bihianim dispela lus bilong Papua Niugini President 13 tim egen-sim Fiji olsem inap mipela i mekim nem bilong kantri long wol kap o nogat. Sapos wanpela kain kantri olsem Fiji husat i pilai ragbi long 4-pela yia tasol na inap winim kain ples olsem PNG husat i pilai ragbi long moa long 50 yia, i luk olsem PNG i nogat nem olgeta nau long ragbi lig wol.

RODNEY KAMUS i raitim
Tasol dispela i no nap long daunim yumi i go daun na yumi mas lukim dispela pilai bilong las wik egen-sim Fiji Bati olsem wanpela lesen bilong yumi long lainim na kamapim wanpela strongpela tim nau bipo long wol kap long Inglen long mun Oktoba. Long pilai bilong las wiken, Fiji Bati i kamapim gutpela pilai tru egensim ol lain bilong mipela ol PNG Presidents 13 tim na winim ol long 19-10. Dispela em bihain long planti pilai bilong mipela i kisim bagarap na gem plen bilong ol PNG i bagarap. Na wantaim ol planti asua ol i mekim long ino holim gut bal, ol Fiji i kisim sans long dispela na skorim tripela trai egensim PNG husat i putim tupela trai tasol long dispela pilai.



Fiji em i wanpela tim husat i kam wantaim ol pilai long asples yet na sapos ol i bin kisim ol ovasis pilai bilong ol olsem Noa Nandruku i kam long pilai, ating ol bai mekim save stret long PNG.

Tasol long dispela pilai tu, PNG i nogat planti ol intanesenel pilai olsem Adrian Lamo biknem faiv-eit bilong kantri Aqiula Emil long pilai. Ol selekta i mekim gutpela wok bilong makim ol pilai long fom bilong ol wantaim eksperiens na kisim

gut o nogat?

moa yangpela husat i pilai gut tru long kamapim wanpela strongpela tim. Siaman bilong ol selekta Peter Beipi i tokaut olsem ol i makim tim i no long nem tasol ol i lukluk long fom bilong ol pilai na yusim SP Inta Siti resis olsem graun bilong makim ol pilai long Presidens 13 tim. Ol Fiji long raun bilong ol long dispela yia i kam long PNG i laik traim long bekim dinau bilong ol em ol i bin lus long las yia


egensim PNG i mekim wanpela gutpela liklik ron na i rausim planti ol difenda bilong Fiji na putim wanpela trai em yet. Tasol Okul i no stap longpela taim long pilai graun long mekim sampela moa kain ron olsem. Em i kisim bagarap long fes hap bilong pilai yet bihain long dispela trai bilong em na i lusim pilai graun. Fulbek David Buko tu i kisim bagarap na yangpela Markus Bai bilogn Vipers husat i

save pilai senta i kisim ples bilong em long laspela lain. Tasol dispela i no helpim liklik long wanem, ol Fiji i mekim planti gutpela ron na kik long winim dispela pilai. Bikpela samting nau em ol selekta i mas lukluk em long kamapim wanpela strongpela tim bipo long wol kap resis i kamap logn mun Oktoba. Sapos ol i no nap painim ol pilai hariap, singautim bek sampela ol olpela lain husat i no kisim selek-

sen long kambek insait long skwat. Kain ol pilai olsem Tuksy Karu, man husat i gen glasim gut pilai o olpela Kumul kepten Daroa Ben Moide husat em wanpela gutpela fowat husat i ken sanap na oflodim bal o Kere Ngaffin na James Naipoa o winga na spitman James Miviri. Dispela ol lain i ken givim sampela moa strong long ol lain i stap pinis long bringim nem bilogn PNG i go antap gen.



• Defence anda 19 tim husat i winim grentainel bilong ol long las wiken.



• Ol Fiji Batl i memeim Kouoru long graun bilong PRL. Kain strongpela takel bilong ol Fiji i mekim na ol i winim PNG.



Ol Sapota bilong Fiji Batl i amamas taim tim bilong ol i putim wanpela trai.



• Presidents 13 senta David Gomia i kism taim long ol Fiji Batl. Fiji i win 19-10.



• Kepten bilong PNG Presidents 13 Max Tiri i pilaim bal i go long huka Billy Noi Jr. Tiri wantaim tim bilong em i no strong na ol i lus long ol Fiji Batl 19-10. Foto: John Rei

Brothers na Tigers dro long Banz lig

LONG narapela bikpela A gret pilai long Sande long Banz Lig graun ol bois long Saut Wagi, Tigers i brukim bun wantaim ol sik manki blong Banz, Brothers tasol tupela tim wantaim i pilai wantaim futbol na narapela ino inap long ovatek long narapela olsem na tupela wantaim i nilim 10-10 long fultaim.

Pes tai i kamap long sait blong Brothers taim yanpela hapbek blong ol Joseph Tol i painim Banis blong Tigers i slip liklik na bihain long em i wokim wanpela gutpela sip kik wei bal igo slip long lain blong Tigers em yet i ron igo na pundaun antap long bal.

Dispela trai i kamap klostu tasol long gol pos tasol lek blong John Buknga ino stret na bal igo arere olsem na skoa sanap Brothers 4 na Tigers wok yet.

Tasol bihain long dispela trai ai blong ol Tigers i op na kain man olsem Gibson Siune, John Taime, Johnson Pakyo, Mali Puma Tony Kui, John na Joseph i wok long amarim pes lain banis blong Brothers.

Ol i kamapim sampela gutpela pilai na wok long igo long han blong Joseph long lep wing. Em igat spit olsem na abrusim 4-pela Brothers long go raun long lain blong ol. Kain stail kik blong John Taime painim namel blong tupela pos stret na ol Tigers igo pas 6-4.

Ol Tigers save ol igo pas olsem na ol i wok long mekimsave long hap tasol ol Brothers i sanap strong na lukautim tims na hap blong ol wantaim kain man olsem, Kauboi Maima, John Konoma, Joseph Tol, Robert Gomora, John Buknga, John Kumai na Kapal Rex.

Ragbi istap strong tasol long namel igo arere blong pes hap na skoa i sanap olsem yet Tigers 6 na Brothers 4.

Seken hap i kamap wankain olsem pes hapt tasol, tupela tim wantaim salim skin igo ikam. Ol Tigers i save olsem ol igo pas na wok long putim presa long ol Brothers na tru tumas bihain long wanpela gutpela bol pilai long ol fowots igo long beklain wei bai igo olgeta long rait winga blong ol, em i dastim igo painim blong ol Tarangau.

Road-works Bulldogs na Koromi Tigers i win long lalibu lig

MICHAEL MONDA i raitim

LONG namba wan gen namel long ol Road-Works Bulldogs na ol Yamex, ol Bulldogs i bin dastim ol Yamex 22-8.

Ol Bulldogs i luk liklik long sais na katim stret lain wantaim ol kai gutpela bol-wok i kamapim ol gutpela gutpela trai we ol i warawara ol Yamex. Long nau yet ol Road-Works Bulldogs igo pas long poin lata, Tigers, Panthers na Yamex.

Long mein gem bilong bilong ol lalibu Klab gems ol Kormi Tigers i nekim ol Paipuri Panthers long 10-4 points.

Long pes hap igo insait long fild refri Paul Yandawa i givim wanpela

lalibu Lig tinting long ronim 6-pela lig klab neks yia

BIHAIN long lalibu lig i bin registerim lig bilong em wantaim P.N.G. R.F.L long dispela yia 1995 em i gat 4-pela lig klaps tasol.

Long dispela ol 4-pela klaps igat ol ful Junia, Rise na A gret tims.

Ialibu Ragbi lig President Mista Patrik Rama na Vais President Mista Steven P. Kenda i tok aut olsem long neks yia 1996 lalibu lig bai gat 1-pela ragbi klaps.

Dispela toktok i bin kamap bihain long tupela i lukim olsem ol planti lain long ol narapela hap bilong lalibu i karn mekim klia toktok olsem ol bai sponsorim ol klaps bilong ol i kam insait long lalibu lig.

Long dispela yia yet igat 4-pela klap tasol na em long: RodWoks

penalti igo long ol Paipuri Panthers tasol kik ino go insait.

Wanpela trai blong ol Tigers, No 4 i putim. Konfesin bin go. Tupela penalti gen igo long ol Paipuri Panthers tasol kik ino go insait. Hap taim Tigers 4-0.

Long seken hap tupela sait wantaim i putim wan wan trai. Kik bilong Tigers go insait na Panthers nogat. Fultaim poin Tigers 10 na Paipuri Panthers 4.

Olgeta tim wanem i pilai gutpela gem. Panthers No 13 na 11 i luk densares liklik Tigers No 13, 10, 8 i kik denseres na Bulldogs John Nema i skulim ol gut na ol i pilai smart. Yamex tu planti i pilai gut

Bulldogs, Konomi Tigers, Yamex na Paipuri Panthers.

Vais President bilong lalibu lig Mista Steven Pale i tok aut olsem em i gat strong-pela bilip olsem lalibu lig bai kamap wanpela strongpela lig senta bihain Mista Pale i tok long bipo taim lalibu lig ino regista wantaim P.N.G.

R.F.L. em i kamapim ol kain strongpela pilaia bilong Kumuls Olsen Nade Yer, Joe Rema na tu long Muruks sait Paul Yandawa, Mista Kawa na planti moa.

Mista Pale na Rama i tok tupela istretim pinis ol pepa wok long putim bikpela gem long September 16 we lalibu bai paia tait.

“Magani i wok long win yet”

“-Ol manki blong het wara Mombol ilaik kamap Primia blong Banz lig dispela yia.-”

JAME SAKUL i raitim

MAGANI i wok long mekim-save na bagarapim sindaun blong ol narapela tim ol i wok long bungim. Long wik igo pinis ol i autim tiket blong Tigers long i poin na long last wik. Sande ol yangpela blong het wara Mombol i rausim trausis blong ol lain tambu blong Waraka, Tarangau 20-3 taim tupela tim i bung long Banz Lig pilai graun.

Ol dispela kain win i mekim na het kosa blong Magani, Michael Warap i amamas stret long pilai blong ol bois em. Em itok ol dispela win wantaim kain stail pilai blong ol bois blong em bai istap yet na salim tok lukaut igo pinis long ol narapela tim.

Tru tumas long kain pilai blong ol Magani mekim na planti sapat na ol man blong bihainim Lig i bilip long ol blis blong het wara long karim primias kap blong Banz Lig dispela yia.

Pilai long Sande i stat strong tru na das i kirap long tupela sait wantaim bikos ol bois blong Waraka tu i yangpela na save pilai strong tru tasol long Sande fitnes blong Magani i kamap klia tru taim ol i win.

Ol Magani i ken pilai 80 minit futbol, lukluk long sapat pilai wei ol isave winim planti graun na painim lain blong narapela tim. Long Sande yet bihain long 15 minit mak ol Tarangau ino was gut long banis blong ol na Outsait

Senta blong Magani, Ding Kur, bihain long wanpela gutpela beklain miv i brukim banis blong ol stret na igo raun long lain blong ol Tarangau tasol but blong Kevin Noah ino stret na ol Magani igo pas 4-0.

Dispela i kirapim bel blong ol Tarangau na ol i mekim save long igo long hap blong Magani. Taim ol istap insait long 20 mita mak blong Insait Senta blong Tarangau, Arnold Tongia i traim wanpela fil gol tasol na em i painim stret namel blong tupela pos na ol i brukim kiau long 1 poin.

Pilai i wok long tait yet long dispela taim tasol klostu long arere blong pes hap stail manki blong Magani, Joe Komni long rait wing kisim wanpela gutpela bal na abrusim 3-pela Tarangau pilaias olgeta long go-lukim lain blong ol. Kik blong Kevin Noah i painim mak stret na ol Magani igo antap 10. Skoa i sanap Magani 10 na Tarangau 1 long pes hap.

Long seken hap ol Tarangau i pes long putim poin long bod bihain long 20 minit taim referi John Kil ino amamas long wanpela hap pilai blong Magani na givim penalti igo long Tarangau. But blong Arnold Tongia i wok orait na ol i kisim 2 poin long sukurim point blong ol igo antap 3. Dispela em las poin ol Tarangau kisim long dispela

dei bikos ol Magani taitaim banis blong ol na wok long bomim hap blong Tarangau na wokim liklik mistek tru, na ino givim wanpela taim stret long ol bois Waraka long go insait long 10 mita mak blong ol.

Ino longtaim fulbek blong Magani Timothy Ginga, wanpela gutpela yangpela pilaia long Banz Lig yet, na husait i wok long kamapim gut pilai dispela taim yet is brukim stret wanpela strong Banis blong ol Tarangau na igo insait na Magani i go antap moa 14-3.

Bihain liklik taim tasol long dispela trai wanpela moa gutpela pilai i kamap long beklain blong Magani na faivet blong ol, nem pilaia long Banz Lig Peter Angelye igo raun long lain blong Tarangau. Kevin Noah kikim igo insait stret na ol bois blong het wara surik igo antap 20-3. Skoa i sanap olsem long fultaim. John Taime i popaia na ol Tigers igo antap moa 10-4.

Taim i wok long surik, surik tasol dispela taim ol Brothers i putim presa long ol Tigers, Klostu 5 minit samting istap yet blong fultaim na seken rowa blong Brothers Kapal Rex, husat i wok long pilaim wanpela gutpela gem tru i brukim stret strongpela banis blong Tigers na pundaun antap long lain aninit long gol pos stret. Kik blong yanpela autsait senta blong Brothers

Vincent Kiap igo insait na skoa blong Brothers igo antap 10 pas wantaim Tigers na dispela istap igo fultaim.

Long dispela taim yet wanpela strongpela man blong bihainim Ragbi Lig na tu em Presiden blong Brothers Klab long Banz Lig ino wanbel tru long ol Junia tims i save igo statim ol pilai blong ol leit tru na dispela i save mekim ol lig opisols i save katim taim blong ol A gret pilai na sampela taim ol i save pilai i go tudak.

Man yia, Mista John Mukale i tok ol A gret pilai imas bihainim taim stret olsem 80 minits futbol na ino sotpela taim nabaut. Em itok em i bilip em asua blong ol pilaias long wanwan klab yet.

Ol i save raunraun planti long maket long wanem em istap klostu na igo long pilaigraun leit tru. Em i askim nau olsem ol fainals i kamap klostu na ol tims mas igo stat long taim stret na ol iken mak blong taim na kisim filing bilong pilai ya.

Taim Ragbi lig niuis i askim ol lig opisols long dispela ol itok tru. Ol itok stret olsem ol i save istap long pilai graun stat long 10:00 kilok tasol ol pilaias save kamap long 12'o'kilot. Ol ino gat rot tasol long katim daun taim. Ol tu laikim ol tim mas kamap long taim bai ol iken pilai longpela taim.



LAE BISCUIT COMPANY PTY. LTD., OL LAIN BILONG MEKIM BIKPELA NA STRONGPELA NAVY BISKET.

Lae Bisket Kampani i amamasim Port Moresby Tarangau Ragbi Futbol Lig Klalong kamap olsem 1995 MAINA PRIMIA TIM bilong Port Moresby Ragbi Lig na tu baisapotim yupela long winim gren fainel long Sande.

**“ I NAMBAWAN
NAVY BISKET YET
INSAIT LONG PNG ”.**

JACK I KAM LONG HELPIM

TERRY HILL i gat sampela toktok long patna bilong em Danny Moore taim ol i rausim em long pilai graun egensim Penrith long tupela wik i go pinis. "Mi tokim em olsem, meit karim mi wantaim yu i go long judiseri na bai i nogat wanpela sans bilong yu bai lus," Hill i toktok na lap wantaim.

Dispela toktok bilong Hill i mekim Moore i lap liklik tasol insait long em yet, em i pilim olsem traipela moa samting bai kam yet. Wantaim Hill husat bai stap long saspensen inap long tupela wik i go insait long semi fainel, laspela samting ol Manly i laik lukim em laspela intanesenel senta bilong ol bai lusim ol tu. Taim piksa ya i luk nogut long Manly, dispela olgeta hevi i kamap long ol i soim olsem ol i gat sans long stap long gutpela taim na taim nogut wantaim.

Long dispela sait bilong lukim olsem tupela senta i no stap wantaim long wanpela tim bai mekim ol klab i bruk olsem. Tasol taim Moore i wet long wanem samting bai kamap bihain long em i lukim judiseri, kosa Bob Fulton i wok long lukluk long ol tim bilong em long kisim ples bilong tupela man ya na man i no sot.

Wanpela gutpela samting em kosa bilong Manly bai kisim bek Owen Cunningham i kambek bihain long saspensen bilong em


na sapos i kamap tru, em i ken yusim wanpela fowat long pilai long senta. Manly i stap nau long wanpela posisen we ol i traim long mekim olgeta fowat i traim ol posisen olsem senta.

Steve Menzies wanpela fowat i gat sans na ekspiriens pinis long pilai long tri kwata na ol narapela fowat olsem Solomon Haumono na Daniel Gartner i ken pilai long senta tu. Presa ya i go daun liklik moa long wanem lukluk long narapela winga John Hopoate i pilai gut tru nau. Hopoate husat i save pilai senta na bilong Tonga i save pilai long wing tasol i go insait gen long senta taim Hill i kisim saspensen.

Hopoate i putim tupela trai taim ol Manly i kilim ol Penrith long las wik Sande 54-26 na wanpela em Houmano i pasim autsait long wanpela difenda bilong Penrith.

Na tu lukim kambek bilong Jack Elsegood i helpim tru Manly long stap yet antap. Elsegood i pilai hat yet long taim ol i makim em olsem Rookie bilong Yia long 1993 sisen.

Tasol Fulton i amamas tru long lukim Elsegood i pilai long ol fes gret gem bilong em long ol pilai i go pinis na i soim tru olsem ol kompetisen bilong ol beklain posisen bai i tait tru taim olgeta pilaia bilong em i kam bek bipo long Septemba.



Jack Elsegood ... in full flight for the Sea Eagles just in the nick of time. Photo: JOHN ELLIOTT

BOOM COLT

Yangpela Bronco sevim haus bilong femili...

STAIL YANGPELA pilai bilong Brisbane Broncos Darren Lockyer i piiai gut tru long las mun na karamapim dispela spes Allan Langer i lusim taim em i brukim han bilong em.

Taim yangpela ya husat i gat 18 kris-mas i helpim Broncos long winim ol Souths Sydney 56-6 long ANZ stadium, papa bilong em David i sindaun na lukluk na i traim long tingim olsem pikinini bilong em i kam long helpim em long sevim haus bilong femeli.

Taim Darren i sainim tupela yia moa agrimen wantaim Broncos long Supa Lig, em i kamap namba 21 man bilong ol na wan tu tru em i putim wanpela plen long helpim papa na mama bilong em long ples bilong em we i gat bagarap i kamap long ol kaikai.

Long kainkain hevi bilong ekenomik na bagarap i kamap long ol kaikai, dispela o fosim papa na mama bilog Darren long stap longwe long ol yet inap 18 mun

olgeta nau. Na ol i lukim olsem em bai ol i mas salim femeli haus bilong ol.

"Ol samting i bin hat tru long sait bilong mani," David i toktok long sait bilong femeli bihain long pikinini bilong em i kamap olsem Man of the Match egensim ol Souths. "Meri bilong mi Sharon wantaim tupela pikinini em ol liklik brata bilong Darren i stap long Roma na mi wan i wok long ranim bisnis bilong femeli long Miles we i stap 140 kilomita longwe.

"Sharon i gat wok long Roma na tupela mangi i skul long hap na em i bikpela samting tru mipela i mas lukautim haus bilong femeli. Taim bikpela samting bilong kisim mani em stoa bilong mipela long Miles na sapos wanpela choice i mas kamap, dispela em mas haus bilong femeli.

"Tasol nau kontrak bilong Darren i go antap na em i tingting long putim dispela olgeta mani i go long haus bilong femeli na dispela gutpela tru long mipela olge-

ta yet. Dispela em disisen bilong em yet na mi wantaim mama bilong em i no mekim wanpela toktok long sutim bel bilong em long dispela."

"Mipela i bilip tasol olsem olgeta samting bai go gut gen na mipela i ken kisim bek ol samting gut tru. Mi pilim olsem i nogat as bilong mipela long tok-tok long amamas bilong mipela long Darren na wanem samting em i kamap nau."

Ol Broncos i bin lukim stail bilong Darren na stopim ol narapela klab long sainim em taim ol yet i sainim em gen long tupela moa yia bihain long 6-pela wik tasol em i pilai long fes gret.

Maski em i no bosim bikpela mani tumas long nau yet, em i winim Michael Hancock long pilai fes gret taim em i 33 deis tasol.

Menasa bilong em Peter Hickey olsem yangpela mangi ya i ken kisim moa mani sapos em i putim em yet long open maket tasol, bikpela tingting bilong

Darren em long helpim femeli bilong em wantaim mani na stap long Broncos.

"Pilai long wanpela klab olsem Broncos em sans bilong kisim skolasip long stadi long wanpela bikpela yunivesiti na Darren i save long dispela," Hickey i tok.

"Em i wanpela yangpela man husat i gat bikpela na gutpela tingting na em i save olsem em bai stap baksait long Allan Langer na Kevin Walters longpela taim liklik pastaim. Tasol em i redim em yet long dispela pinis.

Maski long planti ol gutpela samting long laip bilong em nau yet, Darren bai go daun gen long risev gret long dispela wiken na bai pilai long senta. Long faiv-eit bai narapela yangpela gen em Ben Walker.

Langer bai pilai gen bihain long 4-pela wik na Walters bai go bek long faiv-eit na Darren Smith bai stap yet long senta bihain long planti gutpela trai em i putim egensim ol Souths.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.